

169. 11. 12. 5. 10.



129476

129476

ΦΙΛΟΜΑΘΙΑΣ
ΤΑ ΣΠΟΡΑΔΗΝΑ.

MISCELLANEA
DOCTRINAE

LIBER PRIMUS.



Οὐ παύσομαι τῆς χάριτος
Μούσαις συγκαταμυγνῆς,
Ἥδισται συζυγίαν.

EURIPIDES.

AMSTELODAMI,
APUD PETRUM DEN HENGST,
MDCCCIX




VIRO. NOBILISSIMO. ERUDITISSIMO
FREDERICO. BARONI. VAN. LEYDEN
DOMINO. WESTBAARENDRECHTAE

I. V. D. ET. AA. LL. M.

GRAVISSIMIS. REIP. GESTIS. MVNERIBVS
SPECTATO. SENATORIO. ET. CVRANDAE
ACADEMIAE. LVGDVNO. BATAVAE
QVINQVEVIRATV. DEIN. REGII. STATVS
SENATORI. ET. ORDINVM. EQVESTRIVM
REGII. HOLLANDICI. ET. REGII. WVR
TENBERGICI. CLASSIS. PRIMAE. MAGNA
CRUCE. INSIGNITAE. DECVRIONI. TVR
MALI. NOVISSIME. REGIO. HOLLANDICO
REKVM. INTERNARVM. ADMINISTRO
NVNC. PRIVATO. MVNAS. COLENTI. OB.
PRAECLARA. ERGA. PATRIAM. ACA
DEMIAM. LITERAS. MERITA. HVNC
PHILOMATHIAE. PRIMVM. LIBRVM

DANIEL. WYTTENBACHIVS

D. D.



D. W.

LITERARVM STUDIO SIS

S. D.

*A*nnus hic est trigesimus secundus, quod Bibliothecam Criticam scribere coepimus. Neque tum putabamus fore, ut eam, vel tam multos in annos extraheremus, vel extractam tam paucis voluminibus contineremus. Materiam nobis Antiquarum Literarum amplam & variam sumebamus, novas Auctorum editiones, interpretum commentarios ac disputationes, omnium censuram & explicationem: nec laboris magnitudinem cum facultatis nostrae otiique modo satis comparabamus. Itaque per septem priores annos Partibus octo editis, reliquae Partes quatuor spatio viginti & quinque annorum prodierunt. Quae tarditas & intermissio quibus de

•

caus-

fuit, ut omnes novos libros persequeremur, ut pro tanta multitudine non nisi paucos nostro sensu judicioque delibaremus. Ista autem nominis professionisque opinione nonnulli subinde ducti, plura etiam, quam quae afferebamus, à nobis postulabant. Age, inquit, qui Euripidem Musgraviū fuisse tractasti, tracta item Sophoclem Brunckii: & qui Schweighauseri Appianum recensuisti, recense quoque ejus Polybium & Athenaeum: qui Villoisono & Santenio memoriam tribuisti, cur non etiam Toupio & Brunckio? Importunos flagitatores jam exclusimus, excludendo nomine Bibliothecae.

Neque Criticae nomen retinuit; non quod ab hoc opere nostro Criticam repudiaremus, sine qua nec in Literis, nec ullo in genere, sapere quisquam potest: sed, ut hanc quoque reprehendendi ansam iis praecideremus, si qui, nullam nisi verborum esse Criticam putantes, omnia ex hoc genere à nobis postularent, neque rebus & ipsis disciplinis locum relinquerent: qui frequens imperitorum est error. Denique, ut verum fateamur, nolimus nobis amplius nomen assumere ejus artis, quae multae experientiae extremus fructus censetur.

Nam tertium, quod in vetere titulo nobis displiceret, fuit tessera, Longini sententia: ἡ γὰρ τῶν λόγων κρίσις πολλῆς ἐστὶ πείρας τελευταῖον ἐπυγένημα· egregia sane illa, sed, libro praescripta, anceps & reprehensioni exposita; quasi illam nobis facultatem jam tum arrogassemus, à qua nos nunc etiam post trigesimum secundum annum longe abesse profiteamur. Haec enim profecto, quam suscipiebamus, erat ἡ τῶν λόγων κρίσις, dijudicatio librorum: nec modo recentiorum, sed & veterum, de quibus Longinus loquitur, eamque multae experientiae extremum fructum esse pronunciat. Latius autem, ac vulgo putatur, πείρα patet: nec solam illam, quae dicitur, experientiam, continet; sed omnes etiam ejus causas & effectrices, observationem, usum, lectionem, scriptionem, commentationem, tractationem, complectitur. Itaque miramur, neminem nostrorum obstrictorum in hanc tesseram involasse, nobisque eam arrogantiae vertisse. Videtur sane haec nostra felicitas esse; ut, quum aëo genera lectorum habeamus, faventes & invidentes: illi sint docti, qui videant, & ignorent: hi indocti, qui videant, nec intelligant.

Er.

Ergo novo opusculo novum titulum fecimus Φιλομαθίας τὰ σποράδην, quasi dicas, Doctrinae Studii sparsim prodita, Eruditionis Varia, Miscellanea Doctrinae. Graecum fecimus; quod rem disertius declararet: Latinum addidimus, Graeca minus capientibus. Quae autem sit, auctore Platone, conjunctio Philomathiae & Philosophiae, Φιλομαθοῦς & Φιλοσόφου; quam Cicero secutus, philosophos doctos & doctissimos appellat: ostendemus in Annotatione ad Platonis Phaedonem, in qua typis excudenda nunc maxime typographi nostri occupantur. Caeterum, hoc titulo optando, & modestiae opinioni apud alios consuluisse, & nostro labori cavisse videmur. Nam ut antiquitus omnis doctrina dicebatur σοφία, sapientia, postea autem per modestiam dicta est Φιλοσοφία, sapientiae studium, idem in nomine Φιλομαθίας accidit. Cognitio discendo comparata vocabatur μάθησις, μάθημα ejus κορία, πολυμαθία, doctrinae copia: πολυμαθής, praestans doctrinae copia homo: quae nomina quum nemo doctus, sine arrogantia, vel sumere sibi, vel data accipere posset, his Φιλομαθής & Φιλομαθία substituta sunt. Sic & πρὸς ex Biblio-*

theca Critica, quae fere inflar erat Polymathiae, fecimus Philomathiam. Eodem accommodavimus additum σποράδην, sparsim: ut hoc, quidquid sit, doctrinae liberâ manu spargeremus, nec tamquam certum ac debitum pensum lectoribus annumeraremus. Eodemque nomine scripta quaedam Veterum insignita reperimus. Veluti Hieronymi Rhodii liber secundus τῶν σποράδην ὑπομνημάτων memoratur apud Diogenem Laertium I, 26: Aristoxenus ἐν τοῖς σποράδην, ibidem I, 107: & Plutarchus se sua Symposiaca σποράδην habuisse & conscripsisse testatur p. 612, E, & 629, D.

Neque vero rursus nos ad necessitatem voluminum quaternis deinceps partibus explendorum adstringimus: sed singulares libellos pollicemur, quorum quovis edito, ipsa Philomathia finita cenferi possit; & nobis, eam vel relinquere, vel continuare, integrum sit.

Distributionem tripartitam retinuimus, in Censuras, Anecdota, Narrationes Breves de rebus librisque memorabilibus novis, quas antea Relationes Breviores usurpare solebamus. Harum quum sit varia & multiplex materia; longio-

giora capta ab iis segregabimus ac peculiari loco tituloque ponemus; siquidem eorum argumenta magis de aliis rebus, hominibus, factis, quam de libris, fuerint. Censurae autem, ut antea fuerunt, sic postea erunt, de libris in hoc *Literarum* genere, vel novis, vel antiquis de-
 xuo editis. Harum nunc locum occupavit argumentum ἀμεινον sane, sed lectorum desideriis concessum, flagitantium ut pergeremus, quod nuper inchoassemus, ejus μετρίως tractandi rationem ostendere. Anecdota quamquam dicuntur omnia, quae adhuc inedita fuerant, in his & Censurae & caeteri nostri libelli, tamen proprie intelligimus cum *Antiquorum* libros & locos hoc usque ad tempus in solis codicibus scriptis servatos: tum *Recentiorum* scripta nondum edendo vulgata. Ex illo genere addidimus huic libro duas *Dissertationes* Musonii, Stoici nobilis Philosophi: de quo *Nieuwlandius* quondam noster differuit docta disputatione, à nobis commemorata *Bibliothecae Criticae* Parte VIII.

Sic igitur prioris nominis professionisque & vinculis soluti, & onere levati, ad hoc munus, ut facilius expeditiusque, alacres accedimus. In quo

quo etsi nil certi promittimus: libellorum edendorum nec numerum, nec modum, nec tempus definimus; tamen speramus, lectores, qua fuerunt adhuc erga nos voluntate & humanitate, eadem porro futuros, & hanc nostram operam, qualem eam cumque asseremus, grate studioseque accepturos. Scripsi ruri. d. xxx. Augusti a. MDCCCIX.



C O R R I G E N D A.

<i>Pag.</i>	2. invicemvenissemus	<i>lege</i>	invicem venissemus
—	9. scribere audere, Latine	—	scribere audere Latine
—	30. incelligo	—	intelligo
—	41. Intellecta	—	Intellectu
—	69. antepenult. Quantitatem	—	Qualitatem
—	139. tument.	—	ardent.
—	144. te iudicii expertem	—	te delendum
—	149. Horratius	—	Horatius
—	188. institution.	—	institutione
—	197. Cic. 2. Fr.	—	Cic. Q. Fr.

Κ Α Θ Α Ρ Σ Ι Ο Ν

Θερσίτης δ' ἔτι μῦθος ἀμετροπέης ἐκολῶα,
 "Ὅς ῥ' ἔπεα φρέσιν ἔσιν ἄκουμάτε πολλά τε ἤδη.

Quod in more Veterum fuit, ut in rebus auspiciandis & operibus consecrandis sacrificium lustrale facerent, ad bonos genios propitiandos, malos averruncandos: & quod Dii immortales hominibus praecipuas virtutes largiti sunt duas, alteram recte sentiendi, bene faciendi alteram: & quod nos has virtutes in omni nostra vita, omnibus in actionibus, studiis, scriptionibus, secuti sumus; age, quo magis appareat nos easdem virtutes in hac Φιλομαβίας scriptione sequi, ejus initium rite justeque à καθαροίω ducamus, quo non solum malos genios averruncemus, sed etiam homines ab iis captos nobisque iratos in libertatem vindicemus, à sordibus purgemus, & nobis bonisque geniis reconciliemus.

I.

Ergo post illum à nobis habitum & novissima Bibliothecae Criticae parte editum sermonem,

A

nem,

nem, uterque, Philalethes & Critobulus, solus quidem aliquoties, ambo autem communiter Idibus demum Juliis apud me fuerunt. Quo die miti ac sereno, ut soleo post meridiem extra hortulum spatari, quum longius etiam ad mare excurrere, meque, in litore & collibus, largiore prospectu & recenti aura recreare vellem, jamque domo exirem, venit ab illis ex urbe qui mihi nunciaret, eos ad me venire, & mox adfore, si renunciaret me domi esse ipsisque admittendis vacare posse. Cui ego: Opportune ades, & vaco, & ipse illis obviam ibo. Et, quo citius diutiusque eorum sermone fruerer, continuo ad eos festinans, hanc ipsam festinationis meae causam, & me ab ipsis ex mari in terram retractum, eorumque congressum omnibus aliis oblectationibus anteponere, & similia, prima in salutatione iis commemorare parabam; indeque nescio quam humanitatis laudem ab iis me laturum sperabam.

Quam meam spem fefellit procax Critobuli festivitas. Hic enim, quum vixdum in conspectum invicem venissemus, procul, Graeco quodam nomine me appellans, inclamavit, *Critobulus & Philalethes salvere te jubent.*

Tum ego: Hoccine est, quod mihi affertis, novum nomen?

Et alia, inquit, nova, & nomen; nam hoc quidem quare tibi non gratificemur, & par pari referamus, qui nostra nomina è Belgicis in Graeca mutaveris.

Ac-

Accipio, inquam, & nomen & omen: quidni enim magnos viros sequamur, qui item factitarunt: vel discipulis nomina ponentes magistros veteres philosophos: veluti Aristoteles è Tyrta-
mo fecit Theophrastum, Carneades ex Has-
drubale Clitomachum, Plotinus è Malcho Por-
phyrium, ne plures dicamus: vel propiorum
saeculorum principes viros, Erasmus, Melan-
chthones, Xylandros, Stephanos, Scaligeros,
Salmasios, innumerabiles alios; quorum nativa
nomina quum aspera essent ad aures iudiciumque
hominum Graece Latineque doctorum, ea ad
antiqui soni sermonisque elegantiam immutarunt.
Perizonius quidem unum è suis maioribus auc-
torem habuit nativi nominis in hoc Graecum
mutandi: &, credo, libenter retinuit: & ego
vellem aliquis meorum majorum item fecisset:
illiterati hoc non cogitant: literatos non nisi
duos habui, utrumque Theologiae Professore,
utrumque gentilitii nominis tenacem: patrem
proxime, & saeculo decimo sexto ineunte Tho-
mam Wyttenbachium, Basileae docentem, cu-
jus è disciplina clarissimi Helvetiae reformatores,
qui dicuntur, prodierunt, tum princeps Zwin-
gius, qui se subinde *Geminium* & *Cogentium*
fecit. Hinc alii in eodem populo & more,
Oecolampadii, Episcopi, Oporini. At nunc
homines Latinae rationis insueti & rudes, tamen

Latine scribentes, nomina propria & immutabilia & indeclinabilia servantes, scriptionem suam hybridis nominibus, quasi naevis, contaminant.

Sic est, inquit Philalethes, sic semper judicavi: idque in primis quum legi tales scriptiunculas: quibus si reliquam verborum compositionisque labem ignoscerem, tamen duram istam & inflexibilem, ut ita dicam, nominum propriorum barbariem ignoscere non poteram. Nec minus in alteram partem, cujusmodi hoc esset, sensi in historiis Thuani, Grotii, Petavii, ad Romanam plane elegantiam & gravitatem compositis, quas saepe & libenter lego; in quibus si pro antiquo nominum propriorum habitu, novum & vulgarem reposueris, omnem gratiam ac speciem extinxeris, & pulcherrima opera turpiter foedaveris. Omnino, si Latine scribimus, Latinus sonus modusque tenendus est: si Belgice, Belgicus: si Gallice, Gallicus: nisi inepte & indecore agere volumus. Haec enim est ἀκαιρία & ἀπειροκαλία, adversa *decori*, in quo servando, iudice Cicerone, magna officii humani pars posita est.

I I.

Ita confabulantes in hortulum venimus, domumque ingressi sumus. Hic ego: Salvete, inquam, Φίλτατοι ἄνδρες* sic enim vos Homerice
&

& vere appello: &, quod apud eum Achilles ad se venientes Ulyssē, Ajacem, Phoenicem,

Εἶσεν δ' ἐν κλισμοῖσι, τάπησί τε πορφυρέοισιν,
 sic vos non quidem purpureis & regiis in lectulis, sed in sellis vulgaribus & meae forti congruis, confideatis, corporaque ambulatione fessa, sedendo, caeterum potu quoque modico, recreetis; sive vos merum, sive aqua temperatum, sive frigidam, sive caldam poscitis: & apud me erit, quod ille dixit,

*Μείζονα δὴ κρητῆρα, Μενoitίου υἱέ, καθίστα,
 Ζωρότερον δὲ κέραιρε, δέπας δ' ἔντυνον ἐκάστῳ·
 Οἱ γὰρ Φίλτατοι ἄνδρες ἐμῷ ὑπέασι μελάβρω.*

Atqui, inquit Critobulus, Homerici heroes non solum sunt bibaces, sed & edaces: tu vero non nisi potum nobis polliceris: adde sodes & cibum, sed utrumque parcum & intra modum: mihi caldam ad forbendum: Philalethi temperatum ad pitissandum: utrique crustulum, paululum piri, aut cerasi, aut si quid aliud pomi & baccae hortulus tuus fert: hae enim antiquis dictae secundae mensae, cum prandio aut coena junctae nocent, seorsum inter utrumque sumtae juvant.

En, inquam, hominem *ιατρικόν*, immo Pythagoricum, & tenuissimo cibo victitantem, velut inter aves cicadam rore contentam: for-

te ne sanguis quidem vobis sed ichor in venis manat: numquam vidi cibi potusque homines vobis parciores: & si verum est, qui paucissimis indigeat, proxime ad divinam praestantiam accedere, vos jam proximi estis Diis:

Οὐ γὰρ σίτον ἔδουσ', οὐ πίνουσ' αἶθοπα οἶνον·
Τοῦνεκ' ἀνήμενές εἰσι καὶ ἀθάνατοι καλέονται.

Sed age, pro corporeis istis dapibus rependite mihi animorum pabulum, sermonum epulas, quae nova ex urbe vos adferre dixisti.

Narret, inquit, Philaethes, qui plenum faccum attulit.

Itane, ait ille, ut Socratem familiares, sic me θύλακον λόγων esse censetis: quamquam nunc quidem non deest quod narrem; ut optionem tibi dem ex quo genere audire velis, bellico an civili, extero an domestico, illiterato an literato, quod ad te pertineat.

Ex hoc mihi, inquam, deprome literato, quod ad me pertineat.

I I I.

Ergo, inquit, audi: *Paulus adversus stimulos calcitravit.*

Non intelligo, inquam.

Fortasse, inquit, quia sacrum est dictum: neque his ego temere uti soleo; sed in hoc homi-

mine liceat: qui fere Belgice scribens, ubi festivus esse vult, jocos salesque suos non aliunde petit, quam ex paroedia sacrorum dictorum; unde fit ut Latine scribens, ab hac ridiculi materia exclusus, ad angustias redactus, in antiquis Scriptoribus hospes & ignarus, ex his omnia cupide arripiat & inepte apponat. Hoc enim totum genus nisi è copia & delectu existat, ut optimos quosque Veterum longo usu tritos in numero habeamus, eorum dicta cum judicio & suo loco expromamus, pro falso insulsum, pro ridiculo deridendum fit.

Nondum etiam, inquam, intelligo, quem dicas.

Paulum dico Horrearium, inquit, qui his ipsis diebus epistolam ad te, & adversus te, scriptam edidit, plenam illam fellis & maledicentiae.

Pol! inquam, quasi è somno me excitasti; nam post editam Bibliothecae Criticae novissimam partem, continuo ad Phaedonem me receperam, totumque cum Horreo Horrearium ex animo absterferam.

Legisti, inquit, nimirum illam Horrearii epistolam.

Vidi, inquam, necdum legi: reddita est mihi in lectulo cubanti & Phaedonem commentant: aperio libellum: video titulum: verto pagi-

nam: lego proscriptam tesseram, sententiam ex Ruhnkenii Oratione: lego quantum in proxima pagina est, exordium epistolae: tum medium libellum forte aperiens incido in illum locum, ubi se Valckenarii discipulum profitetur, viri, ut ait, me multis partibus majoris: respicio Phaedonem, ad hujus me commentationem refero: cujus gravitas & integritas ne puerilibus Horrearii nugis turbaretur, ejus epistolam sepono, & in ejusmodi quidem angulo unde mihi non facile, in manus incideret. Sed his tribus de locis quid tibi videatur, primum scire velim.

Equidem vehementer miror, inquit Philalethes, Horrearium adversus te Latine scribere ausum, & grammaticâ migrandâ novae reprehensioni materiam praebere: sed nil est in hoc genere, quod iste non audeat. Quare autem Latine scripserit partim dixit, partim reticuit. Dixit, se ab exteris etiam legi velle: Belgicam linguam nimis angustis terminis inclusam esse quam pro istius libelli praestantia. In quo vanitas hominis apparet, quem non pudet, ingenii orationisque suae barbariem exteris ostendere, quam debebat intra suorum cognitionem civium cohibere. Reticuit, se excitatum esse tuo dicto, quod superiori fermone à me acceptum posuisti p. LXII, eum à Latine scribendi gradu dejectum per censuram alicujus haud in-

doc-

docti scriptoris, ad Belgice scribendum se recepisse: voluit te re & facto refutare, & rursus ad hunc gradum adscendere. Denique habuit, si quid video, habuit quosdam doctissimos, de quibus dixit, Amstelodamenses, ipsius orationem probantes, & nunc ex hac epistola Latinitatis vitia eluentes.

Inscitos, inquam, lotores, tantam vitiorum multitudinem relinquentes.

Sic est, inquit. Quod vero sibi ignosci postulat, se Latine non satis scientem, tamen scribere audere, Latine in mentem mihi revocat simile factum A. Albinj hominis Romani, historiam Romanam Graece scribentis, idemque reprehensum à M. Catone: de quo sic prodicit Gellius XI, 8:

„ Juste venusteque admodum reprehendisse dicitur A. Albinum, M. Cato. Albinus, qui cum

„ L. Lucullo consul fuit, res Romanas oratione Graeca scriptitavit. In ejus historiae

„ principio scriptum est ad hanc sententiam:

„ Neminem succensere sibi convenire, siquid in

„ his libris parum compositae aut minus eleganter

„ scriptum foret, *nam sum*, inquit, *homo Ro-*

„ *manus, natus in Latio; Graeca oratio à no-*

„ *bis alienissima est*: ideoque veniam gratiam-

„ que malae existimationis, si quid esset erratum, postulavit. Eam quum legisset M. Ca-

„ to, *Nae tu*, inquit, *Aule, nimium nugator*

„ es, quum maluisti culpam deprecari, quam
 „ culpa vacare: nam petere veniam solemus, aut
 „ quum imprudentes erravimus, aut quum com-
 „ pulsi peccavimus: tibi, inquit, oro te, quis
 „ ignoscet? quis perpulit, ut id committeres,
 „ quod priusquam faceres, peteres ut ignoscere-
 „ tur?” Sed vulgus, cui Horrearius scribit,
 vitia in patrio tantum sermone videt, in alio non
 videt. Facite apud Belgas Gallum Belgici sermo-
 nis parum scientem Belgice scribere, Belga unus-
 quisque vitia animadvertet: at si apud Belgas
 Belga Gallice scribat, quamvis balbutiat, Bel-
 gicum vulgus vitia non videbit, sed bene adeo
 eum scribere putabit. Sic Horrearius imperito
 vulgo bene scribere videbitur. Prudentes autem
 & periti, quid dicent? Cives quidem Belgae:
Quae te necessitas coegit male Latine dicere,
quod melius Belgice poteras? Exteri autem: *Tan-*
tine nobis erat tuas ineptias scire, ut cum bene
Latine non posses, male eas nobis impertires?

In hoc autem, inquit Critobulus, suo modo
 astutus fuit homo, quod tamquam malo vino bo-
 nam hederam, sic lutulento suo libello puram
 tesseram praeposuit sententiam Ruhnkenii; quam
 iste nactus, videor mihi videre ut gaudio exsul-
 taverit ac triumphaverit: miser non animadver-
 tens eam potius in se valere; siquidem hic est
 à Ruhnkenio reprehensus *pedantismus*, conjunc-
 tus

tus cum ignorantia fastus, obscura diligentia in minutis confectandis superbiens, & super alios se efferens arrogantia judicandi & veluti ex tripode pronunciandi: in quibus Horrearium excellere vidimus. Ruhnkenius quidem in illa Oratione non Professores Academicarum, ipse Professor, sed minores doctores & Scholarum Rectores significavit: &, magis temporis, quam veritati obsecutus est. Neque enim ignorabat *veros philosophos* à Platone in Theaeteto, Gorgia, Republica, & alibi, informari plane ut umbraticos doctores, fori strepitum & vulgi congressum fugientes, sibi & paucis ipsorum similibus viventes: his autem contrarios *sophistas*, popularem auram captantes, vulgi celebritatem confectantes, qualis est Horrearius. De te autem & mihi & aliis subinde dixit, se unam in te rem reprehendere, nimiam lenitatem, qua semidoctorum stulta judicia patienter ferres & audires. Qui si viveret, & illam suam dictionem ab Horreario in te conversam videret, eum profecto ita corripere: „ Quid tibi, ô bone, mecum, „ nonne satis habes per interpretandi libidinem „ & imperitiam in veterum Scriptorum divinarum humanorumque dicta involare, eaque in „ falsam sententiam torquere? meane quoque „ contaminas dicta? tu, qui ipse pedantismo „ graviter laboras: tu, qui in omnibus dictis „ scrip-

„ scriptisque tuis arroganter pronuncians , inanem
 „ doctrinae & auctoritatis existimationem con-
 „ sectaris ! *Quis tulerit Gracchos de seditione*
 „ *querentes.*”

I V.

Haud scio, inquam, an ita sit. Illud sane affirmare audeo, me meam umbram cum istius luce commutare nolle. Et ut adspexi illam epistolio proscriptam tesseram, ita continuo intellexi, unde haec ei venisset. Scilicet pupugerat hominem quod dixeram eum in circulis, thermopoliis, conciliabulis, novam doctrinam venditare; fecit igitur se popularem philosophum, me doctorem umbraticum. Hinc illae lacrymae! Et hoc etiam affirmo, Ruhnkenium quod tibi de me, hoc eum mihi coram saepe dixisse: & meam in Bibliotheca Critica lenitatem judiciorum reprehendisse. Ego autem non desino, nec umquam desii, amicos meos omnes, familiares, domesticos, contubernales, orare ut me cum de aliis vitiis, tum in primis de illo paedantismi, si quando eorum indicium aut vestigium in me appareat, admoneant; quod quo magis in aliis odi, eo minus ipse contrahere velim. Ruhnkenius quidem quum eum hoc orarem „ In te sane contrarium est vitium”, inquit:

quit: „ aliquanto plus deberes habere illius confidentiae & , ut vocant, *charlatanerie*, quae „ doctis etiam saepe utilis est, ut indoctis se „ venditent, eorumque vanitatem aut regant aut „ retundant. Illius igitur confidentiae justum „ temperamentum quasi in medio positum est virtus: contraria extrema sunt vitia, nimium & „ parum: in nimio peccat scholastica arrogantia, qui *pedantismus* vocatur, de quo mea est „ Oratio: contraria est *lentitudo*, in quam tu incidis”. Haec Ruhnkenius.

Quod vero etiam, inquit Philalethes, ex ejusdem illo loco de umbraticis doctoribus in te accommodare conatur Horrearius, primum ipsius Ruhnkenii testimonio appposito confutatur: qui si istud tibi vitium inesse vidisset, te ante alios omnes corripuisset & sanasset, tuque hujus te sanationis patientem praebuisses: deinde manifesto Horrearii Critici *ἀπιστίας* & stuporem prodit. Quasi vero omnes homines scholastici à celebritate civium remoti, in istud arrogantiae vitium inciderent: aut quasi hoc arrogantiae vitium non aliunde quam ex scholastica seclusa à civium celebritate vitâ existeret. Itaque enunciatum suâ naturâ particulare, *Quidam scholastici fiunt arrogantes*, primum universale facit, *Omnes scholastici fiunt arrogantes*: deinde reciprocatur, *Omnes arrogantes sunt scholastici*. Et tamen

men inter omnes constat, Horrearium in celebritate circularum, thermopoliorum, auditoriorum, & similium locorum viventem, idcirco non minus arrogantiam scholasticam ac pedantismo inflatum esse, quam arrogantissimum quemque, quos novimus. Hic nobis est Criticus philosophus! domi se potius contineat & Logicam discat: desinat ridere eos, qui studiis intra parietes ita operantur, ut eorum fructus ad publicam utilitatem prodant, juventutem ad rerum scientiam & virtutem instituunt, provectiores absentes scriptis & oblectent & doceant, atque omnino, quod ait Cicero, & sibi honori, & amicis utilitati, & rei publicae emolumento sint.

Hand me poenitet, inquam, vitae adhuc sic actae: quam sive solitariam, sive umbraticam, sive scholasticam quis appellet, non repugno: modo illud concedat, unumquemque suam ipsum naturam nosse debere, ad eamque vitae suae genus rationemque ita accommodare, ut se ipsum & alios maxime juvet: quod & Socrati oraculum respondisse fertur, ut in vitae genere eligendo suae ipse naturae, non vulgi opinionibus, obsequeretur. Nec nisi ita esset, & vos item judicaretis, hoc apud vos dicerem, quorum utrique iter vitae à meo diversum, vel in rei publicae luce, vel in privatorum frequentia, obtigit. Hominum autem nobis doctiorum notitiam non
in

in thermopoliis, convivis, cauponis, & vulgaribus auditoriis acquirimus, nisi si valde indocti sumus: neque illic ad modestiam conformamur: quippe semidocti loquaces laudantur & arrogantia inflantur, docti taciturni contemnuntur. Vere docti, rari & ubique terrarum dispersi, non modo in nostro populo, sed apud externos etiam quaerendi: quo è genere, quibuscum vel praesentibus coram, vel absentibus per literas, consuetudinem & familiaritatem contraherem, non mihi defuerunt me doctiores, à quibus discerem, quantumque mihi deesset intelligerem.

Tum Critobulus: Nae! vos diu tenet sententia Ruhnkenii: & fane hujus unum dictum omnibus Horrearii voluminibus haud dubitanter praetulerim. Quamquam iste hanc auctoritatem dudum ipse sibi praecidit; qui in Horreo Ruhnkenium insulse, ut solet, & inficete *Nimrodum & philosophiae expertem*, vocaverit, nunc magna laude afficiat, ejusque hanc sententiam manu injectaprehendens, pro tesfera fronti suae praefigat: homo egregie sibi consentaneus, ut omnia. Nostis Graecum proverbium: Τὸν αὐτὸν αἰνεῖν καὶ ψέγειν, ἀνδρὸς κακοῦ i. e. *Mali est hominis, eundem laudare & vituperare*. Mihi autem isti semidocti, saepe bilem moverunt, qui, quo indoctiores, eo superbiores ipsi doctos viros, in primis publicos doctores & Profesores, lubenter scholas-

lasticos ac pedantes appellant: scilicet muneris honorem illis invidentes: & tamen simulacrum ejus affectantes vel recitationibus factitandis, vel circulis cogendis, vel conciliabulis obeundis: hic est campus Horrearii, hoc forum, haec vitae lux: in his sapere & discit & docet.

V.

Age, inquit Philalethes, quando ex tribus locis, de quibus me rogasti, primum confecimus, de duobus reliquis videamus. Proximum igitur est exordium, plane illud comparatum ad invidiam tibi creandam. Narrat enim Bibliothecae tuae Criticae editionem incidisse in ipsum illud tempus, quo filii sui recentem obitum luxerit, indeque factum ut tibi non citius responderit; itaque lectores commiseratione sui occupare, & tibi averfos reddere studet, ut inhumano ac jaacentem miserandumque insuper laedenti. Quamquam in hoc te nemo accusabit; quippe qui ejus luctum ignorasti: & ipse plures doloris sui socios habuisset, nisi tam multos sponte laesisset, nulla habita temporis & honoris ratione: in quibus quam multis cum animi dolore etiam corporis morbum importasse eum credibile sit? siquidem fama est, Hieronymum Alphenum, optimum virum, Horrearii in se jacta convicia adeo
gra-

graviter tulisse, ut ex aegritudine mortuus sit. Haec plerique recogitantes, ad societatem doloris tardiores fuerunt, aut immobiles manserunt. Te, credo, Horrearii scriptiuncula non occidet.

Neque ego credo, inquam. Caeterum nolim meum libellum tam alieno tempore exiisse; quem profecto aliquantum ab editione cohibuissem, si quid ejus luctus scivissem: & hoc, nisi homini, certe humanitati dedissem: οὐδ' ἐγὼ ἀπὸ θρύους οὐδ' ἀπὸ πέτρης πέφυκα, ἀλλ' ἐξ ἀνθρώπων. & memini quantopere ipse amissionibus familiarium & propinquorum affici soleam. Sed pergo. Nam tertium, quod ex te, Philalethes, quaerebam, dubitationem non habet, & plane assentior: & nisi assentiar, me ipse parum noscam, & merito arrogantiae accuser, me ipse cum Valckenarii magnitudine comparans.

Esto, inquit: si vere hoc dixit Horrearius, casu & invidia, non judicio & scientia, dixit: qui nec Valckenarium nec te satis novit: nec scit quibus in generibus uterque vestrum elaboraverit, nec ea genera perspecta habet: nec, si vos tamquam in libra ponderare velit, ad libram tollendam satis ipse magnus & robustus sit. Et jam tibi satisfeci ad illa, quae voluisti, tria: tu mihi nunc vicissim responde ad sexcenta, quae in Horrearii epistola notavi, quam hoc ipso consilio mecum attuli.

Hui! sexcenta? inquam: in quibus ecquando tu interrogandi, ego respondendi, finem repariemus? neque dum ego epistolam legi.

Bono animo sis, inquit: ego utrumque tibi praestabo. Neque enim de singulis Horrearii dictis interrogabo, sed haec ad pauca genera redigemus: de his summatim dices. tum totam epistolam tibi breviter praelegam; tuque ipse, dum lego, quae notanda putes, me monebis: ego autem monitus quodque continuo notabo: & hoc meum exemplar ad tuum tibi usum apud te relinquam. Sed tamen antea narrabo, quibus suavoribus & adiutoribus istud epistolium natum editumque sit: nec enim scire injucundum est, & nonnihil ad ejus intelligentiam adfert.

Aureus, inquam, plane es, mi Philaethes, cum tua solertia, & meae inertiae congruens; sic & labori meo consulueris, & oculis meis peperceris, quos Phaedoni & proxime Philomathiae destinavi: quare noli cessare, sed *ordine singula pande.*

VI.

Accipe, inquit. Nam quo tempore Bibliothecae Criticae pars novissima edita est, paulo post illud tempus ego Amstelodami fui. Ibi tum sermo erat frequens de tuo libello & de Horreario:

rio: quem omnes gaudebant petulantiae maledicentiaeque perpetuae tandem poenas dare. Ille novo & inopinato casu perculsus domi se abdidit,

**Ὁν θυμὸν κατέδωκεν, πάντων ἀνθρώπων ἁλεείνων.*

inde mox in hortulum secescit, seque inclussit; istum libellum consarcinans: non aliter quam M. Antonius contra Ciceronem orationem habiturus in Tiburtino Scipionis diu commentans declamavit, denique in urbem veniens orationem ore impurissimo in absentem Ciceronem evomit, ut est Phil. V, 7. Kantiani, qui sunt, aut videri volunt, qui pauci sunt, omnes ringi, discurrere, ad Horrearium concurrere, eum & consultum & consolatum: venerunt primores, venit & plebs:

Venit & upilio: tardi venire bubulci.

Quum confediscent, ita res acta, & Horrearius eos sic allocutus esse fertur: *Quid his diebus proximis acciderit, o socii, nostis: me graviter impugnatum & reprehensum: remp. Kantianam vehementer concussam & labefactatam: quae quidem mecum & stat & cadit, in dioecesi certe Belgica, cui ego hypopheta praesum; communiter mihi & vobis ruina intentatur, com-*

muniter nobis ruina fulcienda est: meo in capite vestra existimatio, fortuna, salus, vertitur. Et primum quidem deliberate, utrum respondere debeamus nec ne. Omnes una voce admurmurunt: respondere, respondere. Atqui, rursus inquit, si respondendum est, videatis Belgice ne an Latine respondendum sit. Rursus uno ore admurmurunt: Belgice, Belgice; quis enim Latina legit? Ille: Sic & ego censerem, nisi adversarius noster Latine scripsisset: cui idcirco, nisi Latine, honeste responderi nequit. Audiui quidem ejus Epistolam Belgice versum iri: & hoc optimum esset: sic enim & ipse Belgice respondere possem. Nunc vero contra affirmant, auctorem eam verti nolle. Quis tunc è vobis Latine respondebit? Hi: Nemo alius quam tu, hyppheta, qui Latine doctissimus es: testes sunt duae pulchrae orationes tuae: testes, loci Latini quos citas in Horreo: testes, denique omnes, qui ubique sunt in Belgio, Kantiani: quos tu omnes Latinae linguae facultate longe longeque superas. Ille: Ita est, o socii: sed nunc hac maxime in re impar sum adversario meo, nec audeo Latinas meas copias contra eum in aciem educere. Hanc mihi velim difficultatem expediatis. Illi ad hanc ignorantiae confessionem,

Conticuere omnes, intentique ora tenebant.

Tan-

Tandem unus è proceribus, Scipio Nodosus, vehementer ingeniosus, ut Kantianus, sic orsus est: *Quod tibi, venerande hypopheta, aliisque sociis difficile, hoc mihi facillimum videtur. Respondendum omnino est. Haec enim & est, & semper fuit opinio vulgi; ut is, qui tacet, victum se fateri putetur: qui vero novissimus respondit, hic victor habeatur. Et hac maxime disciplina, hoc more, res nostra hucusque stetit; ut nec lacescendo, nec respondendo defatigaremur. Itaque ego continuo Belgice scribam libellum, quem mihi dictabis: hunc ego dilatabo, & sale meo mihi proprio adspergam: tu postea submittes Latinum libellum: sic victores censebimur. Neque est, quod tu hujus scriptionis difficultatem reformides: sive enim materiam sive stilum spectes, nil facilius est. Materia est duplex, vel Philosophiae, vel rerum in facto positarum: in illâ vetus institutum Kantianum sequeris, ut dicas adversarium nihil scire, Kantiana dicta plane non intelligere: in his autem simpliciter affirmabis eum errare, falsa dicere, mentiri. Stilum autem sic moderabere, ut totas periodos, dictiones, atque longiores locos adversarii in tuum libellum transcribas, eique adjuas & contextas, quasi tua ac propria sint. Hoc nos natura docet, hoc indoles puerorum, qui, conviciati ab aliis pueris, eadem convicia iisdem verbis in conviciantes re-*



gerunt. Quod si vero quandoque ista te aliena copia deficiat, & incertus haereas, adi doctiorem, ab eoque disce: vel alium, si quem habes: vel quem affectari, cujusque amicitia gloriari soles. Qui si forte, propter suam cum adversario tuo amicitiam, Te contra hunc juvare nolit, tu ne cede, sed, quantum potes, adhaerescere viro, & quasi aliud agens eum interroga; crede mihi, aliquid inde erues, extundes, expiscaberis, quod in rem causamque tuam vertas. Sed haec ratio tum demum nostras res & fortunas regnumque nostrum servabit, si constanter eam sequamur, nec novis consiliis turbari sinamus. Quod ne fiat, censeo Dictatorem creandum esse, cui rerum summa committatur”.

Placuit sententia concioni: & lectus est Nodofus, qui Dictatorem diceret: is dixit Dictatorem, Horrearium hypophetam: Dictator sibi Magistrum Equitum dixit Scipionem Nodofum. Ambo ita copias & militiam partiti sunt, ut Magister Equitum statim cum levi armatura locum munitum *Theatri Oeconomico-Literarii* caperet, indeque excursiones adversus hostem faceret: Dictator cum legionibus & gravi armatura castra in aperto poneret, ubi hostem in pugnam provocaret.

VII.

Miros, inquam, narras homines. Quale vero istud negotium *Theatri* sit, non intelligo.

Est hic libellus, ait, Belgicus ex genere periodico, quod dicitur, novorum censuras librorum continens: in quo nuperrime tuam ad Lyndenum Epistolam vehementer reprehendit Equitum ille Magister; Kantiano scilicet more, ut suum istud ubique jactaret, te Kantium non intelligere, ejus Philosophiam non perceptam habere. Quam tu disputationem nisi legisti, certe editam esse audivisti.

Nec legi, nec audiui, nec vidi; neque curò, nec inspicio talia; nisi si forte mihi ultro domum adferantur. Tu mihi tandem Dictatoris exercitum ostende.

Hunc tu, inquit, si spectaveris, Magistrum Equitum non valde desiderabis; est enim idem genus, eadem materia, hic ex illo expresus.

Tum Critobulus: Istam iterationem tu superiore sermone cramben saepius recoctam appellabas: mihi vero illud T. Quinctii Flaminini in mentem venit à Livio & Plutarcho proditum, ad Achaeos dictum „ apud quos quum legati regis Antiochi magnum regii exercitus apparatus & variam armaturam earumque nomina jactarent, eosque movere viderentur, Res est simillima, in-

quit, coënae Chalcidenſis hoſpitis mei, hominis boni & ſciti convivatoris, apud quem ſolſtiali tempore comiter accepti quum miraremur unde illi eo tempore anni tam multa & varia venatio; homo non, quam iſti ſunt, glorioſus, renidens, condimentis ait varietatem illam & ſpeciem ferinae carnis ex manſueto ſue factam. Hoc dici apte in copias regis paulo ante jaſtatas poſſe. Varia genera armorum, & multa nomina gentium inauditarum, Dahas, & Medos, & Cadduſios, Elymeos: Syros omnes eſſe; haud paulo melius mancipiorum, propter ſervilia ingenia, quam militum, genus." Tu vero, Philalethes, oſtende jam nobis dictatorium exercitum: quem item totum ſuillam eſſe auguramur.

Hoc loco nobis libellum Horrearii praelegit Philalethes, ita perſpicue, ut nil me praetervolaret notandum, ipſeque ſingula admonitus notaret; & moleſtiam ſatietatemque audiendi opportunis animadverſionum intervallis leniret atque exhilararet. Finita lectione, En vobis, inquit, penſum meum peractum! Nunc tuum eſt dicete, quid tibi videatur.

Nec magis, inquam, meum eſt hoc, quam veſtrum. Equidem tantam maledicentiam exſpectaveram: tantam inoplam rationis & ingenii non exſpectaveram: quae niſi homini deſuiſſent, poterat aliquid & brevius & acrius de iſta materia con-

conficere; nunc iracundia eum paulatim à iudicio ad insaniam compulit; ut nil nisi vociferaretur & debaccharetur.

Est omnino, ut saepe dixi, inquit Critobulus: Horrearius à vetere suo concionali artificio recedere nequit: semper quasi è suggesto loquitur: veluti nunc plane nobis attulit homiliam polemicam: in qua te, tamquam haereticum, quamvis absentem, tamen quasi praesentem ante oculos sibi constituit, ac, sua quidem opinione, te corripit, confutat, convincit: denique in peroratione, omnes modos oratorios, quos vulgo, me adolescente, quantum memini, in homiletica *usus applicationis* solebant dicere, *hortatorium, reprehensorium, territorium*, in te expromit, teque omnibus conviciis proscissum dimittit. Sed jam genera criminum digramus.

Equidem, ait Philalethes, per totum libellum non nisi unum video genus conviciatorium existare, unum & perpetuum quasi latratum.

Sic est, inquit, in forma: at in materia nihil non arripuit: primum se ipse varie laudat: deinde adversarium multis modis vituperat, ignorantiam Philosophiae, non modo Kantianae, sed & reliquae omnis, morum adeo pravitatem, arrogantiam, malevolentiam, invidiam, maledicentiam, iracundiam, vindictae cupiditatem,

ei objicit: relinquit tamen Latine scribendi facultatem & Literarum scientiam; credo, ut ipse per hanc aequitatis speciem criminibus jactandis eo plus fidei faceret. Quamquam his apud neminem quemquam fidem faciet, qui utrumque vestrum norunt: immo ne apud eos quidem, qui vos ignorant: adeo stulte pleraque conficta & consarcinata, adeo iracunde effusa & iterata, se ipsa refellunt, & probabilitatis ne speciem quidem adferunt.

Illud autem me legentem, inquit Philalethes, multis locis advertit, fortasse multo etiam magis te audientem adverterit, Latina oratio ac dictio ad verbum ex tuis libris transcripta, veluti ex Epistola ad Lyndenum, tota Bibliotheca Critica, Vita Ruhnkenii, Orationibus: non solum ubi profitetur, se tua dicta citare, sed saepius dissimulans; ut totus tuis spoliis vestitus ornatusque incedat, & fideliter Nodosi sui consilio obsecutus, iterum nobis verissimus ex fabula graculus appareat; licet ejus similitudinem, sibi à te in priore sermone illatam, severissime à se detestetur. Idem artificium nonnullos sequi cognovi, ubi ad aliorum epistolas respondent: & mihi saepe accidit scribenti ad homines minus quam me in scribendo se versatos putantes, qui mihi respondentes mea verba dictaque, paucis mutatis, redderent. Tu vero jam incipe genera-

tina

cim, quae inter audiendum notasti, referre: tantum speciminis causa; nam omnia recensere nec necesse, & plurium dierum voluminumque materia est. Et primum quidem, cedo, de Kantiana ratione: cujus à te exhibita epitome & mihi, & aliis omnibus hujus rei peritis, non modo perspicua, sed & verissima visa est: praeter Horrearium & Kantianos, quibus hac in causa, quippe sua & propria, nulla est nec testimonii dictio, nec sententiae latio; licet magnum clament, sibi per invidiam illa rumpant.

Et mihi, inquam, quod praefiscine dixerim, de illa epitome idem affirmarunt homines, & intelligentes, & integri, & neutrarum partium studio occupati: qui soli hac in causa testes judicesve audiendi sunt. Horum igitur & nostratum & exterorum arbitrio totum hoc relinquens, ad Horrearii captiunculas ne hilum quidem reponerem, nisi vestra me virtus vestraque voluntas moveret. Et quod Lucianus rogatus à Celso amico, ut sibi de Alexandri pseudoprophetae fallaciis scriberet, respondit, id mihi praesens ad negotium accommodare liceat: nam quamquam est propemodum Herculeus labor istud tamquam Augiae stabulum expurgare, paucos saltem speciminis causa cophinos egeram, vobisque projiciam; ut ex illis judicare possitis, quale quantumque, quam taetrum quamque in-

infinitem fuerit stercus, quod ter mille centauri multos per annos facere potuerint; quando unus Horrearius quatuor mensibus tantum fellis & for-
dium evomuerit.

V I I I.

Principio hujus argumenti infelici & infausto
titur. Lege, quae p. 11, posuit: „Nonne pa-
„ lam ipse fecisti, magno te irarum aestu &
„ insatiabili vindictae cupiditate incensum & fe-
„ re *extra te raptum*, animum ad scribendam
„ illam epistolam appulisse, conturbatumque
„ adeo hisce motibus fuisse, ut quid scriberes
„ aut ageres, ipse aliquando nescires, tibi-
„ que adeo non valde consentaneum Lectoribus osten-
„ deres? Cujus rei, ut nunc alia posthac tan-
„ genda praeteream, exemplo sit, quod Kan-
„ tium cui *omnem Literarum scientiam & Phi-*
„ *losophiae historiam defuisse* impudenter autu-
„ maveras, mox iterum in alio ejus epistolae
„ loco (p. 58.) ut *universae scientiæ Philoso-*
„ *phiae excellentem* proponas, triti illius pro-
„ verbii immemor: *mendacem* ac calumniato-
„ rem, ni causa sua continuo cadere, & ab
„ aliis derideri velit, *memorem esse debere*. La-
„ boras igitur. ut video, gravissimo morbo—”.
En simul & acumen, & urbanitatem, & gravi-
ta-

tatem! Difficile est risum tenere ad has tragœdias, quas bonus Horrearius, ignorance Latini sermonis, & veteratoria calliditate excitat. Nunc enim nil dicam de ejus Latina seriptione: cui suum locum postea dabimus. Ego priore loco, quem Horrearius, ut impune immutare posset, paginae numero non significavit, ita scripsi p. XLV: *Omnino ultra quam Philosophum decet, Literae ei defuerunt; ut in Historia Philosophiae vix supra Spinozae & Cartesii aetatem progressus videatur.* Hoc loco igitur non cogitavit Horrearius, me *Philosophiam* ab *Historia Philosophiae* distinguere: quod & ipse ubique inculcat, ejusque item memor esse debebat. Deinde significationem nominis *universus* ignoravit; quod frequenter sic usurpari, ut à *singulis* distinguatur, vel è Lexicis constat: prouti etiam opponuntur *generalis*, *specialis*, *singularis*. Potest igitur aliquis *universae* disciplinae generalem notionem habere, partes etiam generaliter nosse, nec tamen specialiter, id est, interitus omnes perspectas tenere. Unde saepe illud vulgari proverbio notatum accidit, *ex omnibus aliquid, ex toto nihil.*

Infauſto ingressui respondent infelices progressus. Nam quum ego rationi Kantianae multa & valida opposuissem argumenta, quorum vel unum illam totam labefactaret; Horrearius unumquodque

que eorum singulatim deinceps refellere debebat. Iste vero via & ordine nihil, carptim & raptim quaedam reprehendit, clamans ubique me Kantii dicta non intelligere.

Est haec, inquit Critobulus, vetus cantilena, olim ab Epicureis cantata; quos Cicero sic confutat, ut ejus disputationem verissime in Kantianos convertere possimus: *Hoc frequenter*, inquit, *dici solet à vobis, non intelligere nos quam dicat Epicurus voluptatem. Quod quidem mihi si quando dictum est (est autem dictum non parum saepe) etsi satis clemens sum in disputando, tamen interdum soleo subirasce. Egone non intelligo quid sit ἡδονή Graece, Latine voluptas? utram tandem linguam nescio? Deinde, quā fit, ut ego nesciam, sciant omnes quicumque Epicurei esse voluerunt? quod vestri quidem vel optime disputant, nihil opus esse eum, qui philosophus futurus sit, scire literas. Itaque, ut majores ab aratro abduxerunt Cincinnatum illum, ut Dictator esset: sic vos de Pelargis omnibus colligitis bonos quidem illos viros, sed certe non pereruditos. Ergo illi intelligunt quid Epicurus dicat, ego non intelligo? Id saltem differt, quod non de voluptate disputamus, nec de Latina aut Graeca lingua agitur, & quod Kantius obscure & perplexe, Epicurus aperte & simpliciter loquitur: caetera sunt simillima.*

Utram

Utram tandem linguam nescimus, Germanicam an Belgicam? Et qui sit, ut nos Kantium non intelligamus, intelligant omnes, quicumque Kantiani esse voluerunt? Sed hos ita de nobis judicare, non mirandum est. Hi enim antea statuerant Kantii veram esse doctrinam, quam eam cognoscerent: & hac praejudicata infecti opinione ad illam cognoscendam accesserant; unde fit ut sibi persuadeant, se eam intelligere, nec fieri posse, ut alii eam intelligentes non pro vera habeant; in hac enim unum opus esse, & intelligere & probare.

Sic pueri, inquit Philalethes, initia religionis, quem catechismum vocant, discunt: iidem tamen postea adolescentes & viri rationes & argumenta addiscunt. Sed hoc in religione valeat: in Philosophia & res & argumenta simul cognosci debent. Habui familiarem, quocum una Kantianam Criticam Purae Rationis legebam: saepe accidebat, ut, quum multo labore intelligentiam alicujus capituli affecuti essemus, intellectum ille probaret, ego improbarem. Mox causam animadverti: ille accesserat ad legendum occupatus praejudicata veritatis opinione, tamquam ad problema mathematicum, cujus veritas jam constat, nec nisi demonstratio quaeritur: ego, ut ad problema ex alio genere, eoque ancipiti, quod vel verum vel falsum esse posset. Et saepe

pe idem videre licet in aliis rebus; ut, si quis artem v. c. difficilem didicerit, aut librum obscurum tractando intellexerit, item vera ea esse statuatur; ne scilicet operam perdidisse videatur. Hanc vero communem esse Kantianorum causam, documento est vir caeterum doctus, Mellinus, scriptor *Lexici Encyclopaedici Philosophiae Criticae*; qui in praefatione p. VI, viam praescribens discendae Philosophiae Kantianae, ita loquitur Germanice, ut ego Latine appono: *Qui Criticae Philosophiae cum successu studere vult, id est, ita studere, ut non solum ejus placita intelligat, sed etiam ut de veritatibus ejus se convincat; hic Kantii scripta Critica omnia, prouti in Marginalibus ordinata sunt, minimum bis legere debet* —.

Siccine id dixit, inquit Critobulus.

His ipsis verbis, inquit Philalethes: ego enim minus Latine, sed fideliter reddidi, ut sententia teneretur, praesertim illud *de veritatibus ejus se convincat*: quod in vulgaribus linguis dicitur significatione nemini ignota.

Volebat, inquit Critobulus, certe debebat dicere, *ejus placita non solum intelligere, sed eorum etiam veritatem perspicere*: quamquam hoc ipsum jam nimis valet, & continet praejudicium veritatis: ac rectius sit, *non solum intelligere quid dicat, sed verum nec ne dicat*. Nunc il-

illud significat, discentem jam antea apud se constituisse doctrinam esse veram, nec ei amplius veri falsique inquisitionem adhibere. Ita Theologiae studuerit ille vir: nam Theologum se profitetur in titulo: in Philosophia ita versandum, ut iudicium inquisitionem non praecedat, sed sequatur. In utraque quomodo Horrearius orsus sit, satis apparet. Sed nos ejus deinceps criminationes videamus.

IX.

Alterâ; inquam, est p. 18—20, ubi Kantii distributionem Philosophorum in *Dogmaticos*, *Scepticos*, *Criticos*, adversus antiquam Sexti Empirici, in *Dogmaticos*, *Negantes*, *Scepticos*, à me laudatam, tuetur. Dixeram, me illam improbare, ut nec Historiae fidei, nec Logicae legibus, congruentem; quippe *Dogmaticis*, decreta statuentibus & verum cognosci posse affirmantibus, opponendos esse eos, qui hoc negent, ut *Academicos* ab Arcesila & Carneade profectos, & similes: horum in medio esse *Scepticos*, qui *considerent*, *quaerant*, *σκέπτονται*, necdum se invenisse fateantur: atque sic Sextum Empiricum dividere Pyrrhonicarum initio. Ille; spreta Logica & Historia, contendit Academicos annumerandos esse *Dogmaticis*. „Sed” inquit „quid

C

„Ver-

„ Veterum nos moveat auctoritas. Non enim,
 „ *ut cum Cicerone loquar* (De Nat. Deor. I, 5.)
 „ auctoritatis, sed rationis momenta quaerimus,
 „ neque illud *protenus* ratum habemus, quod
 „ ab aliis sive veteres hi sint, sive recentiores,
 „ judicatum videmus. Rogatum itaque te ve-
 „ lim, quo tandem jure eos, qui cum secundae
 „ tertiaeque Philosophis Academiae omnino ne-
 „ gant, verum cognosci posse, Dogmaticorum
 „ numero eximendos censeas? Hi enim non mi-
 „ nus atque illi, qui, cum Peripateticis, Stoicis
 „ atque Epicureis, & esse & percipi posse ve-
 „ rum pronunciant, decretum aliquod statuunt,
 „ ab illis eo tantum differentes, quod horum
 „ decretum sit negans, illorum ajets. Unde
 „ efficio & ajentes & negantes, diversam quam-
 „ vis *constituant* classem & quasi formam, ad
 „ idem tamen Dogmaticorum genus referri pos-
 „ se, & vero etiam debere. Nec movere me aut
 „ Sexti Empirici, aut aliorum quorum liber,
 „ auctoritas potest: ipsa enim res per se satis
 „ est evidens”. Ipsum locum, cujus verba par-
 „ tim mihi sublegit, relegere malui; ne quid for-
 „ tasse me ei asingere putetis. Ergo illi Academi-
 „ ci iidem sunt Dogmatici, quia aliquid *statuunt*,
 „ negantes *quidquam percipi posse?* hocceine um-
 „ quam *δῶμα & δογματίζειν* dictum est? praeser-
 „ tim cum non modo statuerint *nihil percipi posse*,
 „ *sed*

sed ne ipsum quidem illud percipi posse, nihil percipi posse. Nam quum Dogmatici illis objicerent: Si vere dicitis nihil percipi posse, necesse est, ut hoc unum saltem excipiatis nihil percipi posse, & concedatis hoc vestrum decretum percipi posse, quo decreto statuitis nihil percipi posse; Academici, ut sibi constarent, protunciarunt ne ipsum quidem hoc decretum percipi posse, quo statuerent nihil percipi posse. Audiatis Ciceronem Acad. II, 9: *Ex hoc illud natum est, quod postulabat Hortensius, ut id ipsum saltem perceptum à Sapiente diceretis, nihil posse percipi. Sed Antipatro hoc idem postulanti, cum diceret, ei qui affirmaret nihil posse percipi, consentaneum esse unum tamen illud dicere percipi posse, ut alia non possent; Carneades acutius resistebat; nam tantum abesse dicebat, ut id consentaneum esset, ut maxime etiam repugnaret: qui enim negaret quidquam esse quod perciperetur, nihil eum excipere; ita necesse esse ne id ipsum quidem, quod exceptum non esset, comprehendi & percipi ullo modo posse.* Et jam antea Metrodorus Chius, Democriti discipulus, ut est apud eundem Acad. II, 23: qui locus sic legendus est: *Chius Metrodorus, initio libri, qui est de natura, „Nego” inquit „scire nos aliquid, ne id ipsum quidem scire aut nescire sciamusne aliquid an nihil sciamus; nec omnino,*

fit ne aliquid an nihil sit. His igitur quamvis omne dogma ejurantibus, tamen dogma obtrudere velle, quod eorum adversarii faciebant, non rationem habet. Sed Horrearius nonne & Scepticos aliquid statuere concedere debet? Quid vero Critici, id est Kantiani, nonne & hi aliquid statuunt? Et multa quidem. Sic unum genus erit Dogmaticorum, tres ejus formae: Dogmatici proprie sic dicti, Sceptici, Critici? Bella divisio! Quin potius qui Dogmaticus esse non vult, ne loquatur omnino, neque os aperiat: itaque duas habebimus formas Philosophiae, *Φάσις* & *ἀφασία*, *statuendi* & *nil statuendi*, de quibus agit Sextus Empiricus Pyrrhonic. I, 92: II, 211: & duas universe, si placet, faciemus Philosophorum sectas, *loquentes* & *tacentes*.

Utinam! inquit Philalethes, ex tacentium genere esset Horrearius cum suis Criticis; qui Dialecticae expertes in disputando omnia miscent.

X.

Tertia est criminatio p. 20 — 24, eorum, quae scripsi p. xxxv, designationem finium, intra quas ingenii humani facultas conclusa sit, ut ultra eos progredi non possit, neminem non Metaphysicum cogitasse, multos tentasse, effecisse neminem; ne Kantium quidem, quamvis se
id

id effecisse professum. Haec ille sic refutat, nil ut rationis adferat, sed multa deblateret, quorum haec est summa: — „ Neque enim ante te „ alii fecerunt, aut facere potuerunt; quoniam „ & tibi & aliis, quotquot facere voluerint, „ Purae Criticae Rationis defuit. — Nunc vero, „ *ut cum Cicerone loquar*, Philipp. XII, 11, „ discussa est illa caligo, quam paulo ante „ dixi: luxit, patet, videmus omnia.”

Kantianum, inquit Philalethes, demonstrandi genus & plane dictatorium. Nos quidem hujus nil videmus; vident Kantiani, qui putant se videre: sed videmus Horrearii vanitatem, quam ipse non videt.

XI.

Quarta refertur ad epitomen Criticae Purae Rationis à me exhibitam p. xxxiii, ubi sic infit: „ Narras nimirum ostendisse Kantium, Meta- „ physices materiam esse notiones intelligibiles, „ antiquiores notionibus sensibilibus ab Expe- „ rientia per sensus corporis in animum illa- „ tis —: caet.” neque enim necesse est omnia mea verba reponere. Ego vero, mi Horreari, *nimirum non narro Kantium hoc ostendisse*, sed dixi *Kantianos narrare Kantium hoc ostendisse*. Deinde, quod continuo subjicis, „ Haec jam,

„ si Dñs placet, summa erit Kantianae doctrinae, brevissime & paucissimis quasi punctis notata! Risum vero quis teneat vir peritus talia legens? — ” neque hic opus est plura describere, quae mere sunt in me maledicta. Hic tu, mi Horreari, ostendis te Latina mea verba, *Haec est summa doctrinae, brevissime quoad ejus fieri potuit, & paucissimis quasi punctis notata*, ostendis, inquam, te non intellexisse quid sit *summa*, quid sit *paucissimis punctis notata*. Ergo tu, vir perite, habes quod te ipse rideas. Nam his, quae posui, quasi punctis, designavi vim & consilium doctrinae, ita ut principia dilucide & brevissime significarentur: quorum inanitate perspecta, non erat, quod in caeteris exponendis partibus operam frustra consumerem; siquidem ex falsis initiis ductum omne & ipsum falsum est.

X I I.

Quinta, verba lectoribus dat: quod quidem ubique, sed hic proprie agit: arguens, me Kantii illud opus *Metaphysicam* vocasse, quod *Critica Purae Rationis* dicatur & dicendum sit:
 „ toto coelo erras, inquit, & a Viro, quem *proponere* voluisti, mihi crede, plane abludis,
 „ illius Purae Rationis Criticam *considerando*
 „ *velut* systema quoddam Metaphysicum, notam.

„ vamque appellando Metaphysicam , in qua
 „ igitur cuncta *inveniendae sint*, quae in vulga-
 „ ribus Metaphysicorum libris”. Mitto infice-
 tam Latinitatem, quasi è Belgico exemplo ad
 verbum redditam. Ita vero me reprehendit, ut
 Lectoribus saltem persuadere studeat, me in eo
 errasse, quod dicit. Atqui ego & p. xx, Kan-
 tii verbis, & meis p. LIV, posui, hanc Purae
 Rationis Criticam non esse Metaphysicae vel
 compendium vel systema. Et tamen vulgo,
 à Kantianis adeo, subinde appellatur nomine
 Metaphysicae Kantianae. Cur enim non sic ap-
 pellarent? Ejus quippe materia est Metaphysi-
 ca. Veluti si quis Criticam Historiae, vel Theo-
 logiae, vel Jurisprudentiae, conscribat, necesse sit
 ei, ostendere quid in illis disciplinis aut desit,
 aut supersit, aut rectius tradi debeat; ut lecto-
 ribus & materiam tradat ejus disciplinae, & for-
 mam significet. Nulla igitur caussa erat, loco
Metaphysicae ubique *Criticam Purae Rationis*
 dicere, & nomenclaturam Kantianam sancte con-
 stanterque servare,

X I I I.

Sexta rursus mihi, quamvis nolenti & orationis
 fordes aspernanti, tamen ad verbum repetenda
 est; sic autem p. 27: „ Deinde, in quo Kantii

„ loco legisti formas intellectus *considerandas*
 „ *esse ut* notiones mere intelligibiles, in animo
 „ abditas, quae per notiones sensibiles enucleen-
 „ tur, & per quae Experientia sensibiles noti-
 „ tias, id est sensuum visa, sive intuitiones sen-
 „ sibiles, suscipiat atque in Categoriarum for-
 „ mas inferat? Itane vero. Hancine esse ais
 „ doctrinam Kantii. Putabam ego plane con-
 „ trarium à summo viro & positum & demon-
 „ stratum esse: nimirum Experientiam non susci-
 „ pere aliquid, sed suscipi ipsam; non inferre,
 „ sed inferri: & nec Tempus ac Spatium neque
 „ etiam Categorias, seminales conceptus Intel-
 „ lectus puri ab intuitionibus sensibilibus evolvi
 „ atque enucleari; sed Spatium Tempusque in-
 „ tuitionum sensibilibum formas, itemque Cate-
 „ gorias absolutas esse conditiones quasi atque
 „ immutabilia humanae cognitionis fundamen-
 „ ta" —. Difficile est huic vel negligentiae
 vel impudentiae parem reperire. Nam aut im-
 pudentia est, quae peritorum iudicium non re-
 vereatur, dummodo se imperitae multitudini
 probet ac venditet: aut supina negligentia, im-
 mo ignorantia, eum, qui se Kantianum profi-
 teatur hypophetam, nescire quid & ubi prophe-
 ta dixerit. Atqui hic saepe id, quod ab Hor-
 reario quaeritur, dictitat, nisi iisdem verbis, cer-
 te iis, quae tantumdem valeant: est etiam, ubi
 paene iisdem, qui locus Horrearium quidem fu-

gere non debet at: est autem Elementaris Doctrinae Part. II. Sect. I. p. 66: quem nisi eleganter certe fideliter sic reddam: „Itaque puras
 „notiones usque ad eorum semina & fundamen-
 „ta in Intellectu humano persequemur, in qui-
 „bus praeparatae jacent, donec tandem oc-
 „cassione Experientiae enucleentur, & per
 „eundem Intellectum adhaerescantibus ad eas
 „conditionibus empiricis liberentur, & sua in
 „puritate proponantur.” Conferatur ibidem
 p. 93, & 286. At vero Horrearius non ha-
 bens quomodo à pistrice tuâ se expediret, ad
 nominis calumniam confugit: dicit, *Experien-*
tiam, secundum Kantium, non inferre, sed in-
ferri. In quo primum ipse turpiter à Kantii
 sententia aberrat, quâ Experientia non infer-
 ri, sed ab Intellectu ex illatis extrinsecus sensuum
 visis formari, dicitur: quod est ipsum initium In-
 troductionis p. 1: „Experientia haud dubie pri-
 „mum est opus (productum), quod Intellectus
 „efficit, rudem visorum à sensibus allatorum
 „materiam tractans.” Deinde in *Experientiae*
 notione temere errorem mihi affingit. Ego enim
 ejus notionem secutus sum non Kantianam, sed
 communem & Latinam: idque perspicuitatis caus-
 sa; siquidem Kantiana vocabula *Intuitio, Sensua-*
litas, & similia, Latine reddita, cum absurda
novitate etiam obscuritatem adferebant. Est igitur
vana Horrearii captio.

XIV.

In eadem vanitate versatur septima reprehensio. Ego p. xxxv, haec posui: *Finium illa designatio accurata, ac veluti circulo & centro circumscripta, nondum à quoquam philosopho confecta videtur. Kantius quidem, si sibi constare & consentaneus esse vellet, ne conari quidem eam debebat. Qui enim cognitionem humanam, nec modo sensibilem ejus partem, sed & intelligibilem, à scientia & veritate ad opinionem ac speciem traduxit, seu, ut nunc loquuntur, ex objectiva subjectivam fecit, qui & ipse homo & ad eandem naturae conditionem, ad quam cacteri omnes homines, adstrictus sit, quomodo is cum subjectiva sua cognitione fines veros, quos vocant objectivos, cognoscat? Quamvis enim concedamus cognitionem nostram esse opinabilem, subjectivam, tamen is, qui fines ejus se nobis designaturum profitetur, veros fines, eos qui sunt, non qui videntur tantummodo, objectivos, non subjectivos, praestare debet*". Hunc Horrearius locum nactus mirifice se in eo jactat: p. 29 — 31: „Kantium quidem, inquit, si sibi constare „ & consentaneus esse voluisset, *ne vel* conari „ eam finium designationem debuisset autumas. „ Pro quo dictatorio edicto, quas affers, rationes, ejusmodi sunt, ut vix oculis ipse meis

„ 699

„ credam, cum ne ipsam quidem vocabulorum;
 „ quae reprehendis, vim à te intellectam esse
 „ pateat. — Qui enim veros humanae cogni-
 „ tionis fines se nobis designaturum proficitur,
 „ nisi quid sibi velit, ipse plane ignoret, sub-
 „ jectivos, quos vocant, fines, eosque solos, in-
 „ telligat necesse est; ut de objectivis finibus *ne*
 „ *vel* cogitasse censi possit”. Haec pauca ad
 rem pertinent, recisis inanibus additamentis.
 Ego vero istius reprehensionis ansam non dedis-
 sem, si pro *subjectivo dubium*, pro *objectivo cer-*
tum posuissem, nec nimia liberalitate nomen-
 clationi Kantianae indulgissem. Hodierni homi-
 nes *subjectivum* dicunt, quod cogitatur: *objecti-*
um, quod per se esse etiam extra cogitationem
 censetur. Ergo omnis cogitatio est *subjectiva*;
 at eadem dicitur *objectiva*, si convenit cum re
 cogitata. Sed en mirum Horrearii acumen!
 „ Omnis finium, inquit, cognitio est subjectiva;
 „ ergo fines omnes sunt subjectivi.” Nil vidi
 minus. Sic dicas, *Omnis cognitio trianguli est*
subjectiva: ergo omne triangulum est subjecti-
um. Quod quis sanus non rideat? Et si quis
 nobis patriae nostrae fines ita ostendat, ut, pro-
 cul ab iis stans, manum ad eos extendat, de-
 monstrans montes, turres, alia signa, per eaque
 lineam ductam imaginari jubeat, dicamus hos
 fines dubios, eorum cognitionem dubiam. At
 si

si quis praefens fines, circumducto 'quasi aratro & fossâ, constituerit, nosque in rem praesentem adduxerit, eamque oculis nostris subjecerit, & absentibus etiam conspicuos fecerit, certis signis, veluti noctu lucentibus pharis, per justa intervalla disponendis: hunc certos fines designasse, certamque eorum cognitionem nobis attulisse, fatebimur. Kantius autem dicens suum Intellectum ad formas à rebus ipsis discrepantes adstrictum esse, & cum hoc Intellectu, quasi cum oculis lippis & natantibus fines cognitionis se nobis designaturum pollicens, à quo audietur? Ab illis nimirum, si forte, qui se magis etiam lippire putent: non ab his, qui meliores sibi à naturâ tributos oculos existiment, & certorum finium certam cognitionem quaerant; quam ille praestare nequit.

X V.

Octava incredibiliter est ridicula. Nam, ut ubique objiciens mihi ignorantiam & impudentiam, in eas ipse incidit: sic hoc loco manifestius & protenus labitur. Id ostendere quamvis lepidum est, tamen molestum facit orationis inficetae repetendae necessitas; quod aliter res non satis apparet. „Quae porro, inquit, in ejus
„ argumenti continuatione addidisti, nihil aliud
„ pro-

„ probant nisi hoc unum, garrere te superbe atque
 „ magnifice de re, quam plane non intelligis. Et
 „ sane piget jam fere taedetque plura afferre
 „ ignorantiae tuae exempla. At paulisper tamen
 „ id faciam, non quidem copiose, sed breviter
 „ & quasi strictim; ut quanta in te sit igno-
 „ rantia & simul impudentia orbis literatus cog-
 „ noscat. Et hoc igitur in Kantio reprehen-
 „ dis, *quod se tribunal instituisse professus sit,*
 „ *quo secundum ipsius Rationis aeternas & im-*
 „ *mutabiles leges causa Rationis judicaretur,*
 „ *jus vindicaretur, fines constituerentur.* Tum
 „ Philosopho, pro more tuo, insultans, haec
 „ adjicis: *Quae tandem illa est Ratio? scilicet*
 „ *humana, opinabilis, subjectiva.* Hujus igi-
 „ tur leges sunt aeternae & immutabiles? Ita
 „ quidem de divina Ratione loquuntur alii phi-
 „ losophi; & fas est ita loqui: non de huma-
 „ na: nedum de hac infra humanae integrita-
 „ tis modum à Kantio redacta. Sed dic mihi,
 „ Philosopho veterane, qui te ante hos jam
 „ tres & viginti annos Kantium legisse, relegis-
 „ se, praecipuos illius interpretes tibi prospexis-
 „ se, eosque in consilium adhibuisse, gloriaris:
 „ dic igitur, quonam in libro haec legeris,
 „ quae lectori narras. Indica mihi locum, in
 „ quo absurdissimum hoc Kantii decretum inve-
 „ neris: ipse enim, qui etiam plurimis abhinc

„ an-

„ annis hujus philosophi, praecipuorumque il-
 „ lius interpretum scripta legi ac relegi, nihil
 „ in eis ejusmodi, quod dicis, sed plane contra-
 „ rium invenī. Verum ne lectorem diutius de-
 „ tineam, dicam simpliciter, omnia hic iterum
 „ à te perturbata esse atque commixta. Con-
 „ fundis nimirum Rationem quam theoreticam,
 „ cum ea, quam practicam vocant, & utrius-
 „ que diversam vim, diversumque usum. Ig-
 „ noras, id quod vel pueris haec Philosophiae
 „ studia vix adeuntibus, ut ita dicam, in limi-
 „ ne jam sit cognitum, Rationem videlicet, cui
 „ à Kantio leges tribuuntur aeternae atque im-
 „ mutabiles, non eam esse, quam theoreticam
 „ vocant, de qua hic sola agitur, sed practi-
 „ cam: & quamvis utraque pars ad eandem
 „ pertineat Rationem, theoreticae tamen, quid
 „ verum sit inquirentis, alium esse usum, item-
 „ que alias leges, ac practicae, quid honestum
 „ sit videntis idque praecipientis. Haec omnia
 „ à Kantio dilucide copioseque exposita, & ab
 „ ejus interpretibus centies centiesque repetita,
 „ à te turpiter confunduntur”. Nimirum tota
 haec lutulentae dictionis farrago ac tautologia,
 ut breviter complectar, ad duo capita redit:
 quorum in altero contendis, mi Horreari,
 Kantium id, quod, ut ab eo dictum, posui,
 non dixisse: alterum, me Practicam Rationem
 cum

eum Theoretica confudisse. Ad utrumque tibi
 satisfaciam, sodes; utrumque secus esse osten-
 dum. Kantius igitur illud decretum, quod tu
absurdisimum vocas, pronunciavit in praefatio-
 ne Criticae Purae Rationis, editionis primae,
 anno MDCCLXXXI, factae: quam ego tunc
 recentem, legere instituebam, quum tu nondum
 de Kantio suspicareris, fortasse ne nomen qui-
 dem ejus fando audivisses. Sic igitur ille, p. 5,
 quum de *indifferentia*, i. e. de negligentia & in-
 curia, hominum illius aetatis erga metaphysicas
 quaestiones dixisset: *Haec*, inquit, *indifferentia*
est effectus, non levitatis, sed judicandi facultatis
maturatae hujus saeculi se non amplius specie
scientiae teneri sinentis, sed postulantis à Ratio-
ne ut denuo suscipiat difficillimum suorum offi-
ciorum scilicet officium cognitionis sui ipsius; &
tribunal instituat, quod ejus postulata justa qui-
dem tueatur, injusta repudiet, non dictatoriis
edictis, sed secundum ipsius (Rationis) aeternas
& immutabiles leges: hoc autem (tribunal) nul-
lum aliud est, quam Critica Purae Rationis
ipsum. Poteram elegantius: sed pressius reddi-
 di; ne quis me sensum mutasse insimularet. Nam
 in priore sermone p. xxxvi, vim sententiae brevius
 complexus sum. Hocce vero satisne disertum
 est documentum, & dixisse id Kantium, nec
 de Practica, sed de Theoretica Ratione, dixisse;

se; nec me utramque Rationem confudisse?

Est ita, ut dicis, inquit Philalethes: incredibiliter ridiculus est bonus Horrearius, qui in eote impudentem & indoctum dicit, in quo tu perite & modeste agis, ipse impudenter & imperrite ruit.

X. V I.

Nonâ laudes à me veteri Philosophiæ tributas refellere conatur. Scripsi p. xxxvii: *Et quidam angustius, quidam latius Metaphysicæ fines aperiebant; ut vel sola Ontologia eam circumscriberent, vel Theologiam atque adeo Psychologiam Et Cosmologiam adderent. Omnes autem in eo consentiebant, ut eam scientia principiorum elementorumque cognitionis humanæ definirent, ut quemadmodum Philosophia omnium caeterarum scientiarum, sic Metaphysica totius Philosophiæ semina Et fundamenta contineret. Atque hac ubertatis auctoritatisque existimatione adhuc florebat; licet pleraque ejus partes firmitate evidentiæque scientiæ carerent. Et. p. liii, id quod tu disserueras, Philalethes: lecta illa Puræ Rationis Critica, judicavi, melius esse retinere veterem nostram sive impuram, sive mixtam quis vocet Metaphysicam, Et secundam illam rerum ubertate, Et ratione summopere probabilem, quam novam illam adoptare pro critica*

sica & pura se venditantem, non valentem ad veteres possessiones tuendas, nedum ad novas acquirendas, veluti vidimus de Deo, Immortalitate, Libertate: & alias desideramus: de rerum extra nos vera substantia, (i. e. res extra nos vere esse, nec tantum videri), de Animi & Corporis nexu, de imperio in se ipsum, de eodem confirmando adversus perturbationes & calamitates, de aliis quaestionibus ex Metaphysica proficiscentibus. Ad haec Horrearius: „Metaphy-
„ sica igitur” inquit „ quamvis pleraeque ejus
„ partes firmitate atque evidentia scientiae ca-
„ reant, tamen & est, & esse ac manere debet
„ totius quasi mater Philosophiae, & haec rur-
„ sus caeterarum scientiarum. Quod si esset,
„ ut tu dicis, communem humanae cognitionis
„ sortem quis facis miserari posset? Quae enim
„ esse potest probabilitas scientiae, cujus ple-
„ raeque partes firmitate careant atque eviden-
„ tia: & quales esse debent possessiones ejusmo-
„ di fundamentis innixae?” — denique pro-
ficetur se Kantianam doctrinam, ut firmiorem me-
lioremque, sequi „ quippe” inquit „ in nobis
„ non tanta est perversitas, ut inventis frugibus
„ glande vescamur”. In his verbis, quamvis
paucis, multiplex inest inscitia. Primum La-
tinae consuetudinis; quod vim nominis scientiae
non intellexit, quae est evidentia mathematica,

D

op-

opponiturque evidentiae morali, quae dicitur univérse *probabilitas*, ac tribus generibus continetur, Sensibus, Testimonio, Conjectura: de quibus tradidimus in Logica nostra, Parte III, Cap. VII — IX. Deinde rerum ignorantio: quod enim nemo nescit, qui Metaphysicae naturam novit, Horrearius nescit, ejus quidem initia vim scientiae, id est mathematicam evidentiam habere, progressus autem saepe exire in probabilitatem; & quo magis ab universali ad peculiare, ab initiis ad exitus, procedamus, eo magis vim evidentiae minui. Veluti initis illis, Principio Repugnantiae, *Quod sit, esse, Quod non sit, non esse*, caet. & Principio Efficientiae, *Nil esse sine causa*, nil est evidentius, & sunt mathematicae evidentiae: hinc progressus fit, *Ergo haec rerum universitas habet causam & effectorem Deum, his valentem viribus & virtutibus, quibus eum valere necesse est, ut hujus universitatis causa & effector sit, summâ intelligentiâ & potentiâ*: è quibus ut venimus ad propiora deinceps, creationem, providentiam, gubernationem, aliaque capita; ita loco evidentiae nobis occurrit probabilitas, sed ea tamen quae ab evidentia non multum abest, ejusque nobis vicem praestare possit. Tum, quasi nullius pretii sint disciplinae probabilitate contentae, nec aliis pro fundamento esse queant, ita loquitur; quales sunt multae

par-

partes Philosophiae, Logicae, Moralis, Physicae, aliae: Historia, Philologia, Critica, Antiquitates, Rhetorica —. Porro illam evidentiam inesse putat Kantianae doctrinae: cujus initia ficta verum exitum habere nequeunt. Denique hujus doctrinae expertes miseratur, quae ipsa expertis sit principum Metaphysicae partium, Dei, Immortalitatis, Libertatis; quae partes hinc ad Practicam Philosophiam rejectae, verbis relinquuntur, re tolluntur: qua doctrina spreta, qui aliam sequantur, hos, repertis frugibus, glande vesci pronunciat.

Ut priora absurda, inquit Critobulus, ita hoc inficetum. Delicatum vero Horrearii palatum! cui priores omnes Philosophi, & Plato & Aristoteles, glandes videantur, idque prae duro & acerbissimo cibo Kantiano. Proverbium à Cicerone scite collatum in Athenienses, & frugum, & Philosophiae, & Eloquentiae inventores: horum dicendi rationem qui spernant, *inventis frugibus, glande vesci*: perverse Horrearius accommodavit Kantio, qui potius malus pistor fruges corrumpit, panemque fecit parum salubrem & esculentum. Sed tu caetera prode.

X V I I.

Decima, inquam, reprehensio est p. 35—41,

D 2

lo-

loci nostri de Categoriis: in quo eum illa Philalethis pistrix, quamvis dissimulantem, male habet. Caeterum suum illud constanter tenet, nil ut rationibus refellat, sed clamat nos Kantianam doctrinam non intelligere. Veluti quod posui p. xxxviii: *Dicit enim K. Categorias ante sensibilem visorum adventum in Animo esse, nec tamen cogitari, sed per illa demum excitari. Hoc possumus intelligere in Platonis opinione de Reminiscentia notionum ex priore vita servatarum: in Leibnitzii Harmonia Praestabilita: in notionibus ac visis memoria reconditis: in facultatibus Animo à natura tributis necdum actione vigentibus: in istis Categoriis intelligere non possumus.* Haec, quibusdam omisis, apponens, subiicit: „*Quod posterius quin verum sit, equidem nullus dubita*” Acute scilicet, ut omnia! Ergo Horrearius intelligit? Intelliget eadem ratione, circulum esse quadratum, & similia. Tantum est hominis ingenium! Sed tamen causam adfert, quod rarissime facit: „*Vel an hoc tibi*” „absurdum esse sibi quod ipsum repugnare videtur, formam videndi audiendive in fabrica nostrorum oculorum vel aurium latere antea, quam idonea affluente luminis aërisve copia, visa atque audita hisce sensibus percipiamus?” Nulla profecto in hac doctrinae Kantianae parte ostendi repugnantia potest —”. Diversis-

sissima conjungit bonus Horrearius cogitandi & sentiendi officia. In sensibus corporis concedimus, ut in corporea natura: in Animo non concedimus, & ut Latine loquar, *non intelligere*, nullam ejus negotii notionem nobis informare, possumus, nisi si Animum corporeum esse sumamus: & ita magis etiam in hoc negotium conveniet imago pistricis in sartagine popana coquentis. Simplicem quidem Animum esse nobis statuere non licere, in Paralogismis demonstrasse sibi visus est Kantius. Mox meae dictioni prorsus contrarium subjicit sensum, scilicet, quo facilius eam refellere possit: „ & hoc male *reprehendo*, „ *dis*, inquit, istas Kantii Categorias non „ tum habere ortum, numerumque duodenarium „ iis temere ut necessarium assigni”. Male Latine dicit: sed videmus quid velit. Neque enim hoc ego *reprehendo*, sed *statuo*, *objicio*, *arguo*. Pergit: „ in qua accusatione probanda, tibi „ consentaneus mansisti: omnia nimirum denuo „ miscens ac perturbans. Ita Categorias, exempli causa, (neque enim omnia, quae huc „ pertinent, recensere lubet) confundis cum „ illis animi notionibus principibus, velut *con-* „ *scientia sui*, *principio repugnantiae*, *vero fal-* „ *soque*, *bono & malo*, *pulcro & turpi*, qui- „ buscum Categoriae nihil habent commune”. Atqui Horrearius mea cum suis commiscet. Quis

enim nescit, quae sint duodecim illae Categoriae Kantianae: neque in his ego numeravi Conscientiam sui, Principium Repugnantiae, Verum & Falsum, Bonum & Malum, Pulcrum & Turpe; sed illud pronunciaui p. XLII, has & alias contineri in classe notionum principum & seminalium multo magis, quam plerasque Categorias Kantianas; illarumque notionum generationem censumque à prioribus Philosophis factitatum exhibui. Quod autem Experientiam diximus inferre notiones in Animum, eique plitricis munus dedimus, ab Horreario autem arguimur erroris, quod Experientia non inferat, sed inferatur, jam supra Num. XIII, diluimus. Nam & in hoc loco, & in eo, quem Horrearius reprehendit p. XXXIX, quod diximus *Categoriam Spatii*, nolimus nomenclaturam Kantianam sequi: & de Spatio locuti sumus, ut de notione, quae item, ut caeterae Categoriae, in hoc gradu censuque habenda, & ab Aristotele in Categoriis numerata fuisset.

X V I I L

Undecimae argumentum est placitum Kantianum, quo fastigium continetur omnis reliquae admirabilitatis & incredibilitatis, & quod Graece disertius dicatur, δόγμα ὃ ὥσπερ κολοφῶνα ἐπέθηκε πάσῃ τῇ παραδοξολογίᾳ Kantius, quo statuit
Pu-

*Puram Rationem non ultra fines Experientiae, nec ad res, quae sensibus corporis attingi nequeant, progredi posse; & proinde gravissimum dogmatum, Divinae Naturae & Providentiae, Libertatis & Immortalitatis Animorum humanorum, probationem non Purae Rationis, id est Metaphysicae, sed Practicae Rationis esse argumentum: ita, enim. posui in priore sermone p. XLVII, sequ. & multis rationibus confutavi, quae nunc repetere non attinet. Harum, ut solet, nullam vicissim confutat Horrearius; sed apposita partim illa dictione mea, sic respondet; Ita, „ certe statuit Kantius. Et recte, quidem: ut „ norunt omnes, quotquot illius vim doctrinae „ illustremque, qui est de *Antinomis*, locum „ satis perceperunt. Tu igitur, si quid hac in „ re efficere voluisses, universum illum locum „ omnesque ejus partes confutare singulatim „ debuisses, & dein dilucide ostendere, patere „ revera Rationi humanae aditum ad illas, Dei, „ Immortalitatis, ac Libertatis notiones earum- „ que demonstrationes, atque omnino nihili es- „ se ea omnia, quibus à Kantio effectum est, „ demonstrationes à Philosophis adhuc & inven- „ tas & usitatas nihil prorsus probare, & in utram- „ que partem valere, nec magis evinci, his pos- „ se illa dogmata vera quam falsa esse. Hoc si „ fecisses, virum te praestitisses; véroque id phi-*

„ philosopho fuisset dignius, quam, quod nunc
 „ facis, quae centies dicta & centies refutata
 „ sunt repetere” —. Caetera ipsi legatis, &
 videatis cujusmodi hanc responsionem esse pu-
 tetis.

Discipuli, inquit Philalethes, insatuati ma-
 gistri effatis, eaque pro demonstratione jactan-
 tis: sed bonus Horrearius in suam ipse repre-
 hensionem incidit: *qui virum se praestitisset*, si
 ostendisset, illas illustres Kantii *Antinomias*, ju-
 stas argumentationes, nec vana sophismata esse.
 Hospes fit in historia Dialecticae qui ignoret
 talia *ἀντιστρέφοντα* multa à Veteribus tractata,
 in Jure *antinomiarum* nomine appellata, & ad
 omnes, exceptis mathematicis, disciplinarum lo-
 cos adhiberi: quorum nullus est, quin de eo in
 utramque partem disputari possit. Hospes item
 fit non modo in Veterum, sed & recentiorum
 Philosophorum scriptis, qui nesciat tres illas
 quaestiones, de Deo, Immortalitate, Libertate,
 in omnibus metaphysicis commentariis & com-
 pendiiis, tradita, & multo melius demonstrata,
 quam à Kantio aliisque oppugnata esse. Nam
 & hoc ante eum alii fecerant. Sed in illis
ἀντιστρέφουσι, vicissim se evertentibus quaestio-
 nibus, videndum qua in parte plus probabilita-
 tis resideat, eaque suo gradu juste aestimanda.
 Hoc Dialecticus quisque facit: insatuatus magi-
 stri

stri effatis discipulus non facit: ut Horrearius, qui istis captiunculis captus, tenetur, haeret, stupens magistrum veneratur. Et in tribus illis quaestionibus cum sint rationes in utramque partem, i. e. pro iis & contra eas, probantes & improbantes, statuentes & tollentes, ut Graeci loquuntur, κατασκευαστικοὶ λόγοι & ἀνασκευαστικοί, probantium numerus & pondus adeo superat numerum & pondus improbantium, ut probabilitatem veritati proximam obtineat. In hoc K. & se & alios decepit, quod in Metaphysica non nisi mathematicam evidentiam voluit, probabilitatem nec voluit nec ejus gradus distinxit.

Tum vero, inquit Critobulus, quod in hoc παραδόξῳ omnium longe est παραδοξότατον, & manifestum ὅστερον πρότερον, Theoretica dogmata ex Practico ducuntur. Kantius argumentum hoc primus conclusit: *recte agere debeo; Ergo est Deus*; caeteri omnes naturam & rationem sequentes, sic, *Deus est, Ergo recte agere debeo*. An igitur illud ratione conclusum est? *Est postulatum*, inquit. Quae tandem sic postulandi vel facultas, vel necessitas, tibi est? *Habeo in me*, inquit, *Imperativum Categoricum*, jubentem recte agere: hic a Deo est; ergo Deus est: & Libertatis sum particeps ad agendum; nec enim Deus me juberet agere, nisi liber essem:

idem vero Deus animadvertit hominum bene & male facta remunerando & puniendo; quod quando in hac vita non fit, necesse est aliam esse, post hanc, vitam, & Animos esse immortales. Haec ita sunt conclusa, quasi comica persona superstitiosa eadem & stupida agatur: non quasi philosophus loquatur, quid sit postulatum, quid consequentia, intelligens. Communis quidem hominum vita & natura, notionem Dei suscipit ex contemplatione rerum admirandarum hujus mundi, & ab effectis ad causam progreditur: *Quid enim potest esse tam apertum atque perspicuum, cum coelum suspeximus, coelestiaque contemplati sumus, quam esse aliquod numen praestantissimae mentis, quo haec regantur.* Notum est effatum Stoici apud Ciceronem De Nat. Deor. II, 1. Et eandem omnes Veteres tenuerunt viam in Phisicae capite inscripto, *πῶθεν ἔννοιαν θεῶν αἱ ἄνθρωποι*, unde homines notionem Dei acceperint; quod exstat apud Plutarchum De Placitis Philosophorum, I, 6: Plinium Hist. Natur. II, 5: Sextum Empiricum Advers. Mathematic. IX, 13, sequ. Philonem Judaeum T, II, p. 216. Lucretium V, 1166: alios. Et hoc argumento contenti eramus. Venit deinde Anselmus Cantuariensis Saeculo XI exeunte, qui è sola Dei notione & possibilitate eum esse cogere vellet. Denique nostra aetate exstitit Kantius, qui Deum esse

esse postularet & categorice imperaret. *Venimus ad summum fortunae!* — Sed de hoc, ut de duobus aliis capitibus, Immortalitate & Libertate, tu ad communem captum & sanam rationem ages in Metaphysico tuo libello, si forte, edendo. Nunc nobis reliquas Horrearii Kantianas criminationes recense.

X I X.

Atqui, inquam, absolvi istam penſi partem: haec enim, de quibus dixi, fuerunt accusatōnis in illo genere capita. Nam quum duō spectanda ſint, ut in omni alia diſceptatione, ſic in hac de Kantio, alterum *quid* dixerit, alterum *quale* dixerit, id eſt *vere nec ne*: de illo diximus ſuperiore ſermone: de hoc nunc dicendum fuit, ſaltem quatenus adverſarii iſtud ſuum jaſtaſſent, me Kantii placita non cepiſſe.

Immo, inquit Philalethes, unum etiam nunc ſupereſt caput, illud, in quo re-arguit tempus non juſte noſſaſſe, quando puella Kantiana Belgice loqui coepit.

Ingens, inquam, crimen! eſt: tu quaero pro me reſpondeas; ut ego deſeſſus jani labore atquo itinere diſputationis, in tuo ſermone, quaſi aliquo peropportuno diverſorio requieſcam. Ve-
nit

nit enim mihi in mentem illud apud Ciceronem De Orat. II, 57, in simili caussa ad Caesarem dictum ab Antonio. Nostin'?

Novi, inquit. Et vero tibi Caesaris verba propemodum repono: Nam non nimis liberale dices hospitium meum, qui te mox, simulac perpaululum requieveris, extrudam, & in grammaticam disputationem conjiciam.

Hoc tunc videbimus, inquam: nunc quod instituisti, perge.

Igitur, inquit, in fine hujus loci Kantiani vehementer queritur Horrearius, quod scripsisti p. 11, *hanc Philosophiam duodeviginti annos natam fuisse, quum nostri homines eam apud nos producerent, & Belgice crepare cogerent: apud Germanos tunc vetula habebatur: & erat sane pro genio saeculi effoeta* — „neminem, „ait, fugere posse, nisi qui in recentioris Philosophiae historia hospes plane & peregrinus „sit: ipse enim superiore jam saeculo, anni „sexti & nonagesimi initio primam meorum „Philosophiae Kantianae elementorum partem — „Belgice in lucem exire jussi: postquam duobus „annis ante, ut eram discendi cupidus mihi „hique diffidens, dubia quaedam contra hanc „Philosophiam modeste atque ἀνωρύμως in publicum emiseram” —. Sed taedet me infestae Latinitatis: igitur media parte praetermissa,

fi.

finem saltem sententiae addam: „ Sed difficile
 „ non esse puto perspicere, quo & hoc tuum de
 „ duodeviginti annis mendacium spectet. Ho-
 „ mihi enim tam sui pleno nec verum cordi est,
 „ nec bonum, quod honestum dicimus”. His
 postremis verbis nec ratio nec sententia constat:
 videtur autem significare, te annis ita numerandis
 magnum aliquod flagitium & scelus moliri: prio-
 ribus autem nos docet, se jam ante editum Hor-
 reum nos beasse Belgicis de hoc argumento
 scriptis, nostramque beatitudinem tribus annis
 antiquiorem esse, quam putabamus: quod ego sa-
 ne ignorabam nos tunc jam beatos fuisse, & hu-
 jus aerae Belgicae initium ponebam annum nona-
 gesimum nonum, quo edidit Horreum, & nova
 lux Belgio lucere coepit. Hoc nescire erat tur-
 pis error: mentiri, ingens flagitium: censere au-
 tem se partem Historiae Philosophiae recentioris,
 magna & propria Horreario modestia. Nunc
 vero, quod coepit Belgica Latinitate Kantianam
 doctrinam ornare, hunc annum MDCCCIX ut
principium novae epochae Latinitatis Belgicae
Kantianae in fastis notabimus. Deinde te nesci-
 re quantopere studium hujus Philosophiae in
 Germania vigeat, quod Ephemerides non legas!
 Quas quidem ego diligenter lectitans, & cum
 viris doctis in Germania viventibus literarum offi-
 cium colens, & cum recens inde advenis subin-
 de

de colloquens, Horreario affirmare possum, illud studium propemodum defecisse & evanuisse : cum primo ad Fichtianam, tum ad Schellingianam rationem abiisset, jam ad Platonis exemplum erigere se videatur. Sed cum aliis ineptiis, tum hac gloriola, in Horreo ridiculus fuit Horrearius, quod subinde jactavit, quantopere nova haec lux non modo in Germania ubique splenderet, sed jam vicinis, Gallis, Italis, Britannis oriretur, aliis mox oritura esset. Quod ipse lectoribus confidenter venditabat : & horum plerique rerum exterarum ignari id sibi imponi patiebantur, & credebant. — Tu vero jam ex hoc quietis diversorio exi, nobisque, quod superest operis, absolve.

X X.

At tu, virorum optime Philalethes, noli me, inquam, adhuc fessum, in viam extrudere, mihi-que, atque adeo tuae naturae ad liberalitatem factae, vim inferre. Jam vobis unum ex hoc Augiae stabulo Kantianum cophinum egressi : mox duos alios egeram, Graecum & Latinum. Sunt hi tres Herculei labores : concede ut, primo exantlato defatigatus, me ad reliquos duos confirmem : & tu cogita quantum acutis tuis naribus foetoris hauriendum sit : &, dum eas quiete reficis

cis ad instans tedium ferendum, narra nobis novum quid; qui es λόγων θύλακος, & semper quid in promptu habes vel novum, vel vetus facete innovatum: quidquid narraveris, jucundius erit his Horreariis tricis; quas ut effugiamus, vel tu diem dicendo extrahas.

Recte mones, inquit, sed scin' quid vobis narrem? quid vobis narrem? Habui aliquid rei praesenti aptum: at nunc me prorsus fugit: hem! quid tandem fuit? jam memini; fuit hypohypo-phetae negotium.

Quid hoc monstri est? inquit Critobulus.

Est hic, inquit, quem modo Magistrum Equitum vocavi. Et hujus ego libellum mecum attuli, & domi solus legi: est fere unice de argumento Kantiano, &, exceptis paucissimis locis, nil habet, quod non item habeat Horrearius; qui consilia & argumenta inter se ita contulerunt; ut, quod hic bene Belgice, ille male Latine diceret. Ad hunc nos ablegat Horrearius, ut *sedulo* nos confutantem, id est *confutare volentem*. Atque sic est. Habet paulo plus, quam ille, facilitatis & elegantiae, humanitatis: certe minus inhumanitatis, irae, convicii: caeterum item est superbia in pronunciando, dis-ficientibus ignorantiam Kantianae sententiae ob-jiciendo, Dialecticae viam ignorando: ubi vero facetus esse vult, non quidem, ut Horrearius, pue-
ri-

tilis conviciator, sed tamen absurdus & frigidus nugator fit. Quae autem disputationi Horrearii adjecit, haec fere sunt.

XXI.

Pag. 177 : Repetit Horrearii sophisma à te confutatum, *nullam esse Kantii Metaphysicam*, illud addens: *ubi tandem K. dixit eam constare meris notionibus intelligibilibus?* Ubique hoc dicit, inquam, ubi de hoc argumento loquitur: vel Praefationem videas Criticae Purae Rationis, & in ipso libro v. c. p. 870, volens *eam constare* ex puris notionibus Intellectus, & esse cognitionem factam per solas *Ideas*, quas *Conceptus Rationis* (Vernunftbegriffe) vocat, segregatam ab omni Experientia & Sensuum officio, (Sensualitate).

Pag. 180. Quod tu p. xxxiv posuisti Kantii placitum, *Intellectum ex Categoriis duo nova effingere notionum intelligibilium genera, Conceptus Reflexionis & Ideas*: Censor pronunciat, *te omnia turbare; Conceptus enim Reflexionis non esse novum genus notionum, sed ad Categoriarum comparisonem adstrictas esse*. At ipse turbat, & cavillatur. Kantius enim, qui ubique haec tria genera notionum intelligibilium inculcat, & Categorias fundamenti ac principii in-

instar ponit, certe ex his duo reliqua ab Intellectu formari ait. Nam quum priores Logici has tres ipsas Intellectus actiones tenuissent, Notionem, Judicium, Syllogismum, Kantius vetera recoquens, eas, mutatis nominibus, ita ad novae doctrinae speciem immutavit, ut ex Notionibus *Categorias*, ex Judicio *Conceptus Reflexionis*, ex Syllogismo *Ideas* faceret. Hos Conceptus Reflexionis duxit ex Categoriis: ex Quantitate, *Identitatem & Diversitatem*: ex Qualitate, *Consensum & Dissensum*: ex Relatione, *Internum & Externum*: ex Modalitate, *Formam & Materiam*; unde oriri genera Enunciationum. Illud autem, quod priores dixerant *judicare*, duas notiones tamquam subjectum & praedicatum conjungere vel disjungere, ipse *reflectere* vocavit. Porro *Ideas* principium & fontem Syllogismi fecit, ductas ex Categoriis Relationis, Substantialitate, Causa- litate, Communionem; unde tria Syllogismorum genera existere, *Categoricum, Hypotheticum, Disjunctivum*. Et nisi ita esset, ut Intellectus à Categoriis & sensibilibus visis profectus ad duo reliqua notionum genera progrediretur, eaque ex illis fingeret, formaret, efficeret; necesse erat, ut haec duo in Mente vel item ut Categoriarum formae ac receptacula impressa, vel alioquin innata essent. Quorum neutrum statuit Kantius. Nos autem

E

hoc

hoc loco tantum quid dixerit, non quale, recte necne dixerit, quaerimus. Legat Censor ipsum auctorem in Critica Rationis Purae, de Conceptu Reflexionis p. 316, sequ. & de Idea p. 367, sequ.

Pag. 184. Facetiam captat, qua imprudens se ipse ferit. Dixeras p. xxxv de Kantio, *quomodo is cum subjectiva sua cognitione fines veros, quos vocant objectivos, cognoscat*. Hoc ab Horreario impugnatum, à te vindicatum, ipse sic reprehendit: „Id est quasi dicat, qui profitetur „se in Insula habitare, ejusque fines nobis de- „monstrare, hic nobis fines terrae continentis „demonstrare debet”. Insulae comparisonem tacitus arripuit ex Kantii Critica Purae Rat. p. 235. Sed haec nil ad nos. Neque enim nos censemus in Insula nos habitare; sed in continente, unde via nobis pateat ad rerum extra Experientiam positarum inventionem. Deinde fatetur Censor, quod ipse non vult, fines continentis esse *objectivos* & veros. Denique, qui hebetes oculos, judicium incertum, sibi esse fateatur, & tamen Insulae certos fines aliis demonstrare audeat, quae hunc Salus ab interitu servet, quo minus in mare illud impetuosum, à Kantio significatum, incidens pereat?

Ibidem dixeras: *Licebat Dogmaticis hoc profiteri, Pythagorae, Platoni, Eleaticis, Aristoteli*.

teli, Stoicis, Epicureis, Cartesio, Leibnitzio, Wolfio. Ad haec ille: „Excepto Platone & „ Eleatica schola, nemini horum licebat: & „ fortasse minime omnium Leibnitzio, qui *phae-* „ *nomena* pro rebus habebat, quamquam ea „ sic appellabat, quod ea non nisi confuse nec „ accurate nobis percipiantur, nec qualia extra „ nos revera sunt. Qui hoc statuit, is, si sibi „ consentaneus esse velit, fines omnes repudia- „ re debet. Videtur W. phaenomena Leibnitzia- „ na & Kantiana confundere: quod ut suspice- „ mur, facit vocabulum *opinabilis*”. Loquitur de rebus sibi ignotis, ut qui Philosophiae Historiam ne à limine quidem salutaverit. Nam contra se res habet: si exceptio in quosdam horum valeret; Platoni, Eleaticis, & Leibnitzio id minus licuisset; quippe corpoream rerum partem, opinabilem, *δοξαστὴν* & *φαινομένην* nomine appellantibus. At iidem rerum incorporearum & intelligibilium veritatem tuebantur, nec eam sensibilis originis ludibrio subiciebant. Ergo & his & Leibnitzio licuisset finium designationem suscipere, nec sibi non consentaneis manere; quippe haec phaenomena, hae umbraticae imagines, tamquam in Platonis illa spelunca, non sunt vagae ac temerariae, sed eandem constantiam mutationum servant, quam corpora, ex quibus veniunt; ut earum fines, & quasi

συναγγραφία, designari possent. Denique nulla fuit nostra *confusio* phaenomeni Leibnitziani cum Kantiano, sed *comparatio* fuit. Confunduntur, quae diversa pro iisdem habentur: at comparantur quae, quamvis diversa, quibusdam in partibus inter se convenire ostenduntur.

Pag. 185 — 187. Iterum infelicitèr jocatur. Nam quod tu posueras p. xxi, & xxxvi, *Kantium pronunciaſſe, ſe tribunal inſtituiſſe, quo ſecundum ipſius Rationis aeternas & immutabiles leges, ipſius cauſſa judicaretur, juſ vindicaretur, fines conſtituerentur*: Horrearius contendebat, Kantium hoc nuſquam dixiſſe, te Theoreticam Rationem cum Practica Ratione confuſiſſe: tu utrumque confutaſti, appoſito Kantii loco: Cenſor in eadem ignoratione haerens, aliquid etiam de ſuo ſale adſpergit, dicens „ te immane quantum diſtentiſ cruribus, „ alterum pedem in Theoretica Ratione, alterum in Practica ponere, plane ut ille Sancti Johannis angeluſ manu tenens librum, ut tu „ Bibliothecam Criticam, alterum pedem in terra, alterum in mari ponat: & plane eſt ſimilis reſ, inquit; nam Latinuſ iſte de Philoſophia libelluſ, item, ut ille angeli, dulciſ eſt „ in ore, ſed acerbuſ ad manducandum. Sed „ leſtoreſ nobiſ hanc digreſſionem ignoſcant — !” Atqui ipſe facit, quod te arguit: tu in una ſtaſ
Theo-

Theoretica Ratione, ille in utramque se distendit. Mirum etiam est, ut in hoc quamvis crasso errore, tamen de se ipse imprudens verum dicat. Veluti, libellum tuum manducanti amarum fieri: credo! subest enim dulcedini veritas, quae hominem pungit. Et vero ignoscimus ei digredienti: quin miseramur indecore se spectaculo praebentem, ipsum stantem altero pede in Apocalypsi, altero in scena tabernarii scurrae: qui hoc se Censorem Oeconomico - Literario - Theatralem, decere putet.

Tum Critobulus: Immo duabus innititur Apocalypsis, Johanneae & Kantianae.

Consequenter profecto; inquit Philalethes; cui Kantiana ratio divinam auctoritatem habet. Porro p. 188, denuo confundit, ipsum hoc *confundere & comparare*. Ad ea quae tu dixisti p. xxxviii, responder: „quid tandem commune „habent Kantii Categoriae cum Platonis notionibus?” Scilicet id, sodes, quod utraeque sunt in Animo ante adventum sensibilibus visoribus. In hoc conveniunt, caeterum diversae.

Tu p. xli, recte monueras, in numero duodenario Categoriarum constituendo non satisfactum esse rationi: v. c. *Limitationem* ad Quantitatem referendam potius quam, ut Kantius fecit, ad Quantitatem, & instar Particularitatis esse: male ex Enunciatione Infinita duci, quam ipsam non satis accurate ab

Enunciatione Negante distingui: *Relationem* suis finibus non distincte circumscribi, & ad alias item Categorias pertinere: Relationis & Modalitatis, quum sex utriusque recenseantur Categoriae, Relationis Substantia & Accidens, Causa & Effectus, Actio & Passio, Modalitatis Possibilitas & Impossibilitas, Esse & Non esse, Necessitas & Contingentia, has in utraque non nisi pro tribus numerari. Ille horum non nisi duo attingit. De Limitatione quum se non expediret, dixit esse *verborum captionem*. Debat etiam hoc vereri, ne posita inter Realitatem & Negationem media Limitatione, idque in Qualitate, inter Nihil & Aliquid quoddam medium poneretur, & Principium Exclusi Medii tolleretur: debebat & rationem habere eorum, quae Schwabius de eodem loco Kantiano monuit. In altera reprehensionis parte, qua pro senis non nisi tres numeratae Categoriae arguuntur, in unam involat, ad quam respondere poterat, de *Causa & Effectu*, hebetem & imperitum te clamans, & quasi in triumpho ducens. Scilicet hoc tu ignoraveras! Causam & Effectum esse reciproca, sive *relativa*, & ubi alterum ponatur, ibidem & alterum poni. At enim recte fecisti universe memoranda illa numerationis repugnantia: Censor sophisticè fecit, qui reliquas difficultates tacendo dissimulavit, quum ostendere de-

debuisset, Modalitatis item Categorias, Possibilitatem & Impossibilitatem, Esse & Non esse, Necessitatem & Contingentiam, binas quasque eo vinculo esse nexas, ut pro una numerari possent.

Notionum generationem naturalem à te designatam secundum priores Philosophos, p. XLII, ille mirifice carpit, carptimque memorat p. 194: tum convertens se ad lectores, „ Quid ” inquit, „ videtur nostris lectoribus de hoc W. inventario psychologico, quod substitui vult tabulae „ Categoriarum Kantianae? ” Scita interrogatio! quasi omnes lectores, cum Censore sentirent. Facilis responsio, quam hic non praevidit: lectores intelligentes & peritos hanc Naturae ennoeogoniam probaturos: Kantianis Categoriis infatuatos, improbaturos. Animam autem à te informatam ut recentem in corpore advenam, verum aliunde arripiens & auctorem ignorans, notat appositis verbis *animula, vagula, blandula*, plane à re alienis. Hadriani Caesaris fertur morientis, à Spartiano in ejus Vita Cap. 25, proditum,

*Animula, vagula, blandula,
Hospes comesque corporis,
Quae nunc abibis in loca
Pallidula, rigida, nudula;
Nec, ut soles, dabis jocos.*

An vero, iudicio censoris, eadem sunt *abire* & *advenire*, eadem anima, quae nondum quid egit, & quae jocos dedit, qualem suam ipse vult? Potius alium locum Hadriani ex eodem libro, Cap. 16 sibi sumsisset, ac Dictatori suo subjecisset:

*Ego nolo Florus esse,
Ambulare per tabernas,
Latitare per popinas,
Culices pati rotundos.*

Rursus festivitatem captans aberrat à veritate p. 199. Quod tu recte monueras p. L1, scholae Kantianae decretum hoc, *quia res sensibiles ad Tempus & Spatium adstrictae sunt, ideo res non sensibiles non ad Tempus & Spatium adstrictas esse*, eodem errore conclusum esse ac si quis sic dicat, *Omnes canes habent quatuor pedes; Ergo, qui non sunt canes, non habent quatuor pedes*: hoc igitur verissime à te monitum, sic eludere conatur, ut legentibus fumum obijciat, mihi aliquid pro mea pistrice reponat, quae eum valde pungere non desinit: „Fingamus”, inquit, „tuos pedes & pedes canis, esse *πούμικτα*, & esse aliquem qui eos adspiciat per dioptram vitri viridis; necesse erit, „ut ei hi pedes viridis coloris esse videantur”. Nil vidi acutius, & tali dialectico dignius! qui hoc argumento se ipse caedat. Nonne videt hinc

hinc sequi, quia res sensibiles per hanc nostram Sensuum quasi dioptram Spatio ac Tempori adstrictae sunt, etiam intelligibiles res iisdem adstrictas esse, & his utrumque eodem jure, quo sensibilibus, tribui debere. Et quando Cenfor dioptrâ delectatur, referam ei veterem fabulam, ipsi admonendo accommodatam & salutarem. Sic autem narratur: Fuit olim ludi magister rusticanus, pinguis, crasso corpore, voce sonora, qui, impositâ naso dioptrâ, legere in templo & praecinere soleret, civibusque suis rusticis valde probaretur & sapiens videretur. Ab his gravi in causâ pagi ad Praesidem Provinciae orator eligitur: suscipit munus, legatur, proficiscitur: in itinere venit ad rapidum flumen angusto ponticulo junctum: subsistit; dubitat quid faciat: tandem consilium expedit: Nae, inquit, ego te ex angusto latum faciam: imponit naso dioptram: transire pergit: at mox, pede extra pontem posito, decedit, & miser in undis periit. Vin' etiam, Cenfor, epilogum fabulae, quem vulgo barbare *sensum moralem & applicationem* dicunt? an vero satis diserte

mutato nomine, de te

Fabula narratur?

Per imperitiam bis p. 200. *categoriae* in *categoriae* mutavit.

E 5

De-

Denique gloriatur in exitu, se statim ex edito tuo libello, hanc responsionem conscripsisse, nec nonum in annum distulisse. Quae pariendi celeritas minime miranda est in talibus scriptiunculis & levitate, quales sunt Horrearii & Censores: volatici libelli, quorum nec ratio, nec oratio, nec materia cogitationem postulat, & similes plures non stultissimus quisque una insomni nocte fundere possit.

Solvi promissum tibi, W, munus: tuum jam est, ex ista intervalli quiete ad institutum opus surgere.

Tu vero, inquam, non modo solvisti, sed cumulaisti; multo enim acrius adversus Censorem, quam ego adversus Horrearium, disputaisti.

Et recte quidem, inquit Critobulus, fecit, quod acrius disputavit, quam tu: qui, quod Ruhnkenius dudum in te desideravit, id hodieque es, nimis lenis & remissus adversus vituperatores, quamvis malevolos & maledicos. Quamquam enim rei & argumento satisfacisti, tamen subinde sic egisti quasi Horreario parcens, & metuens ne nimium eum premeres: qui primum te lacessivit, tum tuam lentitudinem spernens, fero tandem à te admonitus, novae socium injuriae sibi allegavit, quocum maledicendi provinciam paritus, inauditam quamdam & indignam humanis auribus verborum contumeliam in te effu-

fudit. Et absque ipsorum impudentia fuisset, invidiam apud bonos viros tibi fecissent; quorum nunc nemini quidquam suorum criminum persuaferunt, meram mentiendi libidinem & conviciandi insolentiam adferentes. Veluti, ut duntaxat de genere Kantiano dicam, in hoc quomodo versati sunt? Tu istius doctrinae summam brevissime ac perspicue designaveras, vanitatem multis firmisque argumentis demonstraveras: quorum unum solum eam vim haberet, ut totam illam doctrinam labefacteret. Isti partim & cursum quaedam captarunt, quasi canes à Nilo lambentes, nil via & considerate tractantes, suum illud fere jactantes *non intelligis Kantium*: quod ubi jactare non possent, tutum argumentum non rationibus refellerunt, sed Kantianum placitum nude ac simpliciter sic affirmarunt, ut dicerent, *Omnino vere sic statuit Kantius: ut ipse demonstravit*; quamquam tu hoc confutaveras: unum Kantium, nec hunc satis, noscentes; novi & recentes: negantes eum dixisse, quae antea dixit quam ipsi in eum inciderunt: nec placita ejus perspicientes, nec ejus Germanicam, nec tuam Latinam orationem intelligentes: Logicae expertes, nec definire, dividere, argumentari, scientes: omnia turbantes, statum quaestionis invertentes, aliud alio permutantes, impudenter crepant te Kantianas sententias non intelligere, in quas

quas ipsi parum sibi intellectas jurarunt: de suis mendaciis quid prudentes viri judicent non curantes, dummodo ea imperitae plebi persuadeant. His tu parcas?

Optime Critobule! inquam, nosline Biantis praeceptum?

Quodnam illud, inquit, & cui bono?

Illud, inquam, *Φίλει ὡς μισήσων, καὶ μίσει ὡς φιλήσων*, quo jubemur ita amicitias colere, ut aliquando osuri, inimicitias autem sic exercere, ut amaturi. Hujus ego praecepti alterum disjunctum sequor, alterum cōrrigo, *Φιλῶ γὰρ ὡς ἀεὶ φιλήσων, μισῶ δὲ ὡς αὖθις φιλήσων*. amicus sum, ut semper amaturus; inimicus, ut rursus amicus futurus. Itaque nolui inimicum insanaibili offensione vulnerare, & omnem gratiae spem excludere.

Tu videbis, inquit, qualis ista gratia futura sit: nunc vero, quod Philalethes te vult, reliquas partes tuas age, & grammatica vitia recense.

XXII.

Satis, inquit Philalethes in K. spineto repraesentamus: veniamus ad alia, quae ad amoeniora excurrendi facultatem praebeant, Graeca, Latina, Literas; quo ex genere multa, & sponte, & à vobis monitus, annotavi. En locos, en librum!

Vi-

Video, inquam, genera, *Graecum, Latinum;*
De illo primum dicam.

Et principio p. 9, apponens dictum, φιλεῖ γὰρ ἑαυτὸν πλείον οὐδεὶς οὐδένα, simul & à sententia & à metro aberrat. Nam, ut ipse posuit, nullus exstat sensus, *Amat enim seipsum plus nemo quetquam.* Verum est, φιλεῖ δ' ἑαυτοῦ πλείον οὐδεὶς οὐδένα, *Amat enim seipso nemo plus quetquam.* Ita & sententia & Jambicus Senarius apparet: qui vulgo in Gnomis Monostichis fertur.

Mirum, ait Critobulus, istud in homine, qui tibi metri ignorantiam objicere ausus sit. Referrat hoc ad suum amicum. Sed perge ad alia.

Quod ego de patre meo dixi, *me ei debuisse non modo τὸ ζῆν, sed & τὸ εὔ ζῆν.* nescivit esse dictum Alexandri Magni, de patre suo Philippo & praeceptore Aristotele: se illi τὸ ζῆν, huic τὸ εὔ ζῆν, debere. Quod si addidissem id Alexandri esse effatum; non aliquoties, hoc à me usurpatum, reprehendisset Horrearius.

Immo, inquit Critobulus, magis etiam, homo nihil non arripiens, te superbiae infimulas-
set, quod te cum Alexandro Magno comparares.

Pergo, inquam. Rursus è fabulâ graculus, quamquam id quidem ubique, sed hoc loco majore cum vanitate apparet. Scribit p. 15: „Nar-
„ rat Porphyrius, Plotinum, lecto Longini
„ περὶ

„ περὶ ἀρχῶν libro, exclamasse: Φιλόλογος μὲν
 „ ὁ Λογγῖνος, Φιλόσοφος δὲ οὐδαμῶς. *Idem*
 „ hoc, mutato nomine, de te pronuntiare nihil
 „ vereor cact.”: tum in nota subjecta paginae
 addit *In Vita Longini*. p. 116. Haec mihi doctri-
 na continuo inexpectata, & major quam pro Hor-
 rearii captu, accidebat. Atque nunc memini,
 eum haec de Bibliotheca Critica descripsisse, Par-
 te I. p. 121: ubi à nobis facta exstat epitome
 Disertationis De Vita & Scriptis Longini, un-
 de totam Ruhnkenii dictionem referre operae
 pretium est: „ Plotinus quidem, durior ad haec
 „ studia, lecto ejus libro περὶ ἀρχῶν, teste Por-
 „ phyrio in ejus Vita, p. 116, exclamavit:
 „ Φιλόλογος μὲν ὁ Λογγῖνος, Φιλόσοφος δὲ οὐδα-
 „ μῶς. Quam vocem, velut oraculo misfam,
 „ repetit Proclus, eruditior ille quidem Ploti-
 „ no, sed eodem morbo laborans, in Platonis
 „ Timaeum p. 27. Sed hujus judicii iniquitas
 „ unde profecta sit, non est difficile intelligere.
 „ Urebat haud dubie hominem, suam de Ideis
 „ sententiam, quam discipuli, ut fit, laudibus
 „ in coelum ferrent, idoneis rationibus à Lon-
 „ gino oppugnari. Huc adde Barbarae & spinis
 „ metaphysicis horridae sapientiae numquam be-
 „ ne convenire cum elegante & diserta. Etiam
 „ nunc reperiuntur, praesertim de Scholastica
 „ Wolfii disciplina, qui paulo elegantius philo-
 „ so-

„ sophantes *philologos* potius, quam *philosophos* „ appellent ”.

Haec Ruhnkenius, inquit Philalethes, quinque annis ante editam Kantii Criticam Purae Rationis: quae si jam tunc istas turbas excitasset, eam sine dubio Wolfianae sectae sociam reprehensionis adiecisset Ruhnkenius; nisi forte ejus auctori propter puerilis condiscipulatus necessitudinem pepercisset. Sed Horrearius callide egit, qui hoc Ruhnkenii de Philosophia judicium non attigit: quem profecto rursus Nimrodum & philosophiae expertem appellasset, atque sic laudes in eum à se conjectas refutasset.

Hoc extra ordinem, inquam. Nam de Graecae orationis ignorantia dicere, nunc nobis propositum erat. Illud volebam, Horrearium quae sit nominum vis, quem Plotinus *Φιλόσοφον*, quem *Φιλόλογον*, dicat, non vidisse. Hic enim *Φιλόσοφον* non fere appellat, nisi Platonicum, aut si quis alterius sectae socius, cum Platonica ratione consentit: *Φιλόλογος* autem, non qui hodiernis dicitur, sed qui Veteribus, omnia doctrinae genera complectitur quatenus cognitione & historia continetur, nec studio factitandi, quod *ἐπιτήδευμα* vocatur: ut *λόγος* commune est nomen omnium doctrinarum, & frequenter de Philosophia & argumentationibus philosophis usurpatur. Utinam Dii immortales faxint, ut aliquam

quam Longini similitudinem assequar! quem ego mihi semper, ut perfectum ingenii doctrinaeque exemplum, proposui, cujusque ego me quam Plotini, aut Procli, aut cujusvis novitiorum, similem esse malim.

Manifesto apparet, inquit Philalethes, Horrearium neminem illorum nosse, & de rebus, ut solet, sibi ignotis loqui. Et in Longino quidem quanta quamque accurata fuerit Philosophiae scientia, documento est, cum unicus ille servatus ejus liber De Sublimitate, tum vero perditorum librorum reliquiae.

Kantium, inquam, temere suae doctrinae nomen, ut eximium, *Criticae* addidisse, nemo dubitat non ignarus verborum & Historiae. Nam quod propterea hoc sibi nomen assumit, quia proficitur se *finēs designare*, intra quos contineatur, & ultra quos pervenire nequeat, facultas ingenii humani, potius alio nomine, *finientem, secernentem, aestimatoriam, circumscribentem*, vel Graeco, si mallet, *ὀριστικὴν, ἀφοριστικὴν, περὶ γραπτικὴν*, appellare eam debebat. Hoc à me dictum Horrearius p. 22, confutare sibi videtur, citans Homeri versum Iliad. B, 362, *Κρίν' ἄνδρας κατὰ φύλα, κατὰ φρήτρας*: *secerne viros per tribus, per curias*: confundens usum verborum Homericum, cum postero & communi; quasi Homeri aetate jam Critici fuissent, ac non multis

his demum postea saeculis κρίνειν & κριτικὸς *judicandi* notione usurpari coepisset: & quasi quisquam haud ineptus in Graecis nominibus ad hodiernum usum adhibendis, potius antiquam Homericam significationem, quam communem consuetudinem, sibi sequendam putaret.

Istud vero Horrearii responsum, inquit Critobulus, me inter audiendum insigni prae caeteris stupore & petulantia advertit. Nescire Graecam verborum consuetudinem Homericam plane immutatam sequentibus deinceps aetatibus, Graecis per Literas & Philosophiam excultis! Tum, nomen Critici ex Homero interpretari vel le! Et quasi Kantius hoc cogitasset, ac non potius publicum nominis honorem appetivisset! Adde etiam insolentiam hominis, in te redarguendo tibi quasi insultantis, & victoriae carmen canentis: „ Quo garritu, ecquid imperitius dici „ aut odiosius potest? Nami quae tandem illa „ est, vel esse potest, quam crepas, verbo- „ rum licentia. Latetne illa in nomine Criti- „ cae? Κρίνειν igitur nonne Graecis proprie est „ cernere, *secernere, discernere*? Quo sensu & „ Homerus dixit, Κρῖν' ἄνδρας κατὰ Φύλα, κατὰ „ Φρήτρας, Ἀγάμεμνον· ubi Scholiastes κρίνει „ explicat per διάκρινε, διαχώρησον, & Hesychius κρίναι, inquit, χωρίσαι, τάξαι, &c. „ Egone itaque tantillus homunculus, tantum

„ Virum, eumque Graece perdoctum, quin fe-
 „ re Graecum, Graeca docere debeo!” Hoc sa-
 ne est hominis nil pensi habentis, nec veren-
 tis apud intelligentes insanire, dummodo imperi-
 tae multitudini sapere videatur. Qui adeo errorem
 errore cumulavit, bona fide & securus trans-
 scribens vitium typographicum Scholiastae δια-
 χώρσεν, quod est *transmitte*, pro vero διαχωρί-
 σεν, *secerne*; & ostendens se ignorare duo diversa
 esse verba διαχωρεῖν & διαχωρίζειν, & tamen,
 ut ait, *te Graeca docere debet*. Illud unum ve-
 re, se *tantillum homunculum*, dixit. Tanta est
 conscientiae vis!

Mitte, inquam, Critobule, hominis dicta in
 maledicentiae documentum referre. Hoc enim
 si agere velimus, totus ejus libellus nobis descri-
 bendus sit. Ego istam linguae procacitatem ho-
 mini febricitanti, & nunc graviore accessione
 commoto, facile ignosco. Quod sequitur leve
 est, sed tamen solitae homini temeritatis & in-
 scitiae signum. Graviter infit: „ Exstat prae-
 „ clara sententia apud Xenophontem in Oecono-
 „ mico, nihil esse aut pulcrius aut ad usum com-
 „ modius, quam ordinem: nihil contra aut ad-
 „ spectu foedius ac deformius, aut quod plu-
 „ ra omnibus rebus incommoda afferat, quam
 „ confusionem ac perturbationem. At vero vi-
 „ de quam, hic omnia confusa sint & perturbata,
 „ &

„ & ὕστερα πρῶτα — .” Quo tandem tam gra-
 ve exordium, allunde, nisi me omnia fallunt,
 descriptum? scilicet, ut *atrum desinat in piscem*
mulier formosa superne. Atqui bonus Horrea-
 rius ipse in confusionem ac perturbationem in-
 cidit, πρῶτα & πρότερα confundens. Prover-
 bium est ὕστερον πρότερον haec enim invicem
 opposita sunt: πρῶτον autem oppositum habet
 δεύτερον.

Ignorantiae ac temeritatis illud etiam est, quod
 p. 29, ponit: „ tam verum est, quod à Veteri-
 „ bus velut In proverbio dicitur: ἡ ἀμαθία μὲν
 „ θρασυεῖς, ὀκνηροὺς δὲ τὸ λελογισμένον ἀπεργά-
 „ ζεται.” Vid. Lucianus in Nigrino T. I. Ed.
 „ Hemsterh. p. 38.” Immo *sententia* est, nec
proverbium: nec Luciani, sed Thucydidis à Lu-
 ciano citati. Deinde ad *tam verum*, quaero
quam verum? Ignorat hac in compositione re-
 quiri *adeo*, vel *adcone verum*.

Insignem rationis metricae inscitiam mihi obji-
 cit p. 48: qui Bibliothecae Criticae Parte XII,
 p. 9, in Epigrammate Anthologiae Planudeae
 I, 44, 7, quo Demosthenicam sententiam con-
 clusam ostendi, Πᾶς λόγος ἐστὶ μάταιος ὃ μὴ
 τετελεσμένος ἔργῳ. Καὶ πᾶσα πράξις τὸν λόγον
 ἔργον ἔχει· secundi versus sententiam restitui le-
 gendo, Καὶ πᾶσα πράξις, ἢ λόγον ἔργον ἔχει.
 i. c. *Et omnis actio, cujus effectus in verbis*

subsistit : nimirum „nescius,“ ut ait Horrearius „adeo syllabam ξίε sua natura brevem vix „ac ne vix quidem pro longa adhiberi posse: „id quod cum rari & rarissimi res exempli „sit, tibi *refugium* praestare nequit.“ Mitto jam exquisitam Latinitatem: de re dico. Ignoravit bonus magister syllabam ξίε per adspirationem sequentis syllabae η longam fieri, & omnino adspirationem subinde instar consonantis esse, ac positionem efficere: quod docuerunt Brunckius ad Aeschyli Prometheum 438, Euripidis Orestem 1284: Burgesius ad Dawesii Miscellanea Critica p. 415, 460, 491, 499. Et Latini hoc esse sermonis, ut litera H positionem faciat & consonantis vim habeat, notant Donatus p. 1737, 8: & Cledonius p. 1883, 9. Edit. Putschii. Vossius Art. Gramm. II, 15. Qui libri si Horreario ignoti & doctiores quam pro ejus modulo sunt; videat in puerili bibliotheca, de Graecis Struchtmeyeri Rudimenta p. 274: de Latinis Vossii Prosodiam p. 157. Sed nolo diutius in hac hominis temeritate recensenda versari.

Poteras tamen, inquit Philalethes, alia haud pauca notare: praesertim quod Graeca ubique dicta & verba inculcat, ut indoctis doctus videatur: quod si tempestive fit & ad rem accommodate, & ubi Latina lingua aptis dictis verbis.

bisque caret, habet sane hoc negotium cum gratiam, tum excusationem: sin in populari scriptione & intempestive fit, incidimus in eorum ineptiam hominum, quos Cicero reprehendit Off. I, 3, qui Graeca verba inculcantes, jure optimo irrideantur: aut quos narrant nostra & patrum memoria concionales sacerdotes inferciendis Graecis & Hebraeis vocabulis apud plebem suam in admiratione fuisse: veluti illud Horrearii in peroratione, ἀτεχνῶς καὶ ἀδόλως, ineptum est: & versus Homericus magis ad laudem tuam quam vituperationem valet. Denique quod „ J. Luzacium, τὸν μακαρίτην, propter multiplicem rerum maxime Graecarum cognitionem, „ optimos quosque doctissimosque viros veneratos esse” narrat; ostendit Horrearius se doctissimos & optimos viros non novisse, & in Graecis rebus coecutire. Quarum quidem ipsa elementa ignoranti ei suadeam aliquod Rudimentorum compendium diligenter discere.

X X I I I.

Accede porro, inquit Critobulus, ad Latinam scriptiōem: quamquam in hac sibi consuluit tua scripta describens: indeque centonem suum consuens: tamen in futuris, & ubi de suo quid affluit, sordes & inficitiae apparent; ut verear,

ne longum & molestum tibi hoc pensum futurum sit.

Longum, inquam, & molestum; paucae enim sunt paginae sine ulcere: compositio quidem ubique laborat; ut infinitum sit eam persequi, & satis vos habere velim, si hanc labem non nisi in locis insignioribus attigero, cacterum verba dictionesque strictim notavero.

Utrumque feceris, inquit, ita nobis gratum erit; valde enim istam partem cognoscere cupimus.

Itaque, inquam, in primo statim ingressu ter offendit: ubi scribit, — „ Vixdum *quatuordecim prae-*
 „ *terlapsi erant dies* à morte filii mei — cum
 „ libellum tuum, qui partem *constituit* Bi-
 „ bliothecae Criticae ultimam, à bibliopola
 „ missum accepi. ” Primum *quatuordecim dies*
 genus loquendi novitium; si Gallus fuisset, dixisset *quindecim dies*: ergo est ille Belgicismus, ut hic Gallicismus: rectius, *dimidiatus mensis*. Tum *praeterlapsi*: nil frequentius hodie, nec tamen Latinum: praeterlabitur fluvius, rivus, nos praeterlabimur navigantes locum: *labi* tempus dicitur: *praeterlabi* possit dici, si nullo cum fructu nostro praeterit: rectius hoc ipsum ponitur *praeterire*, *abire*, *intercedere*: Denique *qui partem constituit Bibliothecae Cr*: immo, qui *pars est Bibliothecae ultima*, quo *pars Bibliothecae postrema continetur*:

Pag.

Pag. 2. „*efficere nolens ut ad praesentis — doloris vehementiam novus — accederet.*” Rectius erat hac in sententia, *facere, committere.*

Ibid. „*morosi ludimagistri.*” Inepte: hi *saevi, iracundi*, dicuntur.

Pag. 3. „*ut multa garrias, quae cum plane falsa, tum maxime etiam odiosa sunt, & quae si veritati essent consentanea — bonis viris risum moverent, nunc vero illis omnibus bilem atque stomachum.* Ut sensus saltem dispiceretur, quaedam omisi eum obscuriorem facientia. Compositio plane barbara & ratione carens; quam ipsa, de qua dicitur, bilis turbaverit.

Pag. 4. In eodem est genere hoc: „*quae tibi, sive nomine expresso, sive personam nomen, que Philalethis cujusdam ac Critobuli mentito, de me narrare libuit.*” Deinde, quid illud *expresso* sibi vult? Quod cogitabat, sic rectius dicendum erat: *quae tibi sub nominibus fictis, & personis, sive veris sive simulatis, Philalethis & C. d. m. m. l.*

Pag. 5. „*maximus hic ausus videri possit.*” Non proba vox: *ausum, audacia*, requiritur.

Ibid. „*quod igitur Latine ad te scribam, minime hoc eo a me consilio fit, ac si — tecum hac in re contendere vellem.*” Temporum ac Modorum rationem ignorat: Latinum erat, vel, *quod —*

scribo — velim. Et quia hoc loco effectus cernitur, poni debebat, *ut*, pro *quod*; siquidem hoc effectum, illud causam significat.

Ibid. „neque in alio *forſan* terrarum loco.” *Forſan* poetis relinquendum, nec in proſa oratione uſurpandum.

Pag. 6. „Latine quam Belgice ad te ſcribere „malo, tum quod *ita tuo mihi exemplo prae- „iſti.*” Et Belgice dictum, & re falſum. Latine dicitur *alicui verba, aut verbis, praeire*: non item, *exemplo cui praeire*. Quod ſi vel maxime Latinum eſſet, tamen alium ſenſum haberet, ac vult Horrearius, hunc ſcilicet, *me idco Latine ſcripſiſſe, ut iſti exemplum, quod ſequeretur, darem*. Neque enim exemplum ei dare volui, aut omnino, ut Latine ſcriberet: minime vero, ut tam male ſcriberet.

Ibid. „in Bibliothecae tuae *prooemio*” non hoc eſt *prooemium*, ſed *Epistoſa*.

Pag. 8. „tuo tamen L. haud ingrata fuerit „narratio, mihi certe aliisque *inter lectores „jucundiſſima.*” Barbarismus. Quidni *lectoribus, legentium*? Sic & alibi peccat.

Pag. 9. „ſapientis eſt — illud ſtudium — pruden- „ter moderari, *ſinique graviore ſubmittere.*” Formulā ex illo philoſophiae ſcholaeſticae ſtudio, quod Horrearius proficitur.

Ibid. „ut ipſe in tuiſ *δευτέραις φροντίαι* poſt
„Pla-

„ Platonem *observas*.” Duo errores. Nec enim *post* Platonem, sed *secundum* Platonem, ipso auctore, hoc facio. Neque *observo*, sed *dico moneo, doceo*. Haec vulgo ab imperitis confunduntur.

Pag. 10. „ *hominem sui plenissimum*.” Quod, ut alia convicia, passim in me jacit, non laboro. Quod iste vult, hominem superbum & arrogantem, sibi unice placente, — se suaque mirantem, Latini non dicunt.

Ibid. „ honoris amor — *quomodo* — animum — in furem conjicere valeat.” Belgice in primis in *quomodo* ubi Latinitas vult *ut*.

Pag. 11. „ Nonne palam ipse fecisti, magno „ te irarum aestu — *incensum* & fere *extra te* „ *raptum*, animum ad scribendam illam epistolam appulisse ” Bella dictio Latina! quae Horreario insedit ex illo Pauli Apostoli 2 Cor. XII: 2 — 4, scribentis, *se sive in corpore, sive extra corpus, in tertium coelum abreptum fuisse*. Virgilianum illud, *irarum fluctuat aestu*, arripiens, à metaphora decidit: iratus enim *fluctuat aestu*, non *incenditur aestu*.

Ibid. Vim nominis *universus* ignorans cum larvis pugnat: quod supra vidimus, p. 29.

Ibid. „ *max iterum*: ” Immo, *max contra*.

Ibid. „ Cujus rei — exemplo fit, quod Kantium — ut universae scientia Philosophiae ex-

„ cellentem *proponas*.” Belgicismus , & ignorantia rationis Modorum, Indicativum postulantis : rectius fuerat, *laudas, celebras*.

Pag. 12. „ *producit* febrim quartanâ pejorem.” Verbum hac notione in scholastica philosophia tritum, ut sit *facere, creare*. Latinis dicitur *producere natos*, i. e. procreare natos: caeterum est, in *conspectum educere*, item *provehere, augere*.

Pag. 13. Compositio soloeca in his verbis: *Quo igitur nisi in primis & illud referatur*.

Ibid. „ *quo quisquam*.” Vitiosum, pro *quo quis*, vel *quo quisque*.

Ibid. „ *eo quoque se gerat modestius*.” ex Belgicismo additum.

Ibid. in nota. „ *hoc verbi causa finxit*.” Usurpatur in exemplo ponendo: cui hic nullus est locus.

Pag. 14. *subindicas*. Verbum nullius auctoritatis.

Pag. 15. „ Dum enim *ab una parte* tuam ad-
„ mirari debeo in scribendo elegantiam — *ab*
„ *altera parte* facere non possum quin caet.”
Merus est Belgicismus.

Pag. 16. „ cum quarum mulierum negotio ti-
„ bi Categoriarum negotium *honoris causa* com-
„ parare placuit.” Non intellexit, quid diceret.
Nec honoris, nec contumeliae, sed perspicui-
tatis causa, comparatio facta est.

Ibid.

Ibid. „*prolixè* recensere. Est haec dudum explosa nominis & adverbii significatio, qua vulgo à novitiis usurpatur pro eo, quod dicendum est *fuse, copiose, verbose*.

Ibid. deinceps. „si cuncta *prolixè* recensere, vellem, *quibus te turpiter dedisti.*” Scribendum erat, *quibuscum*, vel *cum quibus te turpiter dedisti*: certe praepositio addi debebat, v. c. *in quibus te turpiter dedisti*. Est haec singularis dictio Terentiana Eun. II, 1, 24: quam homo confudit cum frequenti, *alicui vitio se dare*; itaque Ablativum pro Dativo accepit.

Ibid. „*plurimorum*, quos in hac re commisisti errorum, *praecipua pars*, nuperrime, (initio nempe mensis proxime *praeterlapsi*) à quodam censore Belgico, harum literarum peritissimo, *sedulo* notata doctèque reprehensa *fuit.*” Vitiosa & sententiae adversans constructio, *plurimorum praecipua pars*: volebat, *errorum, quos plurimos in hac re commisisti, praecipua pars*. Tum elegans parenthesi, ornata insuper nomine *praeterlapsi*. Porro, *sedulo* minime censori honorificum; quippe magis voluntatem, quam facultatem, significans. Atque his duobus verbis inscite usus Horrearius, tamen invitus verum dixit: illum censorem in me censendo mensem perdidisse, & plus voluntatis quam facultatis attulisse. Denique postremum *fuit* vitiosum est

est in Temporum consequentia, quae postulat *est*.

Pag. 17. „ne *ab una parte* actum omnino age, „re videar, *ab altera* locum hunc prorsus in, „actum relinquam.” Rursus notatum supra Belgicum idiotismum reponit.

Pag. 18. ut mecum — vobis illud — objicere *cogerer*. Barbare. Satis erat *objicerem*.

Ibid. „statim jam *in initio*.” Substituit in Corrigendis *ab*; quamquam prius non prorsus malum: & deteriora illo multa silentio praetermittimus.

Pag. 19. „ut cum Cicerone loquar.” Frequens Horreario Belgicismus.

Ibid. „neque illud *protenus* ratum habemus.” Adverbium hoc de spatio & loco dicitur: de tempore numquam sic, ut causa & effectus significetur.

Ibid. „*Diversam constituent classem*.” Notavimus p. 86.

Pag. 20. „quid illi animo sibi proposuerint „Philosophi, quidque *praestare* fuerint *annisi*, „sed quid revera *praestiterint*.” Neutrum verbum hoc sensu probum: de priore vel Lexica docent, id non ita dici pro *efficere*: nec *annisi* usurpatur de opera in quaerendo vero posita.

Pag. 21. „Omnia quippe, hac in parte den- „sis

„ fiffimis ignorantiae tenebris fepulta atque obruta
 „ ta tenebantur; unde fieri nullo modo potuit,
 „ quin Philofophi — tamquam in *illuni nocte*,
 „ *sine lumine* errantes, faepe offenderent —.”
Illunis nox à Veteribus non nifi proprie dicitur:
 & in hoc loco ineptam tautologiam & gradationem
 praeposteram habet. Quando enim deniffiffimae
 sunt tenebrae, quibus omnia obruta & fepulta
 tenentur, fponfe intelligitur nihil effe Lunae
 nec luminis. Sed haec ad univerfae orationis
 pravitate pertinet.

Immo vero, inquit Philalethes, ifta funt haud
 paulo minora vitia, quae omni cernuntur in lin-
 gua: & memini me in parte adhuc à te tractata
 hujus libelli in plures tales locos inter legendum
 incidere, nunc à te praetermilfos.

Ego enim, inquam, nil nifi Latinitatem notabam;
 in qua vel una tantum eft fordium, ut me iftius
 operae taedeat; praefertim quum adhuc tantum
 quartam paginarum partem confecerimus, & reli-
 quae in eadem funt errorum proportionem & frequen-
 tia. Quare fi placet ad aliud genus tranfeamus,
 ut tandem toti huic Horrea-rearii argumento
 finem imponamus.

Tu vero, inquit, perge in hac orationis notatione,
 quae & nobis jucunda eft, & aliis grata erit;
 fi quidem hunc sermonem quoque editurus es.

De

De editione alias videbimus. Nunc, quando ita vultis, potius vestro, quam meo, sensui obsequar.

Ibid. „Omnia recensere infinitum *esset*.” Immo *fit*.

Pag. 25. „à viro, *quem proponere voluisti*, „plane abludis, illius Purae Rationis Criticam „*considerando velut* systema quoddam Metaphysicum, novamque appellando Metaphysicam, „in qua *igitur cuncta invenienda sint*.” Mere barbarismi, temere ex vernaculo sermone assumpti.

Pag. 27. „viro — tam *sui pleno*.” Supra notatum.

Ibid. „formas illas *considerandas esse ut* notiones mere intelligibiles.” Perpetuus hominis Belgicismus.

Pag. 28. „& neque illos, neque hos *etiam*.” Plane ex vernaculo sermone assumptum.

Ibid. „age, illa breviter lustramus, quae „ad reprehensionem doctrinae, male à te propositae, proferre ausus *sis*.” Modorum ratio postulat *es*. Aut, retinendo Coniunctivo, dicendum erat: *age, breviter videamus, quid — proferre ausus sis*.

Pag. 29. Quod scripsi „Kantius quidem, si *si*, „bi constaret & consentaneus esse veller, ne conari quidem eam debebat” iste referens ac ponens *ne vel conari eam debebat*, soloecismum admisit.

Pag.

Pag. 30. „ fines veros Kantio eosdem dici habere, et cum illis, quos nunc vulgo obiecti- vos appellant.” Sic vulgo loquuntur; quum dicendum sit, *atque illos*. In Poetis etiam fertur *idem alicui*, ex Graeco ὁ αὐτῷ τινι. At *idem cum aliquo* dupliciter vitiosum est; & quod *cum* additur, & quod Ablativus cum Dativo confunditur.

Ibid. „ *ne vel cogitasse censer* possit.” Frequens Horreario barbarismus: pro *ne quidem*.

Ibid. „ *De his quippe nulla esse potest* aut *cogitatio*, aut *quaestio*.” Ex hodierna consuetudine assumptum est.

Ibid. „ hoc vocabulum *conceptum* subjectivi- tatis, quam vocas, aperte *involvit*.” Barbarismus in philosophorum sermone vulgari trequens, pro *notionem continet*, *vim habet*. Item tritum illis est, *hoc contradictionem involvit*. Nam *subjectivitatis* nomen, ut illorum, non ut nostrum, posuimus.

Pag. 31. „ ab intellectus categoriis — placet, *ne dependentem*.” A vulgari usu venit: metaphorica significatione poetis relinquendum.

Pag. 33. „ id quod vel pueris haec Philosophiae studia *vix* adeuntibus, ut ita dicam, in limine jam sit cognitum.” Latinum est *vix dum*, pro, *modo*, *recens*, *recentissime*, *nuper*, *nuperime*. *Vix* simpliciter positum est aegre, cum la-

labore. Si tempori accommodatur, addendum
dum, tandem, cum.

Ibid. „centies centiesque.” Belgicismus. Latini, quum indefinitam multitudinem certo numero significant, usurpant fere, *sexcenties, millies.*

Pag. 34. Quod dixi de priore Metaphysica, eam non improbandam esse, quamvis *pleræque ejus partes firmitate atque evidentia scientiae careant*: multum exagitat, non intelligens vim nominis *scientiae*, summam evidentiam ac firmitatem, quam mathematicam evidentiam vulgo dicunt, continere.

Pag. 35. „Cave tamen putes me eum esse, „qui aut te — à vetere vestra Metaphysica „avellere *cuperet.*” Ignorantia Consecutionis Temporum & Personarum, quae requirit *cupiam.*

Pag. 36. Non intellexit vim ipsius verbi *intelligere* à me positi, qua dicitur, *aliquid intelligi non posse*, pro *cogitari non posse, repugnare.*

„*Vel an* & hoc tibi absurdum esse sibi-
que „ipsum repugnare videtur.” Pulcra Latinitas!
& ex mero Belgicismo assumpta.

Ibid. „super quos *iterum* positae sint duae cellae.” Rem ex meo libello reposuit: de suo Belgicismum addidit.

Ibid. „argumento est, te *ne vel* prima
„rei, quam impugnas, elementa cognita habe-
„re.”

„ re.” Debat scribere *ne quidem*. Maluit illud *vel* saepe ludit bonum Horrearium.

— Pag. 38. „ difficile est *satiram* non scribere.” Immo *satiram*; hoc enim illud Carminis genus est, in quo Latini, Lucilius, Horatius, Persius, Juvenalis, inclaruerunt. At *satyra* nihili est: ortum nomen per imperitiam librariorum, de satyrico dramate cogitantium.

Ibid. „ Sed ejus blanditiis atque illecebris „ meam: equidem impediri nolo disputandi se- „ veritatem.” Cujusnam blanditiis? Satirae, an ignorantiae & impudentiae, quas proxime in me, ut solet, coniecerat? Satirae, credo. Hoc primum obscure & inepte dictum; & dubium utrum Horrearius, an alius, *satiram* scriberet: utrum *satira* Horreario, an Horrearius per *satiram* aliis, blandiens significetur. Deinde in has turbas bonum hominem induxerunt ipsae quoque illecebrae loci Ciceroniani De Fin. III, 1: *Quare illam quidem (voluptatem) dimittamus, & suis se finibus tenere jubeamus, ne blanditiis ejus illecebrisque impediatur disputandi severitas.* Hunc locum è Lexico nactus, facere non poterat, quin eum, quamvis absurde, suo centoni assueret.

Ibid. „ hoc male *reprehendis*, istas Kantii Categoriae non justum habere ortum.” At ego non *reprehendi*, sed *argui, obiecti, dixi, statui.*

Horrearius, quamvis nil non reprehendens, tamen verbi vim ignorat.

Pag. 39. „quid Kantius per categorias intelligat.” Vulgaris barbarismus: pro, *quas K. categorias intelligat: quid categorias esse velit: quam iis vim tribuat: qualem earum naturam informet: quid earum nomine significet: & quidvis aliud potius dicendum.* Usus hic verbi *intelligere* apparet in multis locis Veterum, maxime Ciceronis, v. c. Paradox. VI, 1: *Quem enim intelligimus divitem? aut hoc verbum in quo homine ponimus.*

Ibid. „ut enim tua hic tibi verba reddam.” Saepe ita scribit, quamvis barbare: tali, quem vult, sensu, dicendum *reponam, referam.*

Pag. 41. „ut appareat, quanto jure — vapulaveris.” Tractum ex patrio sermone: Latinum est, *quam jussu, summo jure.*

Ibid. „Dictis equidem multo plura addere possim, sed — nolo.” Vitium in ratione Temporum, quae postulat *possim.*

Ibid. *hominem tam sui plenum.* Hunc barbarismum plane in deliciis habet.

Pag. 42. „primam meorum Philosophiae Kantianae elementorum partem *Belgice* in lucem exire jussi.” Quid sibi velit hoc *Belgice exire*, nemo intelligat, nisi fortasse Horrearius, qui omnia intelligere se fatetur. Putet quis, proprium

prium quemdam Belgis : habitum incessumque exeundi, dici. Tum *jussi*, imperium redolet, non Latinitatem. Dixisset rectius, *Belgice scripta edidi, in lucem exierunt.*

Pag. 43. Rursus ponit „ homini tam *sui ple-*
„ *no.*” Ut ipse hoc barbarismo plenus videatur.

Ibid. „ Quis quaeso est, qui tibi, *persuase-*
„ *rit.*” Dic, sodes, rectius, *persuasit.*

Ibid. „ cum Comico vix facere possum, quin
„ *exclamem, ô Jupiter — caet.*” Frequens Horreario dictio ex vulgari usu suscepta, in auctoris antiqui sententia usurpanda, apponenda, citanda, sibi accommodanda; veluti supra p. 19:
„ non enim, *ut cum Cicerone loquar*, aucto-
„ ritatis, sed rationis momenta quaerimus.” Est quidem hoc in Ciceronis ratione, *cum aliquo aliquid admirari* v. c. Senect. 2. & simili Tusc. I, 17: *errare me hercule malo cum Platone, quam cum istis vera sentire*: sed citandi formula ac frequentia hodiernae est sordis.

Ibid. Ostendere volens Kantianae Philosophiae studium adhuc in Germania vigere, sibi non intellecta Ciceronis verba apponit De Nat. Deor. I, 5. „ vide, nos non desertarum relictarumque
„ rerum patrocinium suscipere: neque hominum
„ interitu sententias quoque occidere.” Hoc ipsi adversum esse, poterat intelligere, si proxima legisset — *haec philosophia usque ad no-*
G 2 *stram*

stram viguit aetatem: quam nunc propemodum orbam esse in ipsa Graecia intelligo. Sententia occidere dicitur, quasi vera esse desinat, ut homo mortuus vivere desit: quod verae sententiae accidere nequit. Kantianam autem rationem nunc apud Germanos, ut Academicam tunc apud Graecos, propemodum orbam esse, Horrearius negat.

Pag. 44. „*recentiorem Philosophiam.*” Dixit contra Latinitatis rationem, pro Kantiana. Nam secundum Latinitatis rationem recentior aetas dicitur, quae à media & antiqua distinguitur.

P. 45. „*quae editurum promissisti scripta perficias.*” Immo; *quae te editurum promissisti.*

Ibid. „*Forſan.*” In prosa oratione vitandum.

Pag. 46: „*Ipsae illae, quas profiteris, litterae, hanc à te animi moderationem exigere, quasi atque efflagitare videntur.*” Error ex ignorantia verborum profectus. Utrumque significat, quod ille certe noluit, rem jam effectam esse: estque haec vis praepositionis *ex*. Dixisset, quod cogitabat, *postulare atque flagitare.*

Ibid. „*iterumque te plorare jubeant.*” Prævus est amor, quo in delicias sibi adscivit hoc iterum: cui hic locus non est, non praecedente semel, aut primum.

P. 47: „*duplex oritur vitiorum genus, quod*

„ quod in scriptis tuis *regnare* video ”. Lepidum regnum; sed ineptum in Latina prosa. Dicendum erat, *quo scripta tua laborare, affecta esse*: & alio quocumque modo potius, quam isto.

P. 48. De metro judicat, ut puer scholasticus ludimagistri dicta venerans. Quod legitur p. 50, *At non ingenio nomen quaesitum ab aevo Excidet*: metri violationem clamat. Nonne in eodem genere est ejusdem Propertii II, 23, 101: *Haec eadem ante illam impune & Lesbia fecit*: elisio negligitur: ut in Enniano Annal. X, p. 91: *Insignita fere tum millia militum octo*: ubi videatur nota Vossii Aristarch. II, 14. & Profodia p. 131. Alia Schraderus corrigere tentat, Emend. p. 136 seq.

P. 49: „ *id quod* cum rari & rarissimi res, „ exempli sit, tibi *refugium* praestare nequit ”. Mere sordes dictionis. Est alibi suus locus formulae *id quod*: non hic, sequente *cum*: dicendum erat *idque*, vel simpliciter *quod*. Deinde *refugium*, quoniam? utrum in tutrim, an in asylum? sunt enim refugia loci, quo confugimus.

Ibid. loco gratiae amico cuidam tuo habendae, haec — adjiciebas. Constructio soloeca & barbara.

Ibid. „ In vita Ruhnkenii & quidem in Scholits ”. Quo illud & quidem? barbariae est consuetudinis. Latine usurpatur in *deiwos*, quum

stram viguit aetatem: quam nunc propemodum orbam esse in ipsa Graecia intelligo. Sententia occidere dicitur, quasi vera esse definat, ut homo mortuus vivere desit: quod verae sententiae accidere nequit. Kantianam autem rationem nunc apud Germanos, ut Academicam tunc apud Graecos, propemodum orbam esse, Horrearius negat.

Pag. 44. „*recentiorem Philosophiam.*” Dixit contra Latinitatis rationem, pro Kantiana. Nam secundum Latinitatis rationem recentior aetas dicitur, quae à media & antiqua distinguitur.

P. 45. „*quae editurum promissisti scripta perficias.*” Immo; *quae te editurum promissisti.*

Ibid. „*Forſan.*” In prosa oratione vitandum.

Pag. 46: „*Ipsae illae, quas profiteris, li-
terae hanc à te animi moderationem exigere
quasi atque efflagitare videntur.*” Error ex ignorantia verborum profectus. Utrumque significat, quod ille certe noluit, rem jam effectam esse: estque haec vis praepositionis *ex*. Dixisset, quod cogitabat, *postulare atque flagitare.*

Ibid. „*iterumque te plorare jubeant.*” Præ-
vius est amor, quo in delicias sibi adscivit hoc
iterum: cui hic locus non est, non praecedente
semel, aut *primum*.

P. 47: „*duplex oritur vitiorum genus,
quod*

„ quod in scriptis tuis *regnare* video ”. Lepidum regnum; sed ineptum in Latina prosa. Descendum erat; *quo scripta tua laborare, affecta esse*: & alio quocumque modo potius, quam isto.

P. 48. De metro judicat, ut puer scholasticus ludimagistri dicta venerans. Quod legitur p. 50, *At non ingenio nomen quaesitum ab aevo Excidet*: metri violationem clamat. Nonne in eodem genere est ejusdem Propertii II, 23, 101: *Haec eadem ante illam impune & Lesbia fecit*: elisio negligitur: ut in Enniano Annal. X, p. 91: *Insignita fere tum millia militum octo*: ubi videatur nota Vossii Aristarch. II, 14. & Prosodia p. 131. Alia Schraderus corrigere tentat, Emend. p. 136 seq.

P. 49: „ *id quod* cum rari & rarissimi res, „ exempli sit, tibi *refugium* praestare nequit ”. Mere sordes dictionis. Est alibi suus locus formulae *id quod*: non hic, sequente *cum*: dicendum erat *idque*, vel simpliciter *quod*. Deinde *refugium*, quoniam? utrum in currim, an in asylum? sunt enim refugia loci, quo confugimus.

Ibid. loco gratiae amico cuidam tuo habendae, haec — adiciebas. Constructio soloeca & barbara.

Ibid. „ In vita Ruhnkenii & quidem in Scholhis ”. Quo illud & quidem? barbarae est consuetudinis. Latine usurpatur in *deinwosi*, quum

gravitatem aut addere rei, aut augere volumus. An vero gravius erat hoc in Scholiis, quam in ipso libro poni? Sic memini me nonnullos audire, qui locos sacrorum librorum citarent, v. c. *capite secundo, & quidem versu tertio*. Quod an recte fiat vulgaribus in linguis, non judico: Latinae quidem, aut Graecae, rationis esse nego.

P. 50. „neque enim properare me atque *ave-re* diffiteor”. Huic parenthesi nec sententia nec oratio constat. Fortasse properatio scribentis mentem turbaverit.

P. 50: „Illam tui partem libelli *intelligo*, „in qua de me — nonnulla in chartas con-jecisti”. Merus, ut ubique, Belgicismus: scribendum erat *dico, significo, volo*. Neque enim intellexit, vel hanc, vel alium quamvis, mei libelli partem.

Ibid. „Quod vero continuo addis, anno hoc „factum esse primo, postquam cathedram apud „Remonstrantes *conscenderas*, *mendacium* illud „est”. Ignosco homini urbanitatem nominis *mendacii*: grammaticam saltem verborum proprietatem quaero: *errorem* debebat dicere, si modo tertius, nec primus annus fuit, de quo nunc non contendo; certe leve est, nec ad causam pertinet. Tum, *conscendere cathedram*? quasi illa cathedra fuisset equus, aut navis, aut hujusmodi quid. Concionalis Belgicismus.

P. 52:

Pag. 52: „ me — Kantii praecepta — *magis* „ *ulteriusque* divulgasse”. Longa periodus duorum & viginti versuum, plane Kantiana, & parenthesibus constipata: in qua, ut omnia, sic postrema in primis ad verbum Belgica sunt.

Ibid. „ *Amicos possidentem*.” Belgicismus: possidemus res, non personas; nisi si plane nostro dominio subjectae sint.

Pag. 53: „ Quae si forte vera sit suspicio, *eccur* ista amicorum verba non *plene* dedisti”. Hoc quomodo cum antecedenti cohaereat, prava compositio obscuravit. Tum, quid illud est *eccur*? inauditum vocabulum & novum. Porro nec *plene* hoc sensu probum est: qui desiderat, *tota*, *omnia*, aut simile quid.

Ibid. „ Quae de me scripsisti falsa, duplicis „ sunt generis. Alia *nimirum* sunt ejusmodi, ut „ non adeo famae nocere videantur, sed *ad ea* „ *potius referenda*, quae Graecis ἀδιάφορα δι- „ *cuntur*: alia vero turpitudinis infamiaeque no- „ *tam mihi* inurunt: *bonaque* adeo *exiſtimatio-* „ *ne*, qua nihil homini carius esse debet, om- „ *nino me spoliant*”. Hic rursus inciticia Latinitatis homini obfuit. Primo, quorsum illud *nimirum*? rectius & elegantius omisisset. Deinde, ridicula est illa circumlocutio *rerum indifferentium*, quas Cicero Fin. III, 16, primum hoc nomine Latino appellans, Graecum nomen, perspi-

cuitatis causa addidit: nunc non amplius opus est; nisi si quis perperam Graecae doctrinae speciem affectet: quod iste nunc fecit loco Ciceronis sibi, purpurei panni instar, assuendo: veluti si quis dicat, *nunc sol lucet, quem Graeci ἥλιον vocant*. Tum vero haudquaquam turpitudine & infamia eum notavi, sed *stultitia* & *delirio*: quibus si quis liberetur, nil impedit quominus bona existimatione fruatur. Denique, quod dicit *me spoliant*, plus fatetur, quam ipse fateri voluit. Neque enim eum bona existimatione, tamquam veste, exui: hoc enim est *spoliare*: sed admonui, ut amissam maledicentia existimationem, bene dicendo & pace colenda recuperaret.

Ibid. „Wynperssuum fenem, *coelitis* jam „*adscriptum*.” Est haec κακοζήλια, id est, inepta ornatu affectatio: & ubi, pro simplici *mori*, aliquid gravius grandiusque quaeritur, multa se offerunt nomina: in his etiam *coelum*, *coelestes*, *coelites*. Hoc autem loco praestabat Horatianam auctoris ipsius nomine dictionem apponere, *adscriptum quietis ordinibus deorum*, vel *coelitem*, quam effictam hinc dictionem, ut *prosam*, usurpare.

Pag. 54. „Horreum meum criticum exta- „buisse, legentiumque numerum *identidem* fuisse minutum”. Mea verba referens addit, *identidem*: quod in iis nec est, nec locum habet: deinde

ὕστερον πρότερον, ordinem turbat. Nam quia numerus legentium minuebatur, ideo Horreum extabescebat: & sic scripseram.

Ibid. „Wynperssium — *aeque minus* ac Muntinghium in scenam produxi.” Frequens barbarismus: quem in Corrigendis mutavit in rectius, *non magis*: admonitus scilicet ab homine, quem ego sic saepe peccantem saepe admonui.

Pag. 56. „Scholarum igitur Graecarum *ratione* tuus nec auditor unquam fui, nec discipulus”. Est item ex vulgari usu: poterat prorsus omitti: aut scribi, *in Gr. scholis*: aut, *quod attinet ad*: *quod ad*.

Ibid. „fui — Valckenarii — quod vir incomparabilis sua ipse manu testatus est, discipulus *non omnino improbabilis*.” Periodus, ut pleraeque, contorta & ambigua. Si ergo id dicit, quod videtur dicere, Valckenarium sibi scriptum testimonium, in eoque nomen *discipuli non omnino improbabilis* tribuisse; & si hoc ipse sibi laudi ducit, profecto Latina verba non intelligit. Quid enim est *probabilis*? nimirum *mediocris*, aut paulo plus. Ergo *improbabilis*, contrarium illius: *non improbabilis*, igitur est mediocritati propinquus, sive paulo supra, sive infra eam. Videat jam, quantum sibi laudis relinquatur.

Pag. 57. „utriusque orationis meae Latinitas

„ tem a scriptore cujusdam ephemeridis Belgicae
 „ fuisse reprehensam, meque per hunc hominem
 „ (ah me miserum! *prope* enim absuit *quin*
 „ crura dorsumque in isthoc casu fregerim!) ab
 „ hoc gradu dejectum, postea ad Belgice scri-
 „ bendum me recepisse”. Mitto facetiam ele-
 ganti parenthesi inclusam, é forensi scurrarum
 taberna sumtam. Latinitatem quaero, quae
quin neganti particulae, non agenti, subjicit: ve-
 luti, rectum erat, *non multum aberat quin, pa-*
rum aberat quin: nam adverbium *parum* valet
non satis: at *prope* est ajens, & requirit sequens
ut: v. c. *prope absuit, ut crura fregerim*. Mirum
 sane est acumen philosophi, qui negantem con-
 structionem ab agente distinguere nequeat.

Pag. 58. „ dialogus — à me conscriptus,
 „ meoque horreo *insertus*”. Item nomen hoc
 sensu tritum in imperitorum consuetudine: pro
additus horreo; aut *editus in horreo*.

Ibid: „ ne scilicet Lyndenum *in angustias*
 „ *adducat*.” Et hoc hominis est Latine dicere
 nescientis, quod Belgice cogitat. Vulgo dicunt
compromittere aliquem cum aliquo: quod cogitans
 ille & Latine dicere volens à proprietate & usu
 Latinitatis aberravit. Dicendum, *aliquem suis*
cum alio litibus implicare, cum alio in contro-
versiam conjicere: item, si forte, *aliquem cum*
alio collidere, committere: & aliis etiam modis:
 qui,

qui, ut omnis in scribendo verborum delectus; ad usum, rationem, argumentum, accommodandus est.

Pag. 59: „ut *nihil non comminisci vereatur*, quo me exagitare injuriisque *provocare possit*.” Homo dialectici acuminis se negandi particulis ita impedivit, ut contrarium ejus diceret, quod volebat dicere, *me non veritum esse omnia comminisci*. Hanc autem negantem figuram si quaerebat, non iterare & sic scribere debebat, ut non *vereatur nihil non comminisci*; nam *nihil non* Latinis est *omnia*. Nunc igitur dicit *me veritum esse quidquam comminisci*. Ponit *vereatur* pro *audeat*: quae eadem esse putat. Tum, *provocare* est alienum ab argumento: volebat *vexare, insectari*: nec *provocavi* eum: nec eo consilio eum reprehendi, ut eum laceggerem, & ad respondendum provocarem. Denique, illud *possit*, & omnino frequens usus verbi *posse*, ut alibi, sic hoc loco, *provocare possit*, pro *provocet*, est hominum non Latinorum, sed semilatorum.

Ibid: „quod me valde *urit*, iustaque animi indignatione complet”. Totum Belgice dictum: sed *urit* etiam maledicum in ipsum. Adeo in naturam Horeario astitit consuetudo, ut sibi ipse maledicatur. *Urere* metaphorice dicitur *amor, invidia*, aut alius quis malus animi affect-

fectus. Amori hic non est locus: ergo invidiae, aut alii pravo animi vel motui vel morbo, quo se incensum Horearius ingenue fatetur.

Ibid. „ quod perhibere ausis, me senem „ nostrum Meerschium *dulci* demulsiſſe *obſequio*. ” Rurſus ignorantiam Latini ſermonis prodit, per quam aliquot deinceps paginas indignatur ac debacchatur, quod ſe *adulationis* inſimulaverim: quae tragoediae ex parum intellecto nomine *obſequii* ortae ſunt, quod ille perperam putat idem eſſe atque *adulationem*: poteſt enim illud cum hac eſſe conjunctum, poteſt etiam abeſſe. Deinde *dulci* ego non ſcripſi: ipſe de ſuo addidit.

Tum Philalethes ridens, Hoc vero, inquit, feſtivum eſt, quod, quam nemo ei tribuit, ipſe ſibi dulcedinem aſſumit; qui libere loquentis, & oris duri ad mordendum paratū ſpeciem conſectetur, & *obſequium tam magnum eſſe ſlagitium* clamet quam *homicidam eſſe, patriam auro vendiſſe, virgines ſupraſſe, fana depeculāri, aut aliud quodpiam facinus horrendum patraſſe*. Eo igitur magis cum *obſequii*, quamvis mediū, nec in malam partem à me adhibitū nomen pupugit. Nam Meerschio homini tolerantiam, quam dicunt, indulgentiam erga diſſentientes in religione divina, ſic facitanti ut erga intolerantes ipſe intolerans eſſet, ultro eum commendabat cauſa

Bon-

Bonnetiana. Accedebat vanitas Horrearii & *gloriola* nominis *sacerdotalis* cum nomine *professorio* commutandi: quo adhuc gloriatur, quamvis simulans se cathedras omnes contemnere.

Pag. 60. „Sed *ecquis* iste est, qui *narraverit?*” Ignoravit rationem Interrogationis ac Temporum, quae desiderat, *Sed quis iste est, qui narravit?*

Pag. 61. „agrestes — ut quidquid pinguium „est literarum in *culina* potius, quam in scholis, „didicisse viderentur.” Judicii lapsus. Quid agrestibus cum *culina*: quae est urbis & luxuriei. Dixisset potius, *inter aratores & pastores*, aut simile.

Pag. 61. „si veritatis *ingenuitatisque* minus „amans — essem.” Vim nominis non intellexit, quae posita est in probitate morum cum vercundia liberali & modesto veri dicendi studio conjuncta.

Mirum, inquit Critobulus, ut homo febricitet: qui quum toto in libello impudentiae & maledicentiae indulgeat, se *ingenuitatis* studiosum profiteatur. Est haec absoluta sui ignorantia, aut Latinitatis inscitia.

Pag. 62. „*falsitas* alienat ab iis, in quibus *habitat*, aliorum animos, omniumque sibi bonorum odia merito *conflat*.” Nemo Latine vel medicriter doctus hoc dixerit. Nam *odium* v. c.
aut

aut *invidiam*, alteri *conflare* dicitur, non *sibi ipsi*; significat enim studium & operam, & hoc sibi propositum agere: rectius est, *contrahere sibi odium*, *incidere in odium*. Nemo enim, qui committit, quo eum alii odio habeant, *sibi conflatur odium*: non illud agit, vult, spectat, ut odio habeatur: sed imprudens in odium incidit, contrahit odium. *Falsitas* autem hoc sensu non est Latinum, & perperam in Lexicis fertur ex vitioso loco Ciceronis Or. Pro Cluentio, 21. *Habitat* autem animus in aliqua virtute aut pravitate: non haec in illo: veluti apud Ciceronem, *habitans in his curis animus*.

Pag. 63. „eum quasi maleficum aliquod & „noxium animal refugiat — *concursumque* ejus „sibi dirum, tetrum, ominosumque putet.” Hoc aliunde descripsisse videtur: & Latinitatem migravit in nomine *concursum*, pro quo *occursum* ponere eum oportebat.

Ibid. „ea quae scripsisti — ex sinceri animi sententia *profluxerint*.” Hoc quidem sensu Belgicismus est.

Ibid. „Quam *assertionem* rationibus *spectatu* *haud indignis* confirmant.” Ex scholastica sorde susceptum nomen *assertio*: quod Ciceroni inrulerunt indocti librarii pro *assensione*, ut dudum notarunt doctissimi editores. Et apud Arnobium, apud quem solum occurrit, significat
de-

demonstrationem. At neutra significatio huic loco apta est. Deinde *spectatu dignum*, ineprum & alienum ab hoc loco. Rectius erat: *quod iudicium*, (aut simpliciter, *quod*) *rationibus haud contemnendis affirmant.*

Pag. 63. „in qua clarissima fulgent lumina „*stellaeque splendent primae magnitudinis.*” Bella rhetorica, nec tamen Latina: ad verbum è Belgico sermone vertit.

Ibid. „*verborum his jactationem excutiant.*” Aut sensum non habet, aut contrarium ejus quem vult: *Veteranos Kantianis verborum jactationem excutere.* Sed in Lexico videns locum Ciceronis Or. Pro Sulla, 8: *qui si attulerint nervos & industriam, mihi crede, excutient tibi istam verborum jactationem:* cupide arripuit, non intelligens, eum contra se valere.

Pag. 65. „operam tibi suam, si forte desides „res, *pro virili* praestabunt.” Bis peccat: primum, quod Latinitas postulat *pro virili parte*: deinde, quod significatio hujus formulae abhorret à sensu praesentis loci: hic enim de duobus hominibus est: illa vero non nisi in multis usurpatur: veluti, si toti civitati bene fit, etiam cuique civi pro sua parte, qua civis est, pariter bene fit: &, si salus civitatis tuenda est, hujus officii in singulos cives certa pars, quae *virilis pars* dicitur, cadit. Convenit cum Graeco *κατὰ μέρος*. Pag.

Pag. 66. „ ut, hac etiam in re, feré *cum Agamemnone* apud Euripidem dicam: caet.” Affectatio granditatis in apponenda sententia auctoris: quid enim Horreario cum rege Agamemnone? De usu isto praepositionis *cum* minus Latino, supra diximus. Stilus concionalis.

Pag. 67. „quo cum — confabulatus fui.” Immo *sum*, quod Temporum ratio postulat. Vulgaris est in his confundendis error.

Ibid. „*apertis verbis.*” Rectius, *perspicuis, disertis.*

Ibid. „significaverim — tantum me mihi non sumere, tantum *quoque* eruditionis, doctrinae, ingenii, acuminis haudquaquam *possidere.*” Mirus *possidendi* amator! Et nescit usum particularum agentium & negantium, qui *nec tantum*, omisso *haudquaquam*, pro *tantum quoque*, ponere debebat. Tum inficeta ironia hominis omnibus insultantis, & supra omnes sapere se putantis.

Ibid. „locum suum *coram* τοῖς ἕξω dignissime tueatur.” Nescit, non nisi de praesentibus valere *coram*. Deinde ineptum est Graeca ponere ubi Latina adsunt. Sed formula οἱ ἕξω ei infidebat è scholastica institutione, qua in Novo Testamento dicuntur hi, quos vulgo vocant *infideles, gentiles*. His ergo se probari vult? Quin diceret, *exterorum* iudicio.

Pagi

Pag. 68. „Tantum profecto abest ut in Aca-
„ demias me non acciri aegre *tulissem*.” Im-
mo Latinitas vult *tulerim*.

Ibid. „si ejusmodi quid oblatum umquam fuis-
„ set, nulla id ratione accepissem.” Imprudens
dicit, quod non vult: *se oblatum munus accep-
turum quidem fuisse, sed sine ratione*. Vole-
bat, certe debebat, dicere — *fuiisset* — *nulla mi-
hi ratione persuaderi potuisset, ut acciperem*.

Ibid. Quod *auditorem* eundem quem *discipu-
lum* à veteribus dici contendit, plane ignorat
rationem synonymorum. Omnes discipuli sunt
auditores: non item contra, auditores omnes di-
scipuli. Discrimen cernitur non solum in scho-
lis, sed etiam in orationibus. Auditorum tam-
quam generis duae sunt formae: altera eorum,
qui discunt, & proprie dicuntur *discipuli*: altera
eorum, qui non discunt, nec proprio, sed com-
muni generis nomine *auditores* appellantur. Et
is, qui discit, item subinde auditor dicitur no-
mine generis. Neque idcirco illae formae &
nomina non distinguenda sunt. Veluti homines
sunt vel viri vel foeminae, & hae formae ut in-
vicem, sic à genere distinguuntur. Itaque rec-
te dici potest, *non vir, sed homo fuit*: & Cice-
ro utrumque saepe de uno eodemque homine
dixit: quod notavimus Bibl. Crit. P. VIII, 80.
& XII, 63.

H

„ Vel

P. 69. „ *Vel an alios reprehendere, praeter te*
 „ *ipsum nemini licere putas.* ” Frequens Hor-
 reario usus, Belgice bellus, Latine barbarus.
 Rectius dixisset, *An vero?*

Ibid. *Subindicas.* Verbi barbarismum supra
 notavimus.

Pag. 71. Mea reponit verba ex Bibl. Crit.
 P. IV, p. 45: „ postquam dixeras: *minimam*
 „ *sive in laudando sive in reprehendendo, negli-*
 „ *gentiam, quam in aliis forte hominibus igno-*
 „ *scendam, minime tamen ferendam in iis esse,*
 „ *qui se de libris ad eruditam civitatem rela-*
 „ *tuos professi sunt, ita pergis: Nos hunc scru-*
 „ *pulum caet.* ” Uno in verbo *sunt* duplicem
 admisit soloecismum. Ego scripseram construc-
 tione absoluta: *est haec negligentia ignoscenda*
in aliis hominibus, sed negligentia tamen, ne-
que ferenda in iis, qui se de libris ad erudi-
tam civitatem relatuos professi sint. Jam sic La-
 tinitas requirebat Conjunctivum: quem multo
 etiam magis requirit in constructione suspensa
 ab Infinitivo, in quam hic meam dictionem ver-
 tit.

Ibid. „ Proba igitur, vel minimam eorum,
 „ quae de me narraſti, partem veritati esse con-
 „ sentaneam, & ne nunc alia *requiram* — pro-
 „ fer exempla, quibus pateat me maledictis te
 „ in horreo meo *lacerasse*, patientiae tuae insul-

„tavisſe, *diſteria* in te *evomuiſſe*.” Primum dicit contrarium ſibi ipſe, qui p. 51, falſus erat me quaedam de ſe vera narraſſe. Caetera non dixi, ſed ipſe quaſi à me dicta comminiſcitur; *patientiae eum meae inſultaſſe*, pervertit verba Philalethis; univerſe *noſtrae patientiae*, eos dicentis, quibus maledixit, omnes, atque etiam lectores, patienter ferentes. Atque ego non niſi obiter tango quae falſo dixit; ſed Latinitatis vitia noto. Et hoc loco *requiram* Belgicismo dicit pro *quaeram*, *poſtulem*. Tum vim *lacerandi* ignoravit; nec enim *laceravit me*: quod de eo dicitur, qui effecit, & habet lacerandi facultatem & auctoritatem: quam ille nullam habet: pro *lacerasſe* debebat ſcribere *lacerare conatum eſſe*, aut *laceſſiſſe*: quod per ignorantiam cum *lacerasſe* ipſe confuſiſſe videtur. Denique *diſteria evomere* plane incongruens eſt: *diſteria* ſunt acute dicta, ſales, facetiae, nec *evomuntur*, ſed *jaciuntur*, *figuntur*, *emittuntur*, *adſperguntur*. Et vero *evomere* & ipſum in vitio ponitur, & in rebus vitioſis dicitur: veluti *evomere maledicta*, *convicia*, *virus*, *fel*, *fordes*, *faeces*. Ergo *evomere diſteria* tam abſurde dicitur, quam dicatur *evomere egregia dicta*.

Ridiculum prorfus, inquit Critobulus: huc accedit, quod homo ſe ipſe imprudens aperit, atque oſtendit ſuos ſales non niſi maledicta &

fordes esse, quas evomat. Sed quaeso caetera.

Pag. 72. „reprehensio — nimiam laudem *secum conjunctam* haberet.” Quid *secum conjunctam*: verborum moles inanum.

Ibid. „fidem *expresse* datam violasti.” Cogitavit verbum Belgicum. At Latinum hoc sensu metaphorice dicitur de *exemplis* accurate reditis. Dicendum erat *diserte, plane*.

Pag. 73. „Bella profecto esset ironia, si joca-
 „remur: cum vero asseveramus, vide quam vi-
 „lis sit quamque odiosa.” Quum nullus hic sit
 locus ironiae, mirabar unde ista homini acci-
 disse: nunc video eum ex Cicerone haec de-
 scripsisse in Bruto 85: *Bella ironia, si joca-*
remur: sin asseveramus, vide ne religio nobis tam
adhibenda sit, quam si testimonium dicamus.
 Hoccine est Latine scribere? Veterum dicta sur-
 ripere, alieno loco inculcare, & si quid ipsi
 addimus, deteriora facere. Veluti hic, & com-
 positio inficeta est: & nomina *vilis, odiosus*,
 hoc usu sensuque è Belgicismo venerunt: &
 passim ita loquitur Horrearius, perperam qui-
 dem. *Vile* dicitur, quod nullo in pretio est;
 contemptum, abjectum, sordidum: *odiosum* autem
 est odio dignum, quod nos ad sui odium indu-
 cit, movet, minime vile & contemnendum.
 Sunt fere disjuncta, quae conjungi nequeant.

Ibid.

Ibid. „ *bonoque mihi exemplo praeire debuisse,* „ *ses.*” Supra notatus, & frequens homini, Belgicismus.

Pag. 74. „ te — ad illum magnitudinis venustatisque sensum hucusque nondum *adscendisse*, quo literati, nisi qui *simul boni sint animoque puri*, incensos se inflammatosque sentire plane non possunt.” In hanc sententiam disse-rui in Oratione quadam, & in Vita Ruhnkenii, unde spoliavit, sed inficete contexuit Horrearius. Primum *adscendere* ineptum est, nisi adsit *altitudinis* aut *sublimitatis* nomen: potius convenit huic notioni *attollere se*, *erigi*; quod magis etiam in Graecis sentitur, in quibus ridiculum sit dicere ἀναβαίνειν πρὸς ὕψος διαβολάς: in quo ponenda sunt διαίπεσθαι, ἐξαίπεσθαι, & similia. Tum caetera claudicant: dixisset *nisi qui animis boni & à vitiorum contagione puri sint*. Denique ultimum prorsus est absurdum, *incensos se inflammatosque sentire plane non possunt*; quasi vero isti pravi & impuri literati incenderentur quidem & inflammarentur illo magnitudinis sensu, nec tamen sentirent se incendi & inflammari.

Pag. 75. „ *quid referam* hic quae ante à te „ *facta sunt?* *vereor* enim ne Lectoris patientia „ *abuti viderer.*” Atqui Temporum ratio desiderat *videar*.

Pag. 76. „ Sed non est profecto cur è prae-
 „ terito tempore argumenta conquiram, cum
 „ praefens eorum abunde *offert*, illataque mihi
 „ à te injuria satis superque *docet*.” Modorum
 ratio, & vis particulæ causalis *cum*, & ipsa
 constructio, requirunt Conjunctivos *offerat*, *do-*
ceat.

Pag. 77. „ ultionem meditatus *vilissimam*.”
 Modo notavimus.

Ibid. hominem — reddunt *sui plenum*. Pas-
 sim occurrit proprius homini barbarismus.

Ibid. „ *Vel an* exiguo potius illorum nume-
 „ ro te eximemus, qui literarum vim — recte
 „ *perceperint*?” Rursus apponit nobis dilectum
 suum Belgicismum *Vel an*. Tum in Modorum
 ratione habetur, pro Indicativo dans Conjuncti-
 vum.

Ibid. „ Non enim omnibus hoc lumen lite-
 „ ratis *apparet*.” Dictio ex eo genere, quod
 biblicum vocatur, quocum Horrearii stilus ma-
 gnâ affinitatem habet: rectius erat, *ostenditur*,
oritur, *oboritur*, *accenditur*.

Ibid. „ ne ipsam *veluti* Rationem accusare
 „ videamur; atque, ut veri est justique amans,
 „ *tamquam Achilli Homérico* Pallas, nobis ma-
 „ num injiciat.” Puerilis affectatio granditatis,
 & penuria ipsius, de qua loquitur, rationis.
 Quid Horreario cum Homérico Achille com-
 mune

mune? nisi *ira*, quam philosophus continere debebat. Tum quid *veluti*? in re propria: ut si dicas, *ipse veluti Horrearius hunc libellum scripsit.*

Pag. 78. Rursus ponit *sui plenus*, ipse adeo barbarismi plenus.

Pag. 79. „*Ἀτεχνῶς καὶ ἀδόλως* dicam, quid „*eruditorum de te vulgus* statuatur atque perhibeat.” Est haec ejus perpetua Graecae eruditionis confectatio, sed inepta in Latine scribendo, si Latina adsint diserta verba, nec Graeca majorem vim aut perspicuitatem adferant. Illud vero per est ridiculum, quod *eruditorum vulgus* testem citat. Quid enim est vulgus? *plebs populi*, atque adeo *jaex plebis, turba indocta*. Et si dicimus *eruditorum vulgus*, dicimus per contemptum, indoctissimam partem eorum, qui docti haberi volunt. Horum equidem judicia non curo, Horrearius curet. Quamquam fortasse is Latini sermonis ignorantia lapsus est, dicens *vulgus eruditorum*, quum dicere debuisset *vulgo eruditi*. i. e. *eruditi sic frequenter & passim judicant*. Horum ego judicia revereor; Horrearii testimonio non moveor.

Ibid. „ut sunt homines *sui adeo pleni*.” Postremo hic exstat; saepe rediturum, si longior foret libellus.

Ibid. „*Ad instar* „Posterioris Latinitatis, ut

„ ostendit Mahnius noster Epicrisi p. 90. Modo posteriorem Latinitatem sine Belgicis Horrearius adferret.

Ibid. „ *ne vel umquam.*” Immo, *numquam.* Pag. 81. „ cum viris *audacibus*, qui bonam „ tueantur veri honestique causam.” His viris se ipse aggregat, putans *audaciam* in laude censeret, eique studens. Dixisset *fortibus*, *constantibus*, *cordatis*: magis Latine & minus inepte dixisset.

Ibid. Dixerat Philalethes p. LXXII, „ me non „ huius meis studiis aliquid *subsecivi* temporis „ subtrahere ad Horrearium refellendum.” Haec ille repetens, inauditum vocabulum facit *subsecivi*.

Ibid. „ *eumque in finem.*” i. e. *haftenus*. Voluit dicere *hoc consilio*, *eam in rem*.

Ibid. „ Hoc enim scias, me nec te, tua licet „ *involutum* Latinitate, neque etiam Critobulum tuum, nec Philalethem, nec alium quem „ *piam fugere.*” Hic est exitus libelli sane claudicans. Aures Latinae & ipsa sententia aliud & plenius requirunt. Dicitur quidem proprie v. c. *miles hostem fugere, cerva lupum*, caet. sed in metaphora, ut hoc loco, disertius dicendum erat, addita significatione rei & causae, quid, quare, ubi, non fugeret: v. c. *non fugio susceptum adversus vos certamen: non defugio hanc*
vo-

vobisqum contentionem: non reformido vos aduersarios, vestras vires & facultatem. Tale quid & ratio & Latinitas praecipunt.

Tum *involutum*, inquit Critobulus, five bono, five malo sensu dixit, inepte dixit. Si bono, imprudens & nolens dixit: sic Cicero, *litteris me involvo*: Horatius, *mea virtute me involvo*. Si malo; sibi ipse repugnat, qui tuam Latinitatem puram & perspicuam esse fatetur: dicitur autem *involvere se tenebris, nocte, nube, fumo*: & ita proprie & vere dicamus, *Horrearium se involvere Kantianis tenebris, nocte, nube, fumo*.

XXIII.

Hic Philalethes: Sic est, inquit: prorsus è suo libello discedit, ut praecisa canis caudâ: nam canem quidem impudentiâ & latratu per totum libellum se praestitit, cum in effutiendis stolidis mendaciis & conviciis, tum quod non dubitavit Latine scribere, nesciens Latinitatem constare puritate & urbanitate, utramque ignorans: putans hoc esse Latine scribere, si ea, quae piscariarum dictionibus Belgice composuisset, Latinis verbis redderet, quamvis Belgicis mos retineret. Et tu quidem non nisi de singularibus vocibus, & earum conjunctionibus, quas

phrases, dicendi formulas, loquendi modos, vocant, notasti. Quod si etiam periodorum inter se continuationem, totiusque orationis nexum atque contextum animadvertisses, infinita materies haec fuisset. Nam, veluti rusticus recens ab aratro ad militiam vocatus, militaribus quamvis vestibus indutus, tamen habitu & incessu rusticum se prodit: sic homines semilatini, quantumvis ex eorum scriptione maculas tamquam ex vestimentis eluas, nihilo minus manent semilatini, duri & inficeti apparent, sensu, cogitatione, sono: quae omnia barbara in illis exstant, & abhorrentia ab ea, quam imitari & agere volunt, hominis Latine docti persona. Itaque, quod in Graecis ei suasi, idem in Latinis ei suadeam, ut Rudimenta & bonum aliquod Grammaticae Compendium serio ac fideliter discat: tum syntaxi studeat; legendo Cicerone & optimo quoque scriptore, stilum ad Latinum habitum conformet, & à Belgicismis purget: nec antea Latine quid scriptum edat, quam huic meo monito satisfecerit. Caeterum multo plures, quam à te notati sunt, Belgicismos deprehendisse mihi videor.

Credo equidem, inquam: sed, si quae dictiones communes sunt Latini & Belgici sermonis, nolui eas in Belgicismis censere: quamquam hanc veniam non damus aliis idiotismis, veluti

He-

Hebraismis Novi Testamenti: qui si nonnumquam cum Graecismis congruunt, tamen eos in Hebraismis censemus; quod scriptor in iis potius Hebraicam consuetudinem, quam Graecae orationis scientiam, secutus est.

Ego vero, inquit Critobulus, inter audiendum saepe miratus sum tuam patientiam, qui adversarii orationem adeo fideliter corrigeres, & jacta in te convicia tamquam tela polires & acueres, ut eo validius ferirent.

Cur non facerem, inquam, vobis affirmantibus id Literarum amantibus gratum & utile fore: aut cur recusarem, ut illis prodessem, vel inimico meo bene facere?

Neque tamen, inquit, ut magis Latina, sic magis probabilia, adversarii convicia reddidisti: adeo enim sunt non solum dicta, sed etiam excogitata, stolide; ut apud neminem sanum, praefertim, qui utrumvis vestrum noverit, fidem inventura sint.

Male, inquam, hercule narras.

Quid ita? inquit.

Quia, inquam, disertus esse possem, si contra ista dicerem.

Video; quid velis: Cicronem imitaris.

Sic est: Nam, ut hic in Tusculana prima auditori neganti se illa de inferis jactata monstra credere, Cerberum, Cocyti fremitum, transvection-

tio-

tionem Acheruntis, facete respondet: *Male hercle narras, — quia disertus esse possem, si contra ista dicerem*; quod scilicet auditor ei illum campum, in quem oratio ejus confutando excurreret, praecludebat: sic tu mihi occasionem, qua me ipse laudem, praecidis. Nam se ipsum laudare quum per se vanum & invidiosum sit, non nisi una in causa honeste recteque fieri censetur, si quis adversus alterius falsa crimina ita se defendit, ut contrarium verum esse ostendat: veluti in exemplum justae sui laudationis à Veteribus celebratur Oratio Demosthenis *pro Corona*: qui ab Aeschine inimico, ut malus civis, patriae proditor, aliisque criminibus accusatus, contra plane demonstravit se esse bonum civem, patriae servatorem, optimarum partium, liberalem, beneficum, & factis probavit, & testimoniis confirmavit. Sed hoc est, quod proverbio dicitur, *parva cum magnis conferre*: quae assimilare licet, aequiparare non licet. Neque enim aut nos quid sumus ad Demosthenem & Aeschinem, aut Horrearia ista caussula quidquam est ad nobilissimam illam ex omni antiquitate causam *pro Corona*: & ridiculum putidumque sit, me contra Horrearii crimina meos mores, vitam, facta, defendere.

X X I V.

Ridiculum fane & putidum, inquit Philalethes: & hunc totum tibi laborem remittimus.

Sed quum praeter tria illa, in quibus censuram Horrearii egisti, capita, philosophum, Graecum, Latinum, quartum sit *sensus communis* à Latinis & hodiernis dictus, à Graecis κοινὸς λόγος, κοινὸς νοῦς, qui pertinet ad iudicium de rebus quotidianis & in promptu positis, & perspiciendum in his quid cuique consequens sit; incredibile dictu est, quam se hujus sensus expertem & hebetem ostenderit. Hujus ego capitis non quidem censuram agam, quod longum sit in Horreario, sed vim virtutemque paucis exemplis declarabo. Et primum quidem, cum ubique nugatur homo, tum vero ubi quid firmitus sibi nactus videtur, plane tragoedias agit. Veluti quod saepius crepat, *te per novem annos hanc vindictam meditatum, & interea perpetuo irarum fluctuasse aestu*; hoc si ita esset, quomodo tu vitam sanus & valens ad hoc tempus pertulisses, nec illo aestu consumtus esses: in quo tibi etiam nos testes sumus, te superiore demum nostro sermone ad istius petulantiae animadversionem, dudum illam debitam, excitatum esse. Et quod p. 15, *mendacii te reum agit*, dicentem, se primo Amstelodamensi an-

anno tuas scholas audivisse, contendens tertium annum, nec Graecas, sed Metaphysicas has scholas fuisse: & tabulas proferri postulans: est id sane hominis, quod dicat, non habentis & anxie quaerentis.

Adderes etiam, inquam, *falsa fingentis*: novem enim ipse, illis in scholis ac temporibus indices auditorum nullos confici solitos fuisse. Nam primus an tertius fuerit annus non statuo, nec ad causam nomenque auditoris interest. Et Graecarum omnibus studiosis adolescentibus gratuitam copiam facere solebam.

Poteras, inquit, ipsius exemplo vicissim et temporis calumniam reponere, quod nonum pro septimo numeravit anno, quo sermo noster habitus & conscriptus est. Ecce vero! Luzacium tibi objicit, ejus laudes, miserumque obitum, & erga te odium, commiscens, flebile quoddam sonare tibi invidiam conflare conatur. Plane, ut caetera omnia, cum rebus falso & inepte, tum stilo hybride & claudicanter. Quae ego primo solus mecum legens, quamvis Luzacii sortem commiserans, Horrearii stultitiam quin riderem facere non potui. In isto enim tu negotio, omnium judicio, lenis & injuriae patientis animi specimen prodidisti: qui tum demum ad inimici insolentiam retundendam accesseris, quum ille manes Ruhnkenii nostri violare ausus esset.

Equi-

Equidem, inquam, in hac injuriae patientia ita mihi satisfeci, ut eam omnibus aequis & intelligentibus hominibus, ipsius adeo amicis, probarem: quorum nomina hic memorare & huic controversiolae inferere, non opus est. De odii autem istius causis nuper dixit Mahnius meus in *Epicrifi Bibliothecae Crit.* p. 52. Quod, si pro malevolorum obrectationibus non satis fuerit, rem alio tempore enarrabimus. Ergo neque ipse risum tenere potui, illum legens locum *Horrearii*, vitio mihi vertentis illud factum, quod omnes prudentes virtuti tribuerent.

XXV.

Venio, inquit Philalethes, ad alia hominis commenta. Rationem te metricam ignorare crepat: stultus sane: stultior etiam in argumentis comminiscendis. Nam id se certissimis documentis demonstraturum affirmans, tria ineptissima adfert exempla: primum Graecum ex *Anthologia*, in quo tu eum supra p. 83 confutasti: caetera Latina operarum vitia: alterum *Horatii Ep.* I, 1, quae verba in *Bibliotheca Critica Part. XII*, p. 23, sic posita sunt — *capsaeque porroctus aperta*: ubi *capsaeque* vitiosum est pro vero *capsae* alterum *Propertii III*, 2, 23. *At non ingenio quaesitum nomen ab aevo Excidet*, quod in eadem

Bi-

Bibliotheca tua p. 50, legitur transpositis verbis — *nomen quæsitum ab ævo Excidet*. In quo dementia & malevolentia Horrearii rursus, ut ubique, apparet, aliis persuadere cupientis, te per metri inscitiam sic scripisse; te, qui vel in eodem libro sexcentos versus recte posuisti, multos etiam probabiliter emendasti.

Est hæc, inquit Critobulus, malevolentia cum pari stupore conjuncta: quem tu supra p. 83, 101, confutasti. Sed ego intelligo unde id habeat Horrearius. Habet ab aliquo tuo aemulo poetam se ferente, & te poetam citantem in suum regnum invadere putante: qui, ubi librum edidisti, nil aliud in eo quaerit, quam versus à te citatos aut tentatos, relegit scandens, si quid forte in iis reprehendendum inveniat. Talem ego nuper, paulo ante editam Horrearii epistolam, nactus hominem istos ipsos tres versus jactantem, tibi que absenti insultantem, valide confutavi. Sunt hi verissimi ludimagistri, recitatores acerbi, aucupes & exactores syllabarum, ubi non nisi sententia agitur. Adeo verum est illud Terentii, *Homine imperito nunquam quidquam injustius est*.

Ego, inquam, semper illud Valckenarii tenui, Ἀὐτὰρ ἐγὼ βαρεῦμαι ἐμὴν ὁδόν. — meam viam persequor: *Nec tardum opperior, nec praecedentibus insto*. Quid vulgus de me diceret

ret aut scriberet, numquam curavi: cumque complures me malevoli scriptis peterent, omnes tacitum tulerunt; excepto Horreatio, qui unus & primus fuit, cui responderem; nec ut injuriam ei referrem, sed ut ipsum aliosque errore liberarem. Miror autem istos meorum aucupes errorum, non ipsas res & prosam orationem perquirere: unde sane, ut ex majore paginarum numero, multo plures errores colligere poterant. Quod autem sunt, qui sibi in versu ad sententiam nostram accommodando syllabas omnes adnumerari volunt, nesciunt aut non cogitant, Platonem, Ciceronem, omnes adeo Veteres, quavis fere pagina, poetarum dicta metro soluta orationi suae contexuissē. Et hoc in genere memini recens Klotzii exemplum: qui cum in Antiburmanno scripsisset p. 5: *Nihil umquam cum Burmanno negotii habui: numquam vidi hominem: ater, an albus sit, nescio.* Οὐ πώποτ' ἐμὰς βούς ἤλασεν' reprehensus à Burmanno, ut ignarus metri, respondit: *Quis non videt, me versum Homericum Il. A, 154, rei praesenti accommodasse? Ille vero lectoribus persuadere cupit, me nescire quot pedibus constet hexameter Graecus.* Nemo sanus, ne amicus quidem, Burmannum audivit.

X X V.

Memini, inquit Philalethes, illius & rei & temporis. Nunc vero finite me de caeteris multis Horrearii deliramentis pauca notare. Boschii nomen nollem suo libello implicuisset: at iste eo abutitur, & auctoritatem sibi quaerit: & sic serio & graviter loquitur, quasi cum eo secretiora consilia de Academiis curandis & cathedris ornandis conferens. Rectius fecisset, si Boschio obtemperasset, suadenti ne in Horreo te incesse-
ret.

Et hoc, inquit Critobulus, perquam ridicule & arroganter: quasi isto aut Boschius consiliario muneris curatorii, aut cathedrae ornatore egerent.

† Illud vero, inquit Philalethes, per est lepidum, quod viros doctos à se correptos & ignominiose tractatos, dicit *à se amice, humaniter, honorifice, admonitos*: te in primis magna laude à se cumulatam, suam admonitionem minus patienter, minusque modeste tulisse: deinde te jubet p. 45, tuam rem agere, inchoata scripta absolovere potius, quam de Philosophia scribere. Atqui sivisset ipse potius te tuam rem agere, nec tibi in ea occupato manum injecisset, teque invitum in hanc litem extraxisset. Nunc quum à te vapulat, clamat te alienam rem agere, ad
tua

tua studia redire debere. Neque minus illud festivum, quod omni te conviciorum genere profcindit, qui scripsisses, se obsequio demulisse Meerschium: obsequium enim esse adulationem: adulationem tantum esse scelus, quantum fana spoliare, virgines stuprare, patriam auro vendere: denique, nisi tu eum testibus ac tabulis adulationis convincas, perpetuum tibi calumniatoris nomen denunciât.

Nos autem, inquit Critobulus, vicissim Horreario perpetuum calumniatoris nomen denunciâmus, nisi demonstraverit nos tibi adulari: quod in epistola sua dicere ausus est. Caeterum ab hoc homine malim ego vituperari, quam laudari: perpetuâ enim suâ erga bonos homines maledicentiâ illud consecutus est, ut vituperatus ab eo quisque, etiam ignotus, communi prudentiorum praejudicio bonus vir habeatur. Unde fit, ut tributa cui ab eo laus suspecta sit, & eo loco censeatur, quo vulgi applausum censuit Phocion: qui quum aliquando in concione sententiam dicens, eam ab omnibus approbari videret, conversus ad amicos, *An forte, inquit, mihi imprudenti aliquod pravum dictum excidit?* Tu contra, calumniae crimen ei objicere possis, qui quot fere paginae sunt libelli sui, tot in te mendacia conjecit.

Con dono ista, inquam, febricitanti.

Duo etiam sunt hominis deliramenta, inquit Philaethes, quibus notatis meas in hoc sermone partes peregero. Nam in peroratione plane se miserabilem facit, obtestans *vulgi eruditorum* de te iudicium. In quo dubium est magisne cogitandi, an dicendi, infantiam ineptiamque rideamus. Homo vetulus repuerascit, & prorsus ut pueri adversariis robustioribus obloquuntur, *Nostrine quid homines de te dicant? hoc, & illud, & aliud, de te dicunt!* — sic tibi *vulgum eruditorum* objicit. Hoccine est ejus, qui se philosophum haberi velit, ad *vulgum eruditorum* confugere: quid dico philosophum? puerulum aut puellulam qui se haberi nolit, numquam sic loquatur. Isti nimirum sunt, qui se probari volunt populares philosophos, nosque doctores umbraticos appellant. Legat egregiam Ciceronis disputationem in Oratione Pro P. Sextio, 45 – 47, ubi ostenditur quid intersit inter populares cives & optimates: unde item egregie Ernestus exemplum retulit ad eruditorum civitatem, &, quid in hac optimates à vulgo & popularibus differant, declarat, Opuscul. Philolog. p. 19: *Duo semper, inquit, fuerunt in eruditorum civitate genera: alterum eorum, quod se venditaret imperitis, quod variis artibus famam & gloriam quaereret, quod in mediocri doctrina tamen summae eruditionis opinionem*
con-

consectaretur, & sensui semidoctorum se accommodando, obtineret; quos ego populares vocare soleo: alterum eorum est, qui solidam laudem & ad posteritatem omnem propagandam quaerentes, viam regiam ad eruditionem insisterent, & ex ipsis fontibus limpidam doctrinam haurirent, eamque demum veram eruditionem putarent, quae ex his peteretur: quos optimates, si placeat, mecum appelles. Nulla aetas fuit, quae non magnum popularium numerum haberet, qui saepe ab imperitis praeferrentur optimatibus. Sed ea felicitas numquam fuit diuturna, neque est ad posteritatem, quae incorruptius iudicat, propagata.

Ad utrum genus, inquit Critobulus, referendus sit Horrearius, ipse significat, qui ad vulgi iudicium provocat. Tanta rursus est conscientiae vis.

XXVI.

Sed illa priora, inquit Philalethes, tragica fuerunt, postremum comicum est. Pergit puerum agere, qui velut victor absentem adversarium ad pugnam provocat, nominatim tribus unâ nobis inclamans p. 81: *Hoc enim scias W! me nec te, tua licet involutum Latinitate, neque etiam Critobulum tuum, nec Philalethem, nec alium quempiam*

It, putans se in Graecorum concionem ir-
ruisse, & Ulyssē flagellare: dum salvo Ulyssi ap-
parens Minerva ostendit Ajacem, & miseranti
eum nec adspicere sustinenti, hoc subjicit,

Οὐκοῦν γέλως ἡδιστος, εἰς ἐχθροῦς γελᾷν.

Nosti vero, inquam, caetera: quae tibi ego
reponam à Grotio eleganter Latine versa: sic
autem Ulysses:

*Misereſco, quamvis maxime inſenſum virum mihi,
Quem de repente tanta preſſis calamitas:
Sortemque in hujus ſorte contemplor meam.
Nam video nil nos eſſe mortales, niſi
Imaginofa ſomnia, aut umbram levem:*

Quem ita docet Minerva:

*His doctus ergo, ne quid effugiat tuo.
Ex ore petulans in deos dictum, vide:
Neve inſoleſcas, ſi quid aut plus dextera
Polles poteſque, aut divitis gazae ubere.
Mortalium res turbine incerto dies
Everſit ac reponit: at coeleſtium
Amat modeſtos numen, & ſpernit malos.*

Hoc prorsus, inquit Philaethes, in Kantianos

convenit, divinum numen ex illustri & manifesto loco in obscurum & incertum redigentes; ut quis Horrearium furem, & tuo nomini umbraeque inaniter insultantem, videns, haud inepte in ipsius concionali festivitatis genere dicat „ hoc factum esse, ut impleretur praedictum „ à Sophocle poeta in Ajace & quidem versu „ septuagesimo nono & sequentibus.”

Ego vero commiseror, inquam, hominem, eumque & sanari & mihi reconciliari velim: hoc tu age, Critobule.

Vereor, inquit Critobulus, ne hic sit è tertio genere aegrotantium.

Quid ita? inquam.

Nostin' quid Plutarchus tuus dicat, in libro De Progressu in Virtute Sentiendo: *Quibus medicina opus est, qui leviter affecti sunt, ipsi recta ad medicum eunt: qui febricitant, domum vocant medicum: qui autem in melancholiam, aut phrenitidem, aut deliria inciderunt, aliquando ne venientem quidem ad ipsos medicum sustinent, sed ejiciunt aut fugiunt, vehementia morbi etiam sensum morbi tollente. Sic eorum, qui peccant, insanabiles sunt, qui hostili animo affecti saeviunt adversus reprehensores & castigatores: qui vero sustinent admittuntque, mansuetiores fiunt.*

Age, age, Critobule, inquit Philalethes, &
hoc

hoc nobis tribue, nec laboris irriti metum causare, qui delirantes sanasti multos: saltem experire: nec ita omnem spem ad vivum reseca; quasi prorsus insanabilis sit Horrearius.

Experiar, inquit, ut ne quid vestrum causa gravari videar: sed hoc ejusmodi erit, ut, tu W., rem conficias: ego saltem prior hominem adeam, sedem, sanem, tibiue viam ejus adeundi aperiarn. Quomodo autem cum eo agere constituerim, & quale hoc negotium fore putem, vobis narrabo quasi praesens cum praesente loquens; ut, si quid rectius videritis, mihi impertiatis. Siccine probatis?

Probamus vero, inquit; tu tandem incipe narrare,

XXVII.

Ergo, inquit, intermissionem febris observans, ad eum accedam: januam pulsabo: dicam janitori, me gravi de causa cum ejus hero agere velle: hic me Kantianum esse putans intromittet: intromissus ad Horrearium, continuo nomen meum aperte edicam, Critobulum Asclepiadis filium: & adventus mei causam exponere incipiam. Ille me interpellans, Ha! Critobulus Asclepiadis filius, unus ex meis inimicis! certe pacem poscitis: nunc supplices meum numen

adoratis, posteaquam victi, prostrati, profli-
 gatique meis auspiciis estis, duplicique clade
 perculsi jacetis, altera à me ipso Dictatore,
 altera à Magistro Equitum meo. Ita est, for-
 tissime Dictator, pacem poscimus. — Ille rursus
 meam interrumpens orationem, Haud equidem
 ita inhumanus sum, ut ab omni pacificatione
 abhorream: semper enim *cum oratore* Drance
 apud Virgilium Aeneidos libro XI, & *quidem*
versu 362, exclamo, Nulla salus bello: pacem
te poscimus omnes: sed dico ἀτεχνῶς καὶ ἀδόλως,
 haec pax debet meo honore digna esse; ut vos
 profiteamini, vos mea duo munera, hypophe-
 ticum & dictatorium, & praeterea Kantianam
 doctrinam revereri. Plene, inquam, & abunde
 tibi satisfaciemus; & insuper magna te mercede
 maetabimus. Bene narras! quam illa merce-
 de? Furore te liberabimus. Hui! me furore
 liberabitis? me furere dicitis? qui modo tam
 pulcram epistolam scripsi: in qua meum adver-
 sarium refutavi, ac tam sedate ac subtiliter phi-
 losophatus sum. Esto subtilissime & sedatissime
 philosophe hypopheta: sed nunc quidem te
 non optime valere, & sermo tuus & color
 prodit: numquamne alias febris laborasti. Vero,
 laboravi. Nonne praesens tuus affectus similis
 est illi affectui, quo te febricitantem fuisse me-
 ministi? Non prorsus dissimilis est. Exsere lin-
 guam

guam: hem, ut maledicentiâ tumer! aperi oculos: hui, ut invidiâ tument! cedo venae pulsus: heu, ut penitus iracundiâ agitur! tecum sic affecto pacem facere non possumus; extra potestatem existi: valido utendum remedio: tribus anticiris opus est: purgari te oportet funditus, ἄνω καὶ κάτω, supra & infra, nostin'? Faciam, inquit, dummodo conditiones à vobis extorqueam honorificas, quae mihi perpetuitatem munerum meorum praestent, hypophetici & dictatorii; *ut tamquam stella primae magnitudinis in coelo Batavo fulgeam, & coram τοῖς ἔξω locum meum dignissime tuear: & vulgus eruditorum statuat, me omnibus dominari: sed hoc involvit, vos mihi debere bono exemplo praecire, & me considerare ut magnum philosophum ac litteratorem: & meos libros considerare ut excellentes, in quibus igitur omnia invenienda, quae ad Metaphysicam pertinent: & ne vel conari debetis aliter cogitare: nec mihi & aliis viris audacibus verborum jactationem excutere.* Nam mihi lumen Philosophiae apparuit: vos autem ignoratis quid per Philosophiam intelligitis; ut ego palam feci & veluti demonstravi in mea Epistola & quidem pagina 28. Et non debetis dicere mihi obsequium inesse: hoc enim non pertinet ad ea, quae Graecis ἀδιάφορα dicuntur: & hoc ego aeque minus perferre possum, quam

alienat, omniumque odia sibi merito *conflat*. Et ego hanc *assertionem* rationibus *spectatu* haud indignis confirmabo. *Vel an* putatis me non etiam *pro virili dideria evomere posse*. Vos non *adscenditis* ad magnitudinis sensum, nec vos eo *incensos inflammatosque esse sentire potestis*. *Mihi autem Ratio tamquam Achilli Homericò manum iniecit*. Cohibe, inquam, paulisper sermonis tui contentionem, quae affectum tuum exasperat: & dic mihi, an tu item à Literis abstineas, quum tuo arbitratu locos Veterum apponis, & modo cum rege Agamemnone, modo cum Comico, nescio quid exclamas: qui de Graecis loqueris, nec intelligis: Latine scribis, nec potes. Ha! inquit, hoc plane diversum est: hoc mihi, ut philosopho, licet. Quidni, inquam, illi, ut Literatori, de Philosophia quae intelligit loqui liceat? & dicas potius, commune esse utrumque bonum, Literas & Philosophiam, & neutrius munus, nisi assumpto alterius, vel adjumento, vel ornameto, sibi constare posse: sed de his tu rebus rectius judicabis, quum purgatus ad sanitatem redieris: nunc cedo chartulam cum calamo, ut remedium tibi praescribam —: En praescriptum! quod ut recte componatur providebo: tu compositum fideliter fumes. Vale hypopheta, seu potius convalesce.

En, inquit Philalethes, probabilem congressum,

sum, &, ut spero, ad pacem profuturum. Jam tuum est, mi W., tuas partes agere, ad Horrearium item accedere, eumque penitus placare; quandoquidem Critobulus eum tibi molliorem ad tractandum prae-buit.

Et ego, inquam, vereor ut Critobulus hoc effecerit, & Horrearius praescriptum remedium sumserit; ne forte ab eo praesens importune accipiar, aut loquens continuo interpeller, malo absens tamquam ad resipiscentem scribere.

Facies, inquit, utcumque voles; modo facias.

XXVIII.

Itaque, quod vultis, huiusmodi fere sit:

„Accepi epistolam tuam, o bone: in qua vehementer mihi irasceris & maledicis: quod an philosophi fit, tu videbis, qui philosophum te profiteris: ego, qui tanti nominis honorem mihi non assumo, maledicta tua tibi tam ignosco, quam furentibus medici adsidentes eosque curantes ignoscunt iis conviciantibus & verberantibus. Nam & hi laborem injuriamque patienter ferunt, ut illis bene faciant: & ego, ut bene tibi facerem, meo in libello te admonui: & nunc tua convicia tuli: nec tibi irascar, quamvis irascenti, nec conviciabor, quamvis convicianti: nec dimi-

mittam te, donec te sanavero mihique reconciliavero. Nescio au legeris illud Socratici Euclidis factum: cui quum frater iratus minaretur, *Peream, nisi te ultus fuero*, ipse respondit, *Peream, nisi te placavero*. Sic & ego tecum agam. Et quandoquidem me in certamen vocas, & oppugnas petulantiam, contumeliam, scurrilitate; fateor me istis in artibus rudem tibi versato victoriam lubenter concedere. Aliud mihi tecum constitutum certamen existimo, rationis, beneficentiae, liberalitatis, omnino humanitatis: humanitatis, inquam, mihi tecum maxima atque adeo unica est necessitudo; quando caeteras necessitudines respuis. Dicis, justam tibi fuisse irascendi causam; quod in Bibliotheca Critica te severius reprehenderim, quum tu mihi in Horreo tuo lenem & modestam admonitionem adhibuisses. Quod quum dicis, omnes intelligentes te derident. Et, ut tu intelligas, merito illos ridere, negotium tuum paulo altius repetam. Valckenarii te discipulum profiteris: magni viri, immo maximi! à quo tu multa discere poteras, non solum in Literis, sed in moribus, modestiam & gloriolae contentum. Tu vero neutrum fecisti illa in disciplina. Nam Literas vix primoribus labris degustans, simul Philosophiae, mox Theologiae te dedisti: quarum doctrinarum praecepta utinam contulisses

ad

ad animum lenitate, placabilitate, modestiâ conformandum; ita multis caruissimus rixis, quas tibi aliisque excitasti. Nunc, quasi ex tota Philosophia unum Empedoclis νεῖκος οὐλόμενον, perniciosum rixandi studium, suscepisses, illud continuo in Theologiam intulisti, & utramque tibi contentionis & cavillationis gymnasium fecisti. Quin tu potius inchoatam Literarum cognitionem auxisses: nec Iliade & Hippolyto contentus, quae sola, si forte, legisti, Odysseam quoque, & aliorum poetarum carmina, lectitasses: inde ad historicos & philosophos progressus, & memoriam rerum copiâ locupletasses, & ingenium ad judicandi facultatem acuisasses: ita cognitionem via & ratione ordinasasses, & certioribus fundamentis firmasses; nec levissima quaeque novitatis vanitatisque aura te verteret & auferret: nec praepostere incederes, sed tibi magis constares: nec, qui te in divinis oraculis tam difficilem ad credendum faceres, Kantii oracula χανδόν, id est fauce hianti, haurires: neque te in Philosophia, quae se Criticam cognominat & judicatricem, te judicii expertem & credulum praeberes. Atque haec non eo consilio dixi, ut te irritarem: contra etiam, ut te sedarem, & ad tui ipsius cognitionem revocarem. Dic tandem, per Deorum hominumque fidem, quenam tibi vitae tam litigiosae fructum proponas?

Mul-

Multos in scriptis tuis homines doctos laefsi: horum quosdam nominavi in Bibliothecae Criticae P. XII: quidam me fugerunt: duorum me addere potuisse nomina, monuit me amicus meus, quem tu & tuum esse gloriaris, Hamelsveldii & Haakii, virorum clarissimorum. Plerique tibi responderunt: tu rursus quid reposuisti: illi tacuerunt: poterant & ipsi aliquid reponere: tu non tacuisses: ita reciprocatio perpetua futura erat. Tu tali in vita tot litibus occupata, tot contentionibus turbata, quando aliis studiis vacabis? quando discēs, quae adhuc ignoras? Literas Latinas, Graecas, utriusque Linguae Rudimenta, in quibus multum vacillas: tum Historias, Antiquitatem eruditam: ipsam Philosophiam, cujus tu partem Dialecticam, Mathematicam, Physicam, vix à limine salutasti: certe numquam ita percepisti, ut eum oportet, qui se philosophum profiteatur: unam Philosophiam esse putas doctrinam Kantianam: neque hanc satis cognitam habes, quamquam ea gloriaris: neque dicta tui prophetae recte percepisti ac didicisti: quod manifestis indiciis ostendimus. His tu addiscendis rebus debitum tempus rixando consumpsisti. Et, quod Cicero dicit de Literis & studiis humanitatis, hoc tibi lites & contentiones fuerunt: hae tuam adolescentiam aluerunt, senectutem oblectant, pernoctant tecum, peregrinantur, rustificantur:

K

Ala

Αἰεὶ γάρ τοι ἔρις τε Φίλη, πόλεμοί τε μάχαι τε.

Venio ad nostram causam. Ultro allatrafti me in Horreo tuo; Boschio nostro frustra dis-suadente. Ego tacere constitueram, ut antea semper ad aliorum latratus tacueram: & sic ad tuum latratum perpetuo taciturus eram, nisi me ille in superiore Bibliothecae Criticae Parte habitus sermo ad te admonendum convertisset; quum ante saepe, ut hoc facerem, boni viri frequentes me hortati essent, affirmantes hoc me literatae civitati debere, multisque doctis hominibus à te laesis; praesertim quum insolenter petulanterque grassari, & optimum quemque corripere, pergeres; tempus esse ajebant, ut, qui te severe coecerneret, aliquis existeret: hunc me esse volebant, & persuadebant. Sed illud subinde crepas, injuste me egisse, qui te nono postea anno reprehendissem; praesertim quum tua in me oratio non fuerit nisi lenis admonitio, eaque humanitatis plena & honorifica. Hoc quum dicis, dubium nobis facis, utrum plus in te superbiae an stuporis inesse dicamus; qui postulās, ut mihi honori ducam à te castigatum, nec saevius tractatum, esse: illud certe, ostendis te nescire quid sit modestia, humanitas, honor. Deinde non fuit nonus, sed septimus annus, quum illud de te scriberem. Denique: tu mihi es philosophus, qui rerum veritatem tempore mutari pu-

putes. Si tum, quum me allatraveras, verum fuit te male fecisse, etiam nunc verum est: & si tunc verum fuit te poenam meruisse, etiam, interjecto quamvis longo tempore, verum est te poenam meruisse. An vero tu me & inceses, & respondendi tempus mihi praestitues; quo praeterito, in perpetuum mihi tacendum sit? Mira licentia! Et quod non recenti facto, sed diu postea, te punivi, eo minus iraeunde & cum animi motu, eoque magis cum iustitiae ratione & iudicii constantia feci. Est haec Divinae Providentiae via, quam nos homines sequi debemus, quae malos non confestim omnes punit, sed quando ipsa opportunum esse iudicat: κατ' οἰκονομίαν, ut veteres philosophi, quos ignoras, loquuntur, id est, tempore, loco, modo, qui maxime cum universi administratione congruat. His ego rationibus ad te puniendum accessi: quamquam sciebam quantum in te inesset bilis & maledicentiae, idque totum in me effusum iri praevidebam: nec pertimescebam: sed reipublicae causa meum caput isti procellae lubens objiciebam. Cujus quidem quem exitum futurum putes, vide: scilicet eum, quo tu postremus crepes, & victor habere. Quam ego tibi victoriam aequissimo animo concedo. Et id tibi affirmo, & hanc tibi conditionem fero: si ad hoc à me tibi nunc adhibitum καθάρσιον obtemperantem te & tacitum praebueris, me te pro sa-

nato & reconciliato habiturum: sed ea lege, ut nil adversus me, vel ipse, vel per tuos satellites, aut scribas, aut declames in vestris conciliabulis, aut mutias, musses, muslites: cujusmodi si quid rescivero, latam tibi à me pacis conditionem irritam fore. Tuum igitur erit, ab omni hostili dicto, facto, scripto, & ipsum abstinere, & tuos satellites praestare. Quid autem sit *prae-
stare aliquem*, ne ignores, dicam barbaro & tuo sermone, *tu respondere debebis, tu responsa-
bilis eris pro tuis satellitibus*. Quod si igitur, contra, à te tuisve satellitibus dictum, factum, scriptum, cognovero; ego nil rescribam: sed, quod nunc scribo, mihi postremum erit scriptum. Neque tamen idcirco te dimittam: sed, ut nondum sanatum reconciliatumque, te junioribus medicis tradam, qui te perpurgent, perfanent, perpacent; ut penitus mihi reconcilieris: qui, ut juniores & acriores, vereor ne te durius acerbiusque tractaturi sint. Hoc tu tempus noli expectare, sed potius ratione praecipe:

sapere aude!

*Incipe: qui recte vivendi prorogat horam,
Rusticus expectat dum defluat amnis: at ille
Labitur, & labetur in omne volubilis aevum.*

Et quando animadverti, te Horatium legisse, certe ejus dicta citare solere, & in magna auc-

toritatis parte ponere, subjiciam tibi saluberrimum inde praeceptum :

*Laudis amore tumes? sunt certa piacula, quae te
Ter pure lecto poterunt recreare libello.*

*Invidus, iracundus, iners, vinosus, amator,
Nemo adeo ferus est, ut non mitescere possit;
Si modo culturae patientem commodet aurem.
Virtus est, vitium fugere: & sapientia prima,
Stultitia caruisse,*

Hoc vero ita in te convenit, ut si constaret Horratium prophetam fuisse, isto oraculo te significari diceremus. Sume, inquit, meum libellum; hic tibi certum est *piaculum*, καθάρσιον lege eum *ter*, ut solebant in sacris *ter* facere, ternum numerum ut religiosum celebrantes: & *pure* eum lege, id est pura mente, καθάρως, purgans te & purgatus, καθαιρόμενος καὶ καθάρεις.

Age igitur, continuo recte vivendi viam ingredi: spreto, cui servis, studio rixandi & popularem auram captandi, disce, quae discenda tibi sunt: Literas, & Philosophiam. Nam adhuc, sodes, non magis philosophus, quam literator, fuisti. Neque enim is est philosophus, qui se alicui sectae in servitutem addixit, in ejusque verba juravit: veluti

tu caput tuum Kantiano malleo subiecti cudentum, formulis imprimeridum, percutiendum, perforandum: neque, qui dissentientibus irascitur & conviciatur: neque, qui imperitos in conciliabulis venans, suis opinionibus & temeritate imbuit, ab iisque philosophus habetur & salutatur: sed is, qui cum doctrinam Philosophiae mente ac ratione perceperit, tum eam ad animum referat, & vita moribusque exprimat. Vin' veram tibi philosophi imaginem ostendam? Ne te ad Platonem, Aristotelem, Graecos tibi non intellectos, rejiciam: lege, quem lectitare te videri vis, Ciceronem, De Legibus I, 22, De Finibus III, 22, Tusculanarum Disputationum V, 24. Est igitur is, qui tres Philosophiae partes, Physicam, Ethicam, Dialecticam, perceperit: se ipsum, rerum naturam, ejusque creatorem Deum, cognoscere studeat: ad ejusque sapientiae exemplum in hujus mundi fabrica & gubernatione conspicuum, suam ipse mentem ad virtutem informet: quibus perspectis inveniuntur fontes & rationes omnis veri, boni, pulcri: quae sint principia, qui fines rerum agendarum & fugiendarum: quae sint officia, quae degendae ratio aetatis deligenda. Veluti, si quis docendi munus sustineat, sive, ut ego, publice mandatum, sive, ut tu, voluntarium & sponte assumptum, ne discentium judicia pervertat, neque

que ea occupet alicujus sectae decretis inculcandis, sed ad verum à falso distinguendum avertat: tum, ne boni malique discrimen eos tollere assuefaciat, nec ad morum corruptionem viam iis aperiat: nec suis dictis factisque juventuti impudentiae ac temeritatis, sed modestiae verecundiaeque, exemplum praebeat: firmiter tenens illam Platonis sententiam De Legibus V, p. 605, C: *ubi inverecondi sint senes, ibi juvenes impudentissimos fieri.* Ad illa igitur, quae diximus, omnium virtutum rationes referet: prudentiam in judicio veri & falsi, boni & mali, pulcri & turpis, tum in vita actionibusque gubernandis: justitiam in beneficentia & liberalitate erga alios, & communi generis humani caritate: temperantiam in coercendis cupiditatibus, sedandis perturbationibus, omnium actionum decore & modo servando: fortitudinem in adeundis periculis, tolerando dolore, contemnenda morte, omniumque praeceptis virtutum constanter perficiendis. Atque duas illas partes, Physicam & Ethicam, quasi saepimento vallabit ac firmabit Dialectica, quam Peripatetici & recentiores homines Logicam dicunt, arte veri inveniendi, judicandi, & cum aliis communicandi. Cumque se ad civilem societatem natum senserit, non solum illa subtili disputatione sibi utendum putabit: sed, eodem auctore Cicerone, etiam fusa

possit, te sibi consulere & reconciliari velle. Ergo fac, ut hunc sermonem quantocyus edas; quo citius cum eo pax nobis restituatur.

Ain' tandem, inquam, putasne me in animum inducere posse otio lectorum sic abuti, ut hunc sermonem solum emittam, nec Philomathiae meae proxime conscribendae & edendae includam, stipatum aliis chartis, quibus taedium Horreariae crambes temperetur & compensetur?

Sit fane hoc melius, inquit: vulgus quidem eruditorum, cui servit Horrearius, malit citius & solum, quam serius & comitatus accipere: sed ille suum dominum, tu tuum iudicium sequare. Nos vero huic tandem sermoni finem faciamus, animosque aliud agendo & ambulando recreemus.



A N E C D O T A.



Μ Ο Τ Σ Ω Ν Ι Ο Τ

ἐκ τοῦ, εἰ παραπλησίως παιδεύ-
τέον τὰς θυγατέρας τοῖς υἱοῖς.

Λόγου δέ ποτε ἐμπεσόντος, εἰ (α) τὴν αὐτὴν παιδείαν παιδεύτέον τοὺς υἱέας καὶ τὰς θυγατέρας· Ἴππους μὲν, ἔφη, καὶ κύνας ὁμοῦ οὐδὲν διαφερόντως παιδεύουσιν οἳ τε ἵππικοι καὶ οἱ κυνηγετικοὶ τοὺς ἄρρένας τῶν θηλειῶν· ἄλλ' αἳ τε κύνες αἰ θηλείαι παραπλησίως τοῖς ἄρρεσι διδάσκονται θηρᾶν· Ἴππους τε θηλείας ἂν τις θέλῃ (β) τὰ ἵππων ἔργα ἀποτελεῖν καλῶς, οὐ διάφορον τῶν ἄρρένων διδασκαλίαν διδασκομένας ἰδεῖν ἐστίν· ἀνθρώπους δὲ τοὺς ἄρρένας ἐξαίρετόν τι ἄρα δεήσει ἔχειν ἐν τῇ παιδείᾳ καὶ τροφῇ παρὰ τὰς θηλείας, ὥσπερ οὐχὶ τὰς αὐτὰς παραγίνεσθαι δέον ἀρετὰς ἀμφοῖν ὁμοίως ἀνδρὶ καὶ γυναικί, ἢ ἐπὶ τὰς αὐτὰς ἀρετὰς μὴ διὰ τῶν αὐτῶν παιδευμάτων ἢ δι' ἐτέρων οἷόν τε ἂν (γ) ἐλθεῖν. Ὅτι δὲ οὐκ ἄλλαι ἀρεταὶ ἀνδρὸς, ἄλλαι δὲ γυναικὸς, ῥᾶδιον μαθεῖν. Αὐτίκα, Φρονεῖν δεῖ μὲν τὸν ἄνδρα, δεῖ δὲ καὶ τὴν γυναῖκα· ἢ τί ὄφελος εἶη ἂν ἄφρονος ἀνδρὸς ἢ γυναι-

(α) MS. ἐπὶ.

(β) MS. θέλω.

(γ) MS. οὖν.

ναικός. Εἶτα δικαίως βιοῦν αὐδέτερον ἥττον θατέ-
ρου· ἀλλ' ὅ, τε ἀνὴρ οὐκ ἂν εἴη πολίτης ἀγαθός,
ἄδικος ὢν, ἢ τε γυνή οὐκ ἂν οἰκονομοίη (d) χρη-
στῶς (e) μὴ δίκαιος ἀλλ' ἄδικος οὖσα· πρῶτον
ἀδικήσῃ τὸν ἄνδρα, ὥσπερ τὴν Ἐριφύλην Φα-
σι (f). Σωφρονεῖν μὲν οὖν καλὸν τὴν γυναῖκα,
καλὸν δ' ὁμοίως καὶ τὸν ἄνδρα τῷ γοῦν μοιχεύειν
τὸ μοιχεύεσθαι, ἐπίσης κολάζουσιν οἱ νόμοι. καὶ
λιχνεῖαι καὶ οἰνοφλυγίαι, καὶ ἄλλα παραπλήσια
κακά, ἀκολαστήματα ὄντα καὶ καταισχύνοντα
μεγάλως τοὺς ἐνεχομένους, ἀποφαίνει τὴν σω-
φροσύνην ἀναγκαιοτάτην οὖσαν ἀνθρώπῳ παντὶ,
τῷ τε θήλει καὶ τῷ ἄρρενι. διὰ γὰρ σωφροσύνης
μόνης ἐκφεύγομεν ἀκολασίαν, ἄλλως δ' οὐδαμῶς.
Τὴν ἀνδρίαν φαίη τις ἂν ἴσως μόνοις προσήκειν
τοῖς ἀνδράσι. ἔχει δὲ οὐδὲ τοῦτο ταυτί. δεῖ γὰρ
ἀνδρίζεσθαι τὴν γυναῖκα καὶ (g) καθαρεύειν δει-
λίας τὴν γε ἀρίστην, ὥς μήθ' ὑπὸ πόνου μήθ' ὑπὸ
φόβου κάμπηται· εἰ δὲ μὴ, πῶς ἔτι σωφρονήσειεν
ἂν τις ἢ φοβῶν ἢ προσάγων πόνους, βιάσασθαι
αὐτὴν δύνηται ὑπομεῖναι τι τῶν αἰσχυρῶν. δεῖ δὲ
δὴ καὶ ἀμυντικὸν (h) ἔχειν τὰς γυναῖκας, εἰ μὴ
νῆ

(d) MS. οἰκονομία.

(e) MS. ἢ μὴ.

(f) deesse quid videtur.

(g) καὶ abest in MS.

(h) forte, ἀμυντικῶς.

νῆ Δία φαίνεσθαι μέλλουσι κακίους ἀλεκτορίδων καὶ ἄλλων ὀρνίθων (*) θηλειῶν, αἱ πολὺ μείζουσι θηρίοις ἑαυτῶν ὑπὲρ τῶν νέων διαλλάττονται (i), πῶς οὖν οὐκ ἀνδρείας αἱ γυναῖκες δέοιντο. ὅτε δὲ καὶ ἀλκή τις δι' ὅπλων μέτεστιν αὐταῖς, ἐδήλωσε τὸ Ἀμαζόνων γένος, ἔθνη πολλὰ δι' ὅπλων καταστρεφόμενον· ὥστ' εἴ τι ἐνδεῖ πρὸς τοῦτο ταῖς ἄλλαις γυναιξίν, ἀνασκησία μᾶλλον ἢ τὸ μὴ πεφυκέναι (k) ἀρετὰς ἀνδρὸς καὶ γυναικὸς ἀνάγκη πᾶσα καὶ τροφήν καὶ παιδείαν τὴν αὐτὴν προσήκειν ἀμφοῖν. παντὶ γὰρ ζῳῷ καὶ φυτῷ τὴν ἐπιμέλειαν τὴν προσαγομένην ὀρθῶς ἐμποιεῖν χρὴ τὴν (l) ἐκείνων προσηκούσαν ἀρετήν. Ἡ εἰ μὲν ἔδει αὐλεῖν δύνασθαι παραπλησίως ἄνδρα καὶ γυναῖκα, καὶ εἰ τοῦθ' ἑκατέρῳ αὐτῶν ἀναγκαῖον ἦν πρὸς τὸν βίον, ἀμφοτέρους ἂν ἐπ' ἴσον τὴν αὐλητικὴν τέχνην ἐξεδιδάσκομεν· καὶ εἰ καθαρίζειν ἐκάτερον. ἀμφοτέρους δὲ εἰ δεῖ γενέσθαι ἀγαθοὺς
 . τὴν

(*) Ex Platone ductum Leg. VII, p. 638, A: πολλή που κακία πολιτείας, οὕτως αἰσχυρῶς τὰς γυναῖκας εἶναι τεθραμμένους, ὥς μήτ' ὥσπερ ὀρνίθους περὶ τέκνων μαχομένους πρὸς ὀτιοῦν τῶν ἰσχυροτάτων θηρίων θέλειν ἀποθνήσκειν τε καὶ πάντας κινδύνους κινδυνεύειν.

(i) forte, διαμάχονται.

(k) forte corrigendum, ἀνασκησία μᾶλλον συμβαίνοι ἢ τῇ μὴ πεφυκέναι τὰς αὐτὰς ἀρετὰς ἀνδρὸς καὶ γυναικὸς. Ἀνάγκη οὖν πᾶσα καὶ τροφήν κ. τ. λ.

(l) legendum ἐκείνῃς.

τὴν ἀνθρώπων προσήκουσαν ἀρετὴν, καὶ φρονεῖν ὁμοίως δύνασθαι καὶ σωφρονεῖν, καὶ ἀνδρίας μετέχειν καὶ δικαιοσύνης μηδὲν ἥττον θατέρου θάτερον· οὐ γὰρ (*) ὁμοίως ἐκάτερον παιδεύσομεν; οὐδὲ τὴν τέχνην, ἀφ' ἧς γένοιτ' ἂν ἄνθρωπος ἀγαθός, ἐπίσης ἀμφοτέρους διδάξομεν; Ἀλλὰ χρὴ οὕτω ποιεῖν, καὶ οὐχ ἑτέρως. Τί οὖν, καὶ ταλασίαν, Φησὶ τις, ἴσως ἀξιοῖς σὺ παρατλησίως ἐκμανθάνειν ταῖς γυναιξὶν τοὺς ἄνδρας, καὶ γυμναστικὴν μέτερχεσθαι ὁμοίως τοῖς ἀνδράσιν τὰς γυναῖκας; Τοῦτο μὲν οὐκέτι ἀξιόσω ἐγώ· Φημὶ δὲ ὅτι οὐσης ἐν τῷ γένει τῷ ἀνθρωπίνῳ τῆς μὲν ἰσχυροτέρας φύσεως τῆς τῶν ἀρρένων, τῆς δ' ἀσθενεστέρας τῆς τῶν θηλειῶν, ἐκατέρα φύσει τῶν ἔργων ἀπονεμητέον τὰ προσφορώτατα, καὶ τὰ μὲν βαρύτερα τοῖς ἰσχυροτέροις ἀποδοτέον, τὰ δὲ ἐλαφρότερα τοῖς ἀσθενεστέροις· διὰ τοῦτο μὲν ταλασία ταῖς γυναιξὶ μᾶλλον πρόποι ἂν ἥπερ ἀνδράσι, ὥτπερ οἰκουρία· γυμναστικὴ δὲ ἀνδράσι μᾶλλον ἢ γυναιξὶν, ὥτπερ καὶ θυραυλία· εἶναι δ' ὅτε μέντοι καὶ ἄνδρες τινες τῶν ἐλαφροτέρων ἔργων ἔνια καὶ δοκούντων γυναικείων μεταχειρίσωνται τ' ἂν (m) εἰκότως, καὶ γυναῖκες αὖ τῶν σκληροτέρων καὶ δοκούντων μᾶλλον προσήκειν ἀνδράσιν ἐργάσωνται ἂν, ὅταν ἢ τὰ τοῦ σώματος οὕτως ὑφηγῇται, ἢ τὰ τῆς χρείας, ἢ τὰ τοῦ καιροῦ.

Παν-

(*) videtur requiri ὡς ἄρ'

(m) forte, μεταχειρίζωνται ἂν.

Πάντα μὲν ἄρα ἴσως ἐν κοινῷ κεῖται τὰ ἀνθρώ-
πεια ἔργα, καὶ ἔστι κοινὰ ἀνδρῶν καὶ γυναικῶν,
καὶ οὐδὲν ἀπότακτον ἐξ ἀνάγκης τῷ ἑτέρῳ, μηδὲ
ἐπιτηδειότερα τὰ μὲν τῇδε τῇ φύσει, τὰ δὲ
τῇδε· δι' ἃ τὰ μὲν ἀνδρῶα καλεῖται, τὰ δὲ γυ-
ναικεῖα· ὅσα μὲντοι τὴν ἀναφορὰν ἔχει εἰς ἀρετὴν,
ταῦτα Φαίη τις ἂν ὀρθῶς ἐπ' ἴσον ἑκατέρᾳ προσή-
κειν φύσει, εἴτι (n) καὶ τὰς ἀρετὰς προσήκειν
Φαμὲν οὐδὲν τοῖς ἑτέροις μᾶλλον καὶ (o) τοῖς
ἑτέροις. Ὅθεν εἰκότως οἶμαι καὶ παιδευτέον ὅσα
πρὸς ἀρετὴν παραπλησίως τό, τέ θῆλυ καὶ τὸ ἄρ-
ρεν· καὶ ἀρξαμένους ἀπὸ νηπίων εὐθὺς διδασκτέον,
ὅτι τοῦτο μὲν ἀγαθόν, τοῦτο δὲ κακόν (p) (κα-
κὸν ταυτὸν ἀμφοῖν) καὶ τοῦτο μὲν ὠφέλιμον,
τοῦτο δὲ βλαβερόν, καὶ τόδε μὲν πρακτέον, τό-
δε δὲ οὐ. ἐξ ὧν ἐπιγίνεται φρόνησις τοῖς μαυθά-
νουσιν ὁμοίως τε κόραις καὶ κούροις, καὶ οὐδὲν
διαφορώτερον τοῖς ἑτέροις. Εἴτα δὲ ἐμποητέον δι-
δῶ (q) πρὸς ἅπαν αἰσχρόν· (r) ὧν ἐγγενομέ-
ναν ἀνάγκη σῶφρονας εἶναι καὶ ἄνδρα καὶ γυναι-
κα.

(n) legendum εἴγε.

(o) lege ἢ.

(p) temere positum, sic ponendum videtur — εὐ-
θὺς διδασκτέον ταυτὸν ἀμφοῖν, ὅτι τοῦτο μὲν ἀγαθόν,
τοῦτο δὲ κακόν κ. τ. λ.

(q) lege αἰδῶ.

(r) videtur quid deesse.

κα. Καὶ μὴν τὸν παιδευόμενον ὀρθῶς, ὅστις ἂν ᾖ εἴτε ἄρρην εἴτε θήλειαν, ἐθιστέον μὲν ἀνέχεσθαι πόνου, ἐθιστέον δὲ μὴ φοβεῖσθαι θάνατον, ἐθιστέον δὲ μὴ ταπεινοῦσθαι πρὸς συμφορὰν μηδεμίαν· δι' ὅσων ἂν τις εἴη ἀνδρείος. ἀνδρίας δὲ μικρῷ πρότερον ἐδείχθη δεῖν μετεῖναι καὶ γυναιξίν. Ἔστι τοίνυν πλεονεξίαν μὲν Φεύγειν, ἰσότητα δὲ τιμᾶν, καὶ εὐποιεῖν μὲν θέλειν, κακοποιεῖν δὲ μὴ θέλειν ἄνθρωπον ὄντα ἀνθρώπους· ἔστι μὲν δίδαγμα κάλλιστον καὶ δικαίους ἐπιτελεῖ (s) τοὺς μανθάνοντας. τί δὲ μᾶλλον ἄνδρα μεμαθηκέναι χρὴ ταῦτα· ἥπερ (t) νῆ Δία πρέπει δικαίας εἶναι γυναικάς, καὶ ταῦτα δεῖ μεμαθηκέναι ἅμῃ τά γε καιριώτατα καὶ μέγιστα. Εἰ γάρ τι που καὶ μικρόν ὁ μὲν εἴσεται, ἡ δὲ οὐ, ἢ ἀνάπαλιν, ἡ μὲν εἴσεται, ὁ δὲ οὐ, τεχνίτου τινὸς ἐχόμενον, οὐ τοῦτο διάφορον ἀποφαίνει τὴν ἐκατέρου παιδείαν· μόνον περὶ μηδενὸς τῶν μεγίστων ἕτερος ἕτερα μεμαθηκέτω, ἀλλὰ ταῦτα (u). Ἄν δέ τις ἐρωτᾷ με, τίς ἐπιστήμη τῆς παιδείας ταύτης ἐπιστατεῖ, λέξω πρὸς αὐτὸν ὅτι Φιλοσοφίας ἄνευ ὥσπερ ἀνὴρ οὐκ ἂν οὐδεὶς, οὕτως οὐδ' ἂν γύνῃ παιδευθεῖη ὀρθῶς. Καὶ οὐ τοῦτο βούλομαι λέγειν, ὅτι τρανότητά περὶ λόγους καὶ δεινότητά τινα περιττὴν χρὴ προσ-

(s) lege ἀποτελεῖ.

(t) forte, εἰ γάρ.

(u) forte τὰ αὐτὰ.

προσεῖναι ταῖς γυναῖξιν, εἴπερ φιλοσοφήσουσι καὶ γυναῖκες· οὐδὲ γὰρ ἐπ' ἀνδράν ἐγὼ πάνυ τι τοῦτο ἐπαινῶ· ἀλλ' ὅτι ἦθους χρηστότητα καὶ καλοκαγαθίαν τρόπου κτητέον ταῖς γυναῖξιν· ἐπειδὴ καὶ φιλοσοφία καλοκαγαθία ἐστὶν ἐπιτήδευσις, καὶ οὐδὲν ἕτερον.

M O T Σ Ω Ν Ι Ο Τ

ἐκ τοῦ ὅτι καὶ γυναῖξι φιλοσοφητέον.

Ἐπεὶ δ' ἐπόθετό τις αὐτοῦ, εἰ καὶ γυναῖξι φιλοσοφητέον, οὕτω πως ἤρξατο διδάσκειν ὡς φιλοσοφητέον αὐταῖς. Λόγον μὲν, ἔφη, τὸν αὐτὸν εἰλήφασι παρὰ θεῶν αἱ γυναῖκες τοῖς ἀνδράσι, ὧς τε χρώμεθα πρὸς ἀλλήλους; καὶ καθ' ὃν διανοοῦμεθα περὶ ἐκάστου πράγματος (α), ἀγαθὸν ἢ κακόν ἐστι, καὶ καλὸν ἢ αἰσχροῦν. Ὅμοίως δὲ καὶ αἰσθήσεις τὰς αὐτὰς ἔχει τὸ θῆλυ τῷ ἄρρενι, ὄραν, ἀκούειν, ὁσφραίνεσθαι, καὶ τὰ ἄλλα. Ὅμοίως δὲ καὶ μέρη σώματος τὰ αὐτὰ ὑπάρχει ἐκατέρῳ, καὶ οὐδὲν θατέρω πλέον. Ἔτι δὲ ὀρέξεις, καὶ οἰκειώσεις φύσει πρὸς ἀρετῶν οὐ μόνον γίνεται τοῖς ἀνδράσιν, ἀλλὰ καὶ γυναῖξιν· οὐδὲν γὰρ

(α) ὅτι excidisse videtur.

L 2

γὰρ ἦττον αὐταί γε τῶν ἀνδρῶν τοῖς μὲν καλοῖς καὶ δικαίοις ἔργοις ἀρέσκεισθαι πεφύκασι, τὰ δὲ ἐναντία τούτων προβάλλεσθαι. Τούτων δὲ ταύτῃ ἔχόντων, διὰ τί πρότερον τοῖς μὲν ἀνδράσι προσήκει· ἂν ζητεῖν καὶ σκοπεῖν ὅπως βιώσονται καλῶς, ὅπερ τὸ φιλοσοφεῖν ἐστὶ, γυναιξὶ δὲ οὐ πρότερον; ὅτι ἄνδρας μὲν προσήκει ἀγαθοὺς εἶναι, γυναῖκας δὲ οὐ; Σκοπῶμεν δὲ καὶ καθ' ἕνα καστον τῶν προσηκόντων γυναικὶ τῇ ἐσομένῃ ἀγαθῇ· φανεῖται γὰρ τὸ (b) φιλοσοφίας τούτων ἕκαστον μάλιστα· ἂν αὐτῇ περιγεγόμενον. Αὐτίκα δεῖ οἰκονομικὴν εἶναι τὴν γυναῖκα, καὶ ἐκλογιστικὴν τῶν οἴκῳ συμφερόντων, καὶ ἀρχικὴν τῶν οἰκετῶν. Ταῦτα δ' ἐγὼ φημὶ τῇ φιλοσοφίᾳ ὑπάρχειν ἂν μάλιστα· εἶγε (c) ἕκαστον μὲν τούτων μέρος τοῦ βίου ἐστίν, ἐπιστήμη δὲ περὶ βίον οὐχ ἑτέρα τις ἢ (d) φιλοσοφία καὶ ὁ φιλόσοφος. Ὡς γὰρ ἔλεγε Σωκράτης, τοῦτο διατελεῖ σκοπῶν, "Ὁ, τι τοι ἐν μεγάροισι κακόν τ' ἀγαθόν τε τέτυκται (e). Ἀλλὰ δεῖ δὴ καὶ σώφρονα εἶναι τὴν γυναῖκα· οἷαν κα-

(b) forte, γὰρ διὰ φιλοσοφίας.

(c) MS. αἰίγε· ἕκαστον.

(d) MS. ἡ.

(e) Homericum dictum, Odyss. Δ, 392, celebratum à Socrate: vid. Diogenes Laert. II, 21: Davifius ad Cic. Tusc. V, 4: nos ad Plutarchum Praecept. Sanitatis Tuendae p. 122, D.

καθαρεύειν μὲν ἀφροδισίων παρανόμων, καθαρεύειν δὲ τῆς περὶ τὰς ἄλλας ἡδονὰς ἀκρασίας, μὴ δουλεύειν ἐπιθυμίαις, μὴδὲ Φιλόνεικον εἶναι, μὴ πολυτελῆ, μὴ καλλωπίστριαν. Ταῦτα μὲν ἔργα τῆς σώφρονός ἐστι· καὶ ἔτι πρὸς τούτοις ἐκεῖνα· κρατεῖν μὲν ὀργῆς, μὴ κρατεῖσθαι δὲ ὑπὸ λύπης, κρείττονα δὲ πάθους παντὸς εἶναι. Ταῦτα δ' ὁ Φιλόσοφος παρεγγυᾷ λόγος· ὁ δὲ μαθὼν αὐτὰ καὶ ἀσκήσας, ἐμοὶ μὲν δοκεῖ γενέσθαι ἂν κοσμιώτατος, ἐπ' αὖν (f) ἀνὴρ εἴη εἴτε γύνῃ. Τί οὖν; ταῦτα μὲν ταύτῃ ἔχει· δίκαια δ' οὐκ ἂν εἴη γύνῃ φιλοσοφοῦσα, οὐδ' ἄμεμπτος βίου κοινωνὸς, οὐδ' ὁμονοίας ἀγαθῇ συνεργός, οὐδ' ἀνδρὸς καὶ τέκνων ἐπιμελὲς κηδεμών, οὐδὲ φιλοκερδείας ἢ πλεονεξίας πάντῃ καθαρά. Καὶ τίς ἂν μᾶλλον τῆς φιλοσόφου τοιαύτη γένοιτο, ἢν γε ἀνάγκη πᾶσα εἴπερ εἴη τὸ ἴσον φιλόσοφον (g), τὸ μὲν ἀδικεῖν τοῦ ἀδικεῖσθαι χεῖρον νομίζειν, ὅσῳ περ αἰσχίον· τὸ δὲ ἐλαττοῦσθαι τοῦ πλεονεκτεῖν κρείττον· ὑπολαμβάνειν· τὸ δὲ καὶ τέκνα μᾶλλον ἀγαπᾶν τοῦ ζῆν. Τῆς δὲ ἐχούσης οὕτω, τίς ἂν εἴη γύνῃ δικαιότερα; Καὶ μὴν καὶ ἀνδρειοτέραν προσήκει εἶναι γυναῖκα τῆς ἀπαιδεύτου τὴν πεπαιδευμένην, καὶ τὴν φιλόσοφον τῆς ἰδιώτιδος· ὥς μήτε θανάτου φόβῳ, μήτε ἄκνῃ τῇ πρὸς πόνον ὑπομεῖναι τι αἰσχρὸν,

(f) lege, εἴτε.

(g) MS. φιλόσοφος.

χρὸν, μὴδὲ ὑποπτῆξαι μηδενὶ ὅτι εὐγενὴς, ἢ ὅτι δυνατὸς, ἢ ἕτι πλούσιος, ἢ καὶ νῆ Δία ὅτι τύραννος. ὑπάρχει γὰρ αὐτῇ μέγα Φρονεῖν, καὶ τὸν μὲν θάνατον ἡγεῖσθαι μὴ κακὸν, τὴν δὲ ζωὴν μὴ ἀγαθόν· ὡσαύτως δὲ καὶ τὸν μὲν πόνον μὴ ἐκτρέπασθαι, τὴν δὲ ἀπονίαν μὴ διώκειν ἐξ ἅπαντος. Ὅθεν εἰκὸς εἶναι τὴν γυναῖκα ταύτην καὶ αὐτουργικὴν καὶ κακόπαθον, οἶαν ἃ μὲν ἂν τέκῃ τρέφειν μαστῶ τῷ ἑαυτῆς, τῷ δὲ ἀνδρὶ ὑπηρετεῖν χειρσὶ ταῖς ἑαυτῆς· ἃ δὲ δουρικὰ νομίζουσι εἶναι, ταῦτα ἀκόπως ποιεῖν. Ἄρ' οὐκ ἂν ἡ τοιαύτη γύνῃ μέγα μὲν ὄφελος εἴη τῷ γεγαμηκότι, κόσμιος δὲ τοῖς προσήκουσι γένει (h), παράδειγμα δὲ χρηστὸν ταῖς ἐπισταμέναις αὐτήν. Ἀλλὰ νῆ Δία, Φασί τινες, ὅτι αὐθάδεις-ὥς ἐπὶ πρὸς καὶ θρασεῖας εἶναι ἀνάγκη τὰς προσιούσας τοῖς φιλοσόφοις γυναῖκας, ὅταν ἀφεμέναι τοῦ οἴκου· ρεῖν ἐν μέσοις ἀναστρέφονται τοῖς ἀνδράσι, καὶ μελετῶσι λόγους, καὶ ἀναλύωσι συλλογισμοὺς, δέον οἴκοι καθημένους ταλασιουργεῖν. Ἐγὼ δὲ οὐχ ὅπως τὰς γυναῖκας, ἀλλ' οὐδὲ τοὺς ἀνδρας ἀξιῶσαιμ' ἂν, ἀφεμένους τῶν πρᾶσινόντων ἔργων, εἶναι πρὸς λόγους, μόνον· ἀλλὰ καὶ ὅσους μεταχειρίζονται λόγους, τῶν ἔργων φημὶ δεῖν ἕνεκα μεταχειρίζεσθαι αὐτούς. Ὡς περ γὰρ ἰατρικοῦ λόγου οὐδὲν ὄφελος, εἰ μὴ πρὸς ὑγιείαν φέρῃ
σώ-


(h) videtur quid excidisse.

σώματος ἀνθρώπου, οὕτως οὐδ' εἴ τινα φιλόσοφος ἔχει ἢ διδάσκει λόγον, οὐδὲν ὄφελος αὐτοῦ, ἐὰν μὴ φέρῃ πρὸς ἀρετὴν ψυχῆς ἀνθρωπίνης. Πρὸ παντὸς δὲ σκοπεῖν τὸν λόγον χρὴ, ὥς ἔπεσθαι τὰς φιλοσοφούσας ἀξιοῦμεν, εἰ δύναται θρασεῖας ποιεῖν, ὅταν (i) αἰδῶ μέγιστον ἀποφαίνων ἀγαθόν; εἰ ζῆν (k) ἰταμώτερον ἐθίζει, ὃ καταστολὴν πλείστην ὑφηγούμενος; εἰ μὴ διδάσκει σωφρονεῖν, ὃ κακὸν ἀποδεικνύς ἔσχατον τὴν ἀκολασίαν; εἰ μὴ προτρέπεται οἰκονομεῖν, ὃ παριστάς ἀρετὴν εἶναι τὴν οἰκονομικὴν; Καὶ στέργειν δὲ καὶ αὐτουργεῖν ὃ τῶν φιλοσόφων λόγος παρακαλεῖ τὴν γυναῖκα.

(i) lege, ὃ τὴν.

(k) MS. ἀγαθόν τι ζῆν.





M E M O R I A S A N C T O C R U C I I.

Obiit & Sanctocrucius noster: & frustra optavimus, Bibliothecae Criticae Parte Undecima, ut ipfius ad annos accederet quod Villoifono detractum effer: obiit, trifte fui defiderium relinquens omnibus virtutis doctrinaeque amantibus, & vero mihi, quamvis longis loci temporisque intervallis difjuncto, tamen ftudiorum fenfuumque communione & amicitiae veruftate conjuncto. Ergo quod Villoifono mortuo tunc tribuimus, nunc item Sanctocrucio tribuamus, & hujus de vita rebusque breviter memoremus: quarum cognitionem partim ab ipfo acceptam recordamur, partim nobis aliquantum auxit vir eruditiffimus, idemque Literarum Orientalium princeps, edito hujus argumenti brevi libello (*). Et quamquam poft tantum virum rem actam agere videamur, & Sanctocrucius noster fuis ipfe doctrinae monu-

men,

(*) Notice fur M. Guilhem de Clermont Lodève de Sainte-Croix, inférée dans le Catalogue des Livres de fa Bibliothèque. = Juin. par M. Silveftre de Sacy. Praenomina Sanctocrucii fuerunt, *Guiliclmus, Emmanuel, Jofephus.*

mentis ad omnem posteritatem commendatus sit; maluimus tamen committere, ut in hac nostra descriptione & sedulitate potius iudicium & facultas, quam in silentio pietas & officium, desideraretur.

Natus est Mormoirone, in vicino urbis Carpentoraëctis, Comitatus Vindauscensis, gente nobili, die V Ianuarii, anni MDCCXLVI. Hic enim annus in libello laudato editur: qui si vere editur, de quo non statuimus, nos & alios errasse oportet, qui Sanctocrucium vel decennio, vel minimum quinquennio, antea natum credidimus. Literis ac disciplinis institutus Gratianopoli in scholâ Iesuitarum, illius institutionis modo ac tempore confecto, militiae nomen anno MDCC LXI dedit.

Erat enim ei patruus Sanctocrucius ille, Legatus Legionis, insigni recens famâ celebratus, Bell-insulâ, Gallorum in Aremoricae orâ propugnaculo, adversus Britannorum diuturnam & acerrimam oppugnationem defendendâ, nec prius dedenda quam ultima quaeque & tentasset & tulisset. Cujus fortitudinis commendatione, Rex eum Praetorem fecit Martinicae, coloniae Gallorum in Antillicis insulis florentissimae: & provinciae Praetori in primis luculentae. Ipse illuc proficiscens hunc fratris sui filium in cohortem suam assumpsit, munere Adjutorem Castrensem, gradu Centurionem

nem Equitatus. At speratum provinciae fructum eodem anno patruī obitus intercepit. Sanctocrucius in patriam rediit, patruī acta praetoria Regi reddidit: ab eoque, donec centuriae praeficeretur, inter Grenadarios Franciae allectus est: sic tum dicebatur una ex Legionibus, quibus flos peditatus Gallici censeretur, quae corporum robore ac proceritate, morum urbanitate, priscum junctae cum humanitate fortitudinis exemplum referre videretur. Qua in Legione, ut per tempus tranquillum & pacatum, otio abundans, totum hoc ad recolenda Literarum studia contulit; omni Historia & Geographia pertractanda, omni Antiquitate ejusque partibus cognoscendis, Graecis & Latinis scriptoribus legendis. Sed quum stationibus mutandis in loca saepe veniret illiterata, in quibus manendum & libris carendum esset, hac in primis de causa militiam pertaesus, ea se abdicavit, in urbem natalem ad patrem rediit amplis & avitis bonis fruentem, & in hujus filii spe acquiescentem. Filius in Literarum studio pergens, patrem obsequio & pietate colebat: tum vero, ut senectutem ejus magis etiam oblectaret & exhilararet, ex hujus voluntate, & sua ipse animi sententia, a. MDCCCLXX, uxorem duxit egregiis animi ingeniique dotibus commendatam: ex qua mox duos filios & filiam suscepit. Neque

ta.

tamen rei familiaris cura se à suscepto doctrinae amore & commentatione avocari passus est: quin, tamquam in majori otio, alacrior coeptum iter persequens, explicandis quaestionibus ab Academia Elegantiorum Literarum & Inscriptionum ad disceptationis certamen positus, ter victoriae praemium retulit. Quarum quaestionum altera fuit de censendis Scriptoribus Rerum Alexandri Magni. Cujus quaestionis explicationi, anteaquam ederetur, locupletandae & expoliendae, tum cognoscendis doctis hominibus, omnique librorum & editorum & scriptorum generi usurpando, Lutetiam Parisiorum se contulit: curam familiae, patris, liberorum, fidissimae custodi, uxori, relinquens. Ibi tum ei degenti, & Villoisfono, ego per annum meae commorationis Parisiensis MDCCLXXV, ad eam, quam dixi, familiaritatem amicitiamque conciliatus sum. Quos tunc quales cognovisse mihi visus sum, fortasse nec aliis scire ingratum sit: mihi certe recordari jucundum est. Magna erat in Sanctocrucio rerum scientia, magna judicandi facultas: & quasi se in militari vita ad imperatoriam artem conformasset, sic eandem rationem ad intelligentiam doctrinarum accommodabat; ut cum in universae Historiae & Antiquitatis cognitione, tum in singularium argumentorum tractatione, totam materiae tamquam exercitus magnitudinem uno in

in conspectu videret, suis terminis designaret, generibus discerneret, partibus distingueret: quid quaeque valeret, quo pertineret, quo loco ponenda esset, attenderet: fontes & auctores omnes, & accurate teneret, & verissime aestimaret. Sed rerum haec erat, non verborum scientia: deerat Graecae linguae grammatica cognitio: quam vel puer non satis perceperat, vel miles neglexerat: tunc autem, quod Plutarchum in Latina lingua facilitasse legimus, sic acquirere & recuperare studebat, ut ad Scriptorum Graecorum lectionem adferret materiae cognitionem; itaque ex argumento & rebus verba & orationem disceret, in iisque ad eum gradum proficeret, qui rerum cognitioni satisfaceret. In Villoisfono major erat doctrinae non quidem praestantia, sed varietas: multiplex rerum scientia ex omni librorum genere hausta: grammatica etiam & critica linguarum cognitio insignis; ordo & ratio in disserendo & argumento explicando, non item: ut judicandi facultas quamquam ei minime deesset, tamen subinde non appareret: exquisitas doctrinae copias fere confertim effundens, ad eas intelligendas legentes ipsos iudicium suum adferre volebat: contemnens merito scriptores doctrinae inopiam iudicando compensare ac dissimulare solitos, & comparans fabricis sine materia opus architectari ingredientibus:

bus; ipse nimis in contrarium inclinabat. Ad scribendum non nisi patrium sermonem usurpabat Sanctocrucius, cum elegantia, decore, & eloquentiae luminibus: Villoisonus etiam Latinum, utrumque, ut perspicuitate contentus esset. De hujus moribus suo loco diximus. Similis ei erat Sanctocrucius fide erga amicos, benevolentia erga cives & externos, in primis homines doctos: caeterum excelsus animus, honestum ac decorum appetens, turpe & indecorum averfans: cujus in omni sermone frequens generosos sensus promebat; si cujus juste, recte, humaniter, aut secus, facti mentio incideret. In primis autem Urbis, ut tunc erat, luxuriam indignabatur, & verissimam morum corruptionem interpretabatur, ejusque quamvis dudum sibi cognitae, tamen quovis novo exemplo ipse ut novus & recens commovebatur. Quam quum aliquando doctus homo carmine Latino haud inficeto, sed lascivo, depinxisset, idque Sanctocrucio & aliis praesentibus recitaret, hic recitatorem ita corripuit, ut obmutesceret: Siccine, inquit, lascivi amores non per se ipsi satis sunt fallaces ac lubrici, ut iis illecebras etiam poesis addere debeat? Ille, hoc ita moris esse apud Latinos, sic Antiquos & novos factitasse. Quasi vero, inquit, Latinus sermo honesti decorique legibus solutus sit.

Ad

Ad hanc sensuum altitudinem accedebat morum generosa quaedam simplicitas ac puritas, ab omni superbia fastuque immunis; ut externa, quibus gloriari posset, bona, nobilitatem, divitias, honores, gratiam aulicam, ne nosse quidem videretur: unam nosset laudem virtutis ac doctrinae: has solas sibi propositas haberet, & propter ipsas consecraretur, earumque ademptione & suam & aliorum felicitatem censeret.

Talem nos tunc eum cognovimus, & postea fuisse novimus. Proximo anno ad suos Mormoironem rediit. Altero Helvetiam ac vicinas regiones lustravit: & Bernae dies aliquot apud Ithium nostrum fuit, nuper Parisiis nobis comitem & contubernalem, tum Bibliothecae Bernensis praefectum, nunc Sacrorum Antistitem insigni pietatis ac doctrinae laude florentem. Laetae diu res fuerunt, & semper fore videbantur. Quod à rei familiaris cura & amicorum negotiis tempus superesfet, quod sane multum erat, Literarum studiis dabat. Denuo victor renunciatus est propositi, ab eadem Academia Inscriptionum & Elegantiorum Literarum, certaminis literarii *de numinibus & cultu Cereris & Proserpinae* a. MDCCLXXVII. Proximo anno secutus est sacer Indorum liber dictus *Ezour-Vedam*, id est, *Vetus Commentarius Vedami continens expositionem opinionum religiosarum &*
phi-

philosopharum, Indorum. Ebroduni a. MDCC-LXXVIII, duobus voluminibus, formae duodecimae. Rursus proximo, De Statu & conditione Coloniarum apud Antiquos. Philadelphiae, forma octona MDCCLXXXI: item Annotationes additae editioni Vibii Sequestris Oberlinianae. Et de his quidem duobus illius anni operibus verbo diximus in Bibliothecae Criticae Parte IV, p. 132, & VI, p. 116: uberius autem de utraque editione Censurae Scriptorum de Rebus Alexandri Magni, ibidem: de prima, Parte II, p. 129: de altera, XI, p. 130. Porro gravissimum argumentum de Mysteriis Veterum, jam antea affectum in Disputatione de numinibus Cereris & Proserpinae, singulari libro fufius diligentiusque tractavit, edito Parisiis a. MDCCLXXXIV, forma octonaria. Quem librum quum Villoifonus edendum recepisset, sic edidit, ut ipse de hoc argumento commentarium scriberet, commentario Sanctocrucii adjiceret atque interfere-ret, eumque fere obrueret. Quod non sine ratione aegre tulit Sanctocrucius: & improbarunt etiam communes amici Villoifonum, qui tantum sibi juris in alieno sumsisset opere; quamvis caeterum non ingratum iis accidebat, hujus copiam cum illius philosopha ratione conjunctam existare. Fuit haec levis offensuscula, quam utriusque mox lenitas, & amicitiae mutuis officiis &

& studiorum communione confirmatae integritas, oblitteravit. In haec tempora inciderunt aliae scriptiones: duae politicae: altera, *Observationes Pacti Pacis factae inter Gallos & Britannos* anno MDCCLXIII, edita Ebroduni a. MDCCLXXXII, forma duodenaria: altera, *Historia incrementorum potentiae navalis Britannorum*, ibidem, eadem forma, duobus voluminibus duodenariis: tertia literaria, *Hypomnema ad Scriptores Diarii Eruditorum, de facienda nova editione Geographorum Minorum*: forma quartanaria: nulla additâ tituli paginâ singulari, nec anni locive notatione. Illas non vidimus: hanc ab ipso nobis missam legimus, & in manibus habemus, & agnoscimus indidem illam ejus ingenii facultatem, materiae quatuorvis variae suis & finibus complectendae, & partibus describendae. Hic erat Literarum proventus. Rei autem familiaris uberrimum percipiebat fructum è diligente liberorum educatione ad egregiam spem crescentium: filiis jam tantum, quantum per eorum aetatem licebat, provectis: majore ad munus Accensi, vulgo *Locum tenentis* dicti, in Legione Bellovacensi: minore, in schola Alaisia ad militiam navalem instituto, & propediem in eam allegendo. Et videbatur perpetua haec vitae prosperitas futura fuisse; nisi eam inopinato Gallici regni conversio prostravisset. Nam

M

quum

quum speraretur Comitatum Avenionensem & Vindauſciensem, qui essent in ditione Pontificis Romani, à contagione seditionis immunes fore; hanc spem eventus fefellit. Obtinuit illas terras cohors Jourdani, ferro & flammis grassans, civibus veteris formae studiosis, optimatibus, nobilibus, aliis, praesens exitium omnibus intentans, multis inferens. Hac primum Mormoironem adventante anno MDCCXCI, mense Aprili, Sanctocrucius domum paternam reliquit: abeunte rediit, spe quidem ille quietis & recuperandae tranquillitatis; re & facto, graviora pasſurus, & proxima supremæ necessitati subiturus. Sequenti enim anno MDCCXCII, carceri inclusus, jamque in conspectu habens pegma supplicii mortiferamque securim, mirum in modum evasit, &, mutato vestitu habituque, Lutetiam Parisiorum pervenit. Uxor, relicto vetere Mormoironis domicilio, Avenionem se contulit: &, quae sua constantia, solertia, & animi praesentia, maritum & liberos servasset, parum abfuit quin ipsa ibi periret. Nam à praedonum principibus decreto, jamque satellitibus mandato, ut comprehenderetur, illo ipso temporis puncto reperit quomodo aufugeret: & ad maritum se recepit a. MDCCXCIV, mense Martio. Interea praedones spe sua decepti, iram, quâ in dominos absentes incensi erant, explerunt rebus eorum

eorum praesentibus vastandis & raptandis. Bona traduntur sequestro, domus à sodalizio seditioso occupatur, libri diripiuntur, chartae cremantur. Accessit cumulus omnium acerbis, obitus amborum filiorum: qui utrum sua morte, an aliena vi, obierint, in neutram partem significat Scriptor: posterius tamen ut verisimilius censeamus, faciunt cum tempora, tum quae aliunde accepta nobis meminisse videmur. Erat autem haec & in desperatis rebus unici ademptio solatii, & in restitutis continua doloris instauratio; quum in reliquiis naufragii rei familiaris semper aliquid occurreret, quod carissimorum capitum desiderium excitaret. Ita undique ad moerorem sollicitatus, non tamen ei indulget, neque principalem animi partem aegritudine affici passus est. Quin sapientis munere fungens, prudentiam, fortitudinem, temperantiam, retinuit. Quae illi constantia & felicitas veniebat è certa verorum bonorum aestimatione, vanorum contemptu, & firmâ sententiâ res humanos totumque universum divino numine gubernari: quam sententiam à teneris susceptam, deinde per totum vitae cursum quotidiana observatione, tum Historiarum & Philosophiae commentatione, ad certam iudicii stabilitatem corroboraverat. Itaque de injuriis sibi illatis placide & sentiebat & narrabat, ut quae di-

vinitus accidissent: & earum auctoribus ignoscebat, ut qui magis necessitate fati, quam sua voluntate fecissent. Mansit deinceps Lutetiae; quippe urbe libris Literarumque subsidiis adfluente, & doctis hominibus frequente: intermissa doctrinae studia repetivit, in hisque recentium calamitatum solatium & quaesivit, & invenit. *Opera Diversa J. J. Barthelemyi* duobus voluminibus formae octonariae, addito ejusdem *Elogio*, edidit Parisiis, anno Reip. VI, id est, MDCCXCVII: proximo anno ibidem singulare volumen ejusdem formae, *De antiquis Rebuspublicis Federatis*: alteram editionem Censurae Scriptorum De Rebus Alexandri M. anno MDCCCIV: de qua retulimus Bibliothecae Criticae Parte XI, & votum hoc apposuimus: „Itaque optamus, ut egregio viro, quae adfuit studii intentio, animi corporisque alacritas, otii aliarumque rerum abundantia, ad hoc de Alexandri historia opus ornandum, eadem ei suppetat ad librum de Mysteriis Veterum, quem nunc maxime in manibus habet, nova editione locupletandum & frequentandum.” Quod item vanum fuit votum: quamquam reliquit exemplum primae editionis plenum lituris, correctionibus, & additionibus; unde alteram editionem se facturum profitetur Sanctocrucii sodalis, vir doctus, cui legavit scripta sua inedita & adversaria.

Fue-

Fuerat autem ipse sodalis Academiae Inscriptionum: qua extincta anno MDCCXCIII, deinde instaurata anno MDCCCII, sub nomine *Classis Historicae & Literariae Instituti*, hujus item Classis sodalis fuit: & utrumque sodalicium, vetus & novum, ornaverat, traditis ad praelegendum & edendum disputationibus compluribus: quarum quae ad *Academiam* pertinuerunt, in hujus *Actis* brevi prodibunt. *Instituto* tradidit disquisitiones copiose scriptas, *de Sepulcro Mausoli*, & *de Chronologia Regum Cariae*: & duas parabat commentationes, alteram *de Historia Philosophiae apud Romanos*, alteram *de vero tempore natali Christi*. Aliae etiam ejus scriptiones proditae sunt in aliis Syllogis Periodicis, veluti in *Diario Eruditorum*, *Horreo Encyclopaedutico*, *Archivis Literariis*. His annumerandae sunt quaedam à Silvestro memoratae: *Elogia*, *Abbatis Poulei*, *Cardinalis Bernisii*, *D. Clementis*: *Cogitationes de Providentia*: *Commentarium de cursu fluviorum Araxis & Cyri*. Ex hac librorum multitudine & argumentis de doctrinae ejus magnitudine & praestantia suspicari licet. Et materia & forma congruebat animi cum generositati, tum humanitati. Materia erant *res*, earumque praestantissimum genus, historia ingeniorum, Literarum, doctrinarum, religionum, morum, rerumpublicarum & regno-

rum, rationis civitatum constituendarum, gubernandarum, legum ferendarum, juris publici & gentium, prudentiae civilis. Forma & ratio fuit, qualis à nobis declarata est in Censura Scriptorum de rebus Alexandri, Bibliothecae Criticae Parte XI, p. 142, ubi sic diximus: „Nos ut in quibusdam locis ab auctore dissentimus, ita universe eum omnes historici muneris partes explevisse judicamus. Nam & materiae collectae tanta est copia, ut nullus accessioni relictus videatur locus, & quasi thesaurus sit historiae Alexandri: nullus qui ad eam pertineat homo, locus, nullum factum, opus, tempus, nulla res & actio, nulla cujusquam scriptoris mentio desideretur: sed omnibus etiam scriptoribus per-censendis, omnium saeculorum & aetatum virtutes vitiaeque notentur. Et materiam quasi *spiritus intus alit*, arque animat distributione, judicio, ratione, sensu magnitudinis & honestatis, ac religione reverentiaque muneris historici: horumque cogitatorum diserta & gravi declaratione.” Quod in quibusdam locis ab auctore dissentire nos diximus, referebatur ad hanc editionem: in qua frequenter laudat effata Bossuetii, de Historia rhetorice magis quam critice dissentientis, & judicium religione occupantis: & majorem, quam antea Canoni Hebraico auctoritatem chronologicam tribuit: in quo item Larcherum & Vil-

Villoisonum per civilem illam conversionem mutatos cognovimus. Villoisoni obitum continuo dolenter amanterque mihi perscripsit anno MDCCCIV, de causa morbi prudenter & utiliter monuit: mox ejus Memoriam ab Institutii socio Dacierio, V. Cl., scriptam transmisit, & iniquius de Villoisoni doctrina judicatum improbavit. Adeo dolorem magis in amicorum, quam sua, causa prodere solebat. Nam quum biennio postea filiam, quae una ei ex natis supererat, jam viro nuptam, morte amisisset, eaque orbitate ad veterem filiorum luctum renovaretur, suum sibi casum ut fatalem tacitus tulit, nec ejus notitiam absentibus, quamvis amicis, nec mihi, ad quem illo tempore alia de causa scribebat, impertivit. Idem, quum eodem tempore ageretur de Republica nostra in Regnum mutanda, nil prius potiusque habuit, quam ut me per literas moneret, quibus rationibus meae fortunae, quam periclitari putabat, consulerem. Quod consilium licet infecuta temporum lenitas supervacaneum redderet, magnum tamen ejus erga me fidei & amoris documentum existit. Ineunte proximo anno MDCCCVII, quum nostram urbem terribilis illa clades die xii Januarii afflisset, hic ad primam rei famam perculsus, nullam moram interposita, domo exiit sciscitatum apud communes familiares, si quid mihi

accidisset: comperto, me vivere & valere, literas quantocyus ad me dedit, postulans, ut se de meis rebus ipse certiore facerem. Postremas ab eo literas mihi Lutetiâ redux adtulit Ravius noster, mox ipse die 1 Decembris nobis morte ademptus. Quae, profecto, tam crebrae hominum nobis carorum mortes nos quoque admonent, ut breve & incertum reliquae vitae spatium bene factis extendere conemur. Sanctocruciô autem nostro exitum adtulit affectio corporis, quae magis cum doloribus quam vitae periculo conjuncta videretur: qua laborantem dum amici spe & commemoratione repetendorum studiorum, absolvendarumque scriptio-
num inchoatarum, recreant & consolantur, inopinato mors eum abstulit die xi Martii, hujus anni MDCCCIX. Talem tantumque virum amisimus Sanctocrucium, qui non solum familiaribus & amicis triste suavitatis & consuetudinis suae desiderium, sed omnibus doctrinae, virtutis, magni & in adversis rebus invicti animi, egregium exemplum reliquit. Et unus nunc ex illa Parisiensi aetate atque consuetudine nobis tu superes, Larchere, Nestorea vicens senectute; quam Tibi porro laetam fortunent Musae!



NARRATIONES,

ET

LIBRORVM SVMMARIA,
EPITOMAE, IVDICIA.

accidisset: comperto, me vivere & valere, literas quantocyus ad me dedit, postulans, ut se de meis rebus ipse certiores facerem. Postremas ab eo literas mihi Lutetiâ redux adtulit Ravius noster, mox ipse die 1 Decembris nobis morte ademptus. Quae, profecto, tam crebrae hominum nobis carorum mortes nos quoque admonent, ut breve & incertum reliquae vitae spatium bene factis extendere conemur. Sanctocruciô autem nostro exitum adtulit affectio corporis, quae magis cum doloribus quam vitae periculo conjuncta videretur: qua laborantem dum amici spe & commemoratione repetendorum studiorum, absolvendarumque scriptio-
num inchoatarum, recreant & consolantur, inopinato mors eum abstulit die xi Martii, hujus anni MDCCCIX. Talem tantumque virum amissimus Sanctocrucium, qui non solum familiari-
bus & amicis triste suavitatis & consuetudinis suae desiderium, sed omnibus doctrinae, virtutis, magni & in adversis rebus invicti animi, egregium exemplum reliquit. Et unus nunc ex illa Parisiensi aetate atque consuetudine nobis tu superes, Larchere, Nestorea vicens senectute: quam Tibi porro laetam fortunent Musae!



NAR.

NARRATIONES,

ET

LIBRORVM SVMMARIA,
EPITOMAE, IVDICIA.

3

012

ALPHABETICALLY

ALPHABETICALLY

I. *EPICRISIS Censurarum Bibliothecae Criticae Vol. III. Part. III: auctore GUIL. LEON. MAHNE, Gymnasii Amisfurtani Rectore. Trajecti ad Rhenum: ex typographia Joh. Altheer. MDCCCVIII, 8. pagg. 104.*

Mahnii nostri Epicrisin nuper verbo memoravimus in ipso exitu Bibliothecae Criticae; nec iterum nunc memoraremus, nisi nobis faciendum judicaretur, ut eum publice moneremus, ne se repetitis istorum censuris moveri, nedum ad respondendum induci, sineret. Duo autem fuerant censores Belgici, qui Bibliothecae nostrae Partem XI oppugnarent. Alter, *Recensens Recensitum* dictus, censurae libelli nostri admiscuerat notationem Mahnii, compluribus locis eum à recta Latinitatis ratione aberrasse contendens. In quo etsi, praeter, rem ac propositum, inique insciteque egerat, tamen subinde fuit quod ei taciti gratias ageremus. Nam, ut nil tam est malum, quin ei aliquid saltem boni insit; sic ista *recensio* illud unum boni habuit, quod Mahnium nostrum inde ab edita Diatribe Aristoxenea institutione Literaria, suis studiis, & re familiari

oc-

occupatum, ad hanc Epicerisin scribendam excitavit: doctam sane & plenam accurata cum Latinitatis observatione, tum Literarum scientia. Cui Epicerisi quum rursus similem priori reprehensionem Cenfor opposuerit; nos quidem Mahnio suademus, ut in nova sua statione Zierikzeana, si quid habet orii & quietis, eo in rebus studiisque suis fruatur, & quidvis potius quam responsum ad istiusmodi libellos cogitet. Alter Cenfor, qui, quamvis parum, tamen paulo plus habuit Literarum, in *Theatro Oeconomico-Literario* sententiam suam prodidit: atque sic orsus, ut nos tantis afficeret atque cumlaret laudibus, quantas nec agnoscimus in nobis, & referre verecundamur, deinde se ad Latinae nostrae orationis, modo à se tantopere laudatae, reprehensionem convertit. Cujus tam mirificae conversionis hanc utramque verisimilem causam suspicari possumus, ut putemus Theatri istius actores esse Oeconomum & Literatorem: illum tamquam dominum, aut patrem familiae: hunc, quasi libertum, aut filium, in illius certe potestate. Igitur quum Literatorem tantas laudes in nos effundere videret Oeconomus, minus nobis favens, eum increpuit: Heustu, inquit, satis est laudis! jam vituperio eam tempera. Tum hic: Atqui sic ipse mihi repugnem: & Graeca parum intelligo. Ille: Ergo Latina reprehende:

de: reprehendendum omnino est, quidquid & quacumque ratione poteris. Ita Literator dicto audiens Oecono^{mo} esse debuit: fecit quod potuit. Quod cujusmodi fuerit, ex duobus specimenibus cognoscere licet. Veluti: quum nos improbasset^{mus} dictionem *teneri aliquid facere*, quae vulgo usurpatur pro *lege obstrictum esse ad aliquid faciendum*: ille contendit, nos ipsos ea dictione usus esse, qui alicubi scripseramus, *studio Platonis teneri*. Et quod scripseramus, *viam persequi*, hac animadversione notavit: „ Equidem dubito, idque auctoritate Rubnke-
 „ nii ad Muretum p. 38 & 67, an *dictio perse-*
 „ *qui viam* bene Latina sit.” Atqui Rubnke-
 nius ibi non de dictione *persequi viam*, optimis
 Scriptoribus usitata, sed de verbo *prosequi* dixe-
 rat. Nos Literatori aliam conditionem optamus:
 in qua, solutus necessario censendi labore, doc-
 trinae suae modulum diligente lectione augeat.
 In Mahnii autem libro quamvis parvo, quanta
 sit doctrinae copia & diligentia, ex ipsius lectio-
 ne cognoscendum est: quamquam argumenta vel
 ex Indice intelligi possunt: quae praecipua haec
 sunt: Constructio per plures Ablativos continua-
 ta. Accentus Gr. vis in distinguendis Adjectivis
 Activis & Passivis. *Acquirere. Adhuc.* Adjecti-
 va in *ficus*, τικὸς, αχ, desinentia. *Ad instar.* An-
 titheta. *Elogium.* Γυναικοφιλής. *Horreum.* Ju-
 re

reconsultorum auctoritas in constituenda Latinitate. *Labor & Labores*, de studiis. Latinitatem non nisi Ciceronis verbis constare, falsa opinio quorundam. *Magasenum*. *Omnimodus*, bene Latinum. *Ὠρεῖον*, *horreum*. *Paronomasia*. *Patriophilus*, vox nihili. *Prae se ferre*. *Praecepta percepta habere*. *Praesens* pro Futuro. *Promptuarium*. *Quidam*, non semper contentum significat. *Repudiare*. *Sequax*. *Solida doctrina*, ἀκρὸς est. *Tempus suspiciosum*, *sanguinolentum*: similia, v. c. *Siciliensis annus*. *Teneri aliquid facere*, non Latinum. *Tutus*. *Viam persequi*. De nobis, subinde. Sed, quod diximus, copia & accurata doctrina ex ipso libro cognosci debet.

II. *DISPUTATIO Juridico Literaria, Inauguralis: de M. Tullii Ciceronis Oratione Pro A. Licinio Archia Poëta — quam publico ac solemni examini submittit JO. THEODORUS NETSCHER, Roterodamus. a. d. xxix Octobris, a. MDCCCVIII. Lugduni Batavorum. 8. pagg. 65.*

Et scriptor nobis quinquenni Literarum disciplina cognitus ac probatus, & scriptio elegans ac docta, & argumentum, quamvis Juridicum, tamen humanioribus cum studiis conjunctum, committere nos non sinunt, ut hunc libellum silentio praetercamus. Est autem haec una in
Ora-

Orationibus Ciceronianis omnium suavissima, & cum caussa, tum ratione, humanissima, neque fere cuiquam vel mediocriter Latinis Literis imbuto non lecta; saepe edita, & à multis etiam interpretibus illustrata: nequaquam tamen satis explicita, sed compluribus in locis aut rerum obscuritate, aut librariorum mendis, ad intelligendum difficilis. Quo magis fuit adolescentis studiosi & literati, hac Oratone tractanda progressuum suorum specimen prodere, eosque ad bonorum intelligentiumque virorum existimationem favoremque commendare. Disputatio duabus constat partibus: quarum priore p. 1 — 18, univérse de hac Oratone, id est, de quaestionibus, quae ad eam totam communiter pertinent, agitur: altera Annotationem ad singulares ejus deinceps locos continet. Ergo prioris haec est materia: de *tempore* habitae hujus Orationis: de *argumento*: de novo & inusitato loco, ad Iudices de Literarum praestantia differendi: de *caussa*, fraude & consuetudine peregrinorum civitatem mentiendi, & in censum irrependi: de *Jure Civitatis*, ejusque commodis: de *similibus caussis*, v. c. I. Corn. Balbi, pro quo Ciceronis Oratio exstat: & aliorum, de quibus in Epistolis Ad Divers. mentio fit, XIII, 30, 35, 36: de *Archiae* rebus ac scriptis: de *Gratio* accusatore, an idem potuerit esse, qui Gratinus Faliscus

cus poeta venatici carminis. Altera pars per singula deinceps ab initio ad finem capita deducitur, eorumque memorabiles ac difficiles locos attingit; eosque ex cognitione Historiae, Antiquitatis, Jurisprudentiae, Graecis Latinisque Literis, Philosophiae, & Grammaticae ratione illustrat. Qua ex copia quum longum sit exempla prodere, potiora quaedam nomine saltem notabimus. Cap. I: nominis ratio, *Aulus Licinius Archias*. Tres doctrinae fontes, *natura, exercitatio, ratio*: φύσις, ἄσκησις, λόγος. *Humanitas*, & artium ejus commune vinculum. II. *Judicium publicum apud Praetorem*. *Otium ac studium*. *Judiciis periculisque*. III. *Latini magis colentes studia quam Romani*. IV. *Cum L. Lucullo in Siciliam profectus: verius esse Ciliciam. Heraclea. Lex Sylvani & Carbonis. M. Lucullus*, potius legendum *L. Lucullus*. V. *Appii tabulae — Gabinii — Metellus*. *Non modo post civitatem datam, sed etiam post Legem Papiam. Ad aerarium relatus est à L. Lucullo Praetore & Consule*: probatur correctio Graevii & Ernesti — à *L. Lucullo Proconsule*. VI. *Tempestiva convivia*. *Ex his studiis haec quoque censetur oratio*: pro vulgato censetur, vetus crescit recipiendum. *Natura, ratio, & conformatio doctrinae*. *Nihil esse in vita magnopere expetendum, nisi laudem atque honestatem*. VII. *Haec*
stu-

studia adolescentiam alunt: haec lectio probatur prae vulgari, agunt. VIII. *Suo jure noster ille Ennius sanctos appellat poetas. Urbes de patria Homeri certantes.* IX. *Quorum ingeniis haec feruntur, ab his populi Romani fama celebratur. Hujus proavus Cato: de vi pronominis, hujus.* X. *Latina suis finibus, exiguis sane, continentur.* De Theophane Mitylenaeo, scriptore rerum Pompeji M. De Metello, poetis Cordubensibus, & Corduba Colonia. XI. *Decimus Brutus, Attii poetae amicissimus. M. Fulvius Nobilior, Martis manubias Musis consecrav.* XII. *Cum statuas & imagines, non animorum simulacra, sed corporum, studiose multi summi-que homines reliquerint, consiliorum relinquere & virtutum nostrarum effigiem nonne multo male debemus summis ingeniis expressam & expositam?* Cicero ab Isocrate in Euagora sumit, ab illo Horatius, Ep. II, 1, 248: *Nec magis expressi vultus per aeneae signa, Quam per vatis opus, mores animique virorum Clarorum apparent* — & Carm. IV, 2, 16: *& centum potiore signis Munere donat.* Est etiam tribus locis, ubi sententiam à nobis nostram exquisivit, impertitamque adscripsit: quam haud alienum est hoc loco reponere. Prima est ad Cap II: *in judicio publico, cum res agatur apud Praetorem Populi Romani: ubi haec scribit auctor:*

N

,, De

„ De judiciis publicis non est quod dicamus;
 „ quippe re ex Antiquitatibus nota. De Prae-
 „ tore autem hujus judicii res non est satis ex-
 „ pedita, & ab interpretibus praetermissa.
 „ Praetorum quidem hujus anni nomina prodit
 „ Pighius Annal. Magistrat. Rom. T. III, p.
 „ 347: Publio Cornelio Lentulo Spintheri
 „ praeturam urbanam assignans, de peregrina
 „ autem practura & quaestionibus, quam quis-
 „ que sortitus fuerit, nil significans. Jam quum
 „ constet Praetores Urbanum & Peregrinum ju-
 „ diciis privatis, caeteros autem judiciis publi-
 „ cis, id est quaestionibus, praefuisse: & quum
 „ haec Archiae causa publica fuerit, dubium
 „ est cuinam reliquorum Praetorum quaestio
 „ peregrinitatis attributa fuerit. Qua de re
 „ quum Wyttenbachio V. Cl. me dubitare nar-
 „ rarem, sic mihi respondit.” Pighianorum An-
 „ naliū fides, ut alias saepe, sic hoc loco,
 „ mere conjecturalis est, ita tamen ut proban-
 „ da magis, quam improbanda sit. P. Corne-
 „ lium Lentulum Spintherem, illum Ciceronis
 „ amicum, ejusdemque ab exilio revocandi
 „ auctorem, Pighius Praetorem facit hujus an-
 „ ni, propterea, quia eum proxime sequente
 „ anno Hispaniam Citeriorem provinciam pro
 „ Praetore obtinuisse constat: Urbanum autem
 „ Praetorem, quia ludos Apollinares fecit: quos
 „ fa-

„ facere Praetoris Urbani fuisse, tradere Livium
 „ XXV, 12, & XXVI, 23: & à Lentulo Spin-
 „ there factos, referre Plinium Hist. Nat. XIX,
 „ 6, nulla quamvis addita anni notatione. Le-
 „ via haec aliis videantur argumenta, praefer-
 „ tim, quod ille successionis & munerum mos
 „ exceptionem habere potuit: at minime con-
 „ temnenda nobis historiarum studiosis, diserta-
 „ rum penuria auctoritatum saepe ad conjectu-
 „ rae verisimilitudinem descendere coactis. Ita-
 „ que Freinshemius diligentis homo doctrinae,
 „ Apollinares hos à Lentulo factos ludos ad
 „ eundem hunc annum refert in Supplementis
 „ Livianis CIII, 64. Accedit aliud indicium,
 „ nescio quomodo, ab interpretibus neglectum.
 „ Nam qui nusquam in tota hac oratione no-
 „ minari videtur Praetor hujus quaestionis, aut
 „ fallor, aut is ipse est, qui Cap. V, memo-
 „ ratur his verbis: *Metellus, homo sanctissimus*
 „ *modestissimusque omnium, tanta diligentia*
 „ *fuit, ut ad L. Lentulum Praetorem & ad*
 „ *Judices venerit, & unius nominis litura se*
 „ *commotum esse dixerit.* Hic est Metellus,
 „ apud quem antea Praetorem, amicum suum,
 „ Archias professus erat: hic P. Lentulus, hu-
 „ jus anni Praetor Urbanus, apud quem haec
 „ quaestio agebatur, quem Metellus docet in
 „ suis tabulis nomen A. Licinii Archiae inte-

„ grum ac sincerum exstare, nec nisi unum in illis
„ reperiri nomen, quod litura aliquam fraudis sus-
„ picionem moveat. Quid igitur prohibet, quin
„ praenomen P. à librariis perperam in L. mu-
„ tarum statuamus. Nam hunc Lentulum non
„ fuisse iudicii de Gabinio, ut Ernestus acce-
„ pit in Clavi Ciceron. p. 190, sed hujus de Ar-
„ chia, Quaestorem, ipse nexus ac tenor oratio-
„ nis arguit. Duo nostrae rationi obstare viden-
„ tur: ad quae tamen habeo, quod respondeam.
„ Alterum est, quod Cicero Praetorem & Ju-
„ dices non alloquitur, sed de iis loquitur, id
„ est, ut vulgo dicunt, non secunda, sed ter-
„ tia, persona utitur. Atqui sic in tota hac Ora-
„ tione fecit erga Praetorem, veluti in exitu,
„ & hoc ipso Capite bis, ubi Praetorem huma-
„ nitatis ac doctrinae participem significat: quod
„ sane convenit in personam illius P. Cornelii
„ Lentuli Spintheris. Iudices autem dicit hoc
„ eodem Capite II, & aliis in Orationibus. Al-
„ tera videtur subesse difficultas, quod haec
„ causa quamvis publica apud Praetorem Ur-
„ banum acta sit. At vero quod universe va-
„ luit, ut Praetoribus Urbano & Peregrino
„ causae privatae, caeteris autem quaestiones
„ attributae fuerint, non ita ad vivum refecan-
„ dum est, quasi nullam exceptionem habuerit.
„ Nam criminis quidem *repetundarum* quaestio-
„ nem

„ nem fuiffe Peregrini Praetoris, ostendit Manu-
 „ tius ad Cic. 2. Fr. II, 1. Et similia tradit de
 „ Praetore Peregrino Conradius in Parergis, Diff.
 „ De Praetore Peregrino §. 19. Et Lege Laeto-
 „ ria rei privatae iudicium publicum factum est,
 „ ut ait Cicero Nat. Deor. III 39. Et in aliis
 „ eam rationem obtinuiffe docet Sigonius De
 „ Judiciis 1, 2.” Altera est nostra animadver-
 „ fio ad Cap. III, ad illa verba: *Statim Luculli, cum*
 „ *praetextatus etiam tum Archias esset, cum domum*
 „ *suam receperunt*: ubi quum nulla ratio excogita-
 „ ri posset, qua *Archias* praetextatus dicatur, nos
 „ difficultatem sic expedivisse videmur: „Equidem
 „ dudum & saepius de hoc praetextato Archia
 „ cogitavi, & quo magis cogitavi, eo mihi magis
 „ persuasi, ab ejus nomine & mentione totum
 „ hunc locum abhorrere. Quid enim? & to-
 „ ga, & toga praetexta, est Romanorum. Quid
 „ huic cum Archia, Graeco, palliato, nec-
 „ dum cive, nec etiam civem se gerente; ergo
 „ excluso ab ejus indumenti facultate? Et si
 „ maxime Romanus esset, aetas tamen virilis
 „ & privati conditio praetextam repudiabat,
 „ quippe puerilibus annis, & magistratibus, pro-
 „ priam. Quod & mediocri Romani moris ob-
 „ servatione intelligitur: &, praeter Lexica,
 „ docent v. c. Briffonius Selectarum ex Jur. Civ.
 „ Antiquit. I, 13: Sigonius De Judiciis III,

„ 18: alii. Ergo his praeceptis, acrius aliquan-
 „ do intuens hunc *Archiam* latere sub eo no-
 „ men *Marci* deprehendere mihi visus sum, pla-
 „ ne illud in hanc sententiam & literarum duc-
 „ tus quadrans: *Statim Luculli, cum praetexta-*
 „ *tus etiam tum Marcus esset, eum domum suam*
 „ *receperunt.* Sic Ciceronem scripsisse arbitror.
 „ Duo enim unâ habitabant fratres Luculli:
 „ major, *Lucius* ille, postea Bello Mithridati-
 „ co imperator: minor, *Marcus*, anno post fra-
 „ trem A. V. DCLXXX, Consul, deinceps
 „ Macedoniae Proconsul. Nota res vel ex Ci-
 „ cerone, Cluent. 49: Verr. II, 8: Pison. 19:
 „ Acad. IV, 1. Plutarcho in Vita L. Luculli
 „ p. 520, E: & De Gerenda Seni Rep. p. 792,
 „ B, C.” Tertia est nostra animadversio ad
 nobilissimam illam sententiam: *haec studia ado-*
lescentiam alunt caet. ubi Nerscherus recte po-
 nit *alunt*, pro vulgari *agunt*: illud confirmans
 similibus dictis Ciceronis, Bruto 33: Off. I, 30,
 tum Horatii A. P. 307: Ovidii Trist. III, 14,
 37: deinde ipsam sententiam comparat cum dua-
 bus geminis Ciceronianis, Fin. V, 19, & Lae-
 lio Cap. VI: denique haec addit: Ad ista mihi
 Cl. Wytttenbachius haec subjecit: „ Mirum est,
 „ ut ad hanc lucem non attenderint primarii vi-
 „ ri, Victorius Var. Lect. XXVI, 12: Mure-
 „ tus Var. Lect. XII, 15: Ernestus Clav. Cic.
 „ Voce

„ Voce *Ago*: non illi quidem *akunt* damnantes,
 „ sed *agunt*, ut in veteribus libris proditum,
 „ praeferentes, nec tamen ullo probabili exemplo
 „ confirmantes. Itaque Passeratius, Lambinus,
 „ Cellarius, Schellerus, multo rectius *akunt* re-
 „ tinuerunt. Huc accedit quod Graeci *τρέφειν*
 „ & *τροφήν*, *alere* & *nutritionem*, saepe pro
 „ *παιδεύειν* & *παιδεία*, *instituire*, *institutione*,
 „ usurpant. Cicero autem, ut alias alia, ita hanc
 „ studiorum & doctrinae laudationem à Grae-
 „ cis sumsit, quorum similia quaedam senten-
 „ tiarum lumina in Damasceni Parallelis MSS.
 „ feruntur: quae hoc loco referre non ab re
 „ sit: *Δημοκράτους*. Ἡ παιδεία εὐτυχοῦσι μὲν
 „ ἐστὶ κόσμος, ἀτυχοῦσι δὲ καταφύγιον· quod
 „ alio loco apponit sub nomine Aristotelis, &
 „ exstat in Diogene Laertio V, 19: τὴν παιδείαν
 „ ἔλεγεν ἐν μὲν ταῖς εὐτυχίαις εἶναι κόσμον, ἐν
 „ δὲ ταῖς ἀτυχίαις καταφυγὴν. Damascenus:
 „ Ἀριστοτέλης ἔφη, τὴν παιδείαν εὐτυχοῦσι μὲν
 „ κόσμον εἶναι, πταίσασι δὲ καταφυγὴν ἐλευθέ-
 „ ριον. Mox aliud: Πίττακος συνεβούλευε πρὸς
 „ τὸ γῆρας ἐφόδια παρατίθεσθαι παιδείαν· γηρο-
 „ κομικωτάτη γὰρ αὕτη, καὶ εὐκόλως ποιοῦσα
 „ ὑποφέρειν τὰς τοῦ γήρως δυσκολίας. Tum
 „ etiam hoc non nominati auctoris: Ἡ παιδεία
 „ καὶ μὴδὲν ἕτερον ἀγαθὸν ἔχει τότε συμφοιτῶν
 „ αὐτὴν νυκτὸς καὶ ἡμέρας ἔξω κακίας. — Cae-

„tera hujus dicti corrupta sunt: apposita vero
 „postrema sic corrigenda videntur: τὸ γε συμ-
 „φοιτᾶν αὐτὴν νυκτὸς καὶ ἡμέρας, ἔξω καὶ ὄ-
 „κει — . i. e. doctrina, si aliud nullum habet
 „bonum, certe hoc habet, quod noctu & in-
 „terdiu, foris ac domi nobiscum est”. Caete-
 ra ipsius Netscheri in ipsa ejus Disputatione le-
 gantur. Qui quoniam nunc Roterodami patro-
 cinium facit, speramus fore, ut ei causarum
 negotiorumque tanta frequentia obtingat, quan-
 tam vult. Vult enim eam, quae sibi subinde re-
 ditus ad studia humanitatis concedat: quae stu-
 dia, quod Cicero de Archia dixit, suppeditant
 tibi & aures convicio defessae conquiescant, &
 animus ex forensi strepitu reficiatur, ac doctri-
 na relaxetur & excolatur.

III. Creuzerum, V. Cl., quem Bibliothecae Cri-
 ticae P. XII, p. 222, Academiae Heidelbergen-
 si gratulati eramus, rursus eidem gratulari de-
 bemus: Homerice quidem, ἐκὼν ἀέκοντί γε θυμῷ.
 Nam quum illa scriberemus, oblatâ ei jam tum
 Leidensi cathedra Graecarum Literarum, verba
 sic posuimus; ut re, si forte, ante editum no-
 strum libellum confectâ, pro *Heidelbergensi*, *Lei-*
densem poneremus. At re praeter expectationem
 retardatâ, libellum nostrum, & locum illum,
 ita ut erat scriptus, edidimus. Venit tandem
 Creuzerus mense Julio, expectatus sane, & ani-
 mi

mi bonis talis, qualem eum absentem cognoveramus, eleganti ingenio, exquisita & varia doctrina, egregia humanitate: at vero minus, quam sperabamus & ipse volebat, firmus & vigena valetudine. Quam jam antea tentatam infueto coeli & aeris Batavi novitas sic porro affecit, ut gravius etiam quid vitae metuendum videretur, nisi in soliti se naturam loci referret. Itaque nos reliquit, magno & nostro cum dolore, & Academiae Leidensis damno: & fortunâ nos quasi ludificante, eumque nobis simul & dante & adimente, Heidelbergâ lubens lubentem recepit. In qua nos jactura unice illa spes consolatur, fore ut quantum nobis emolumenti abitu viri detractum est, tantum cum ad ipsius vitam diuturnitatis, tum ad Literas utilitatis accedat. Nunc eum vivum dimittentes, non quidem χαίροντες, quod illo poetae dicto celebratur, sed tamen εὐφημοῦντες ἐκπέμποντες δόμων, scriptis ejus commemorandis prosequamur. Ergo quum de duobus dixissemus Creuzeri scriptis; ne plura dicamus de altero, & ipso egregio, quo *Historicorum Gr. Hecataei Milesii, Charonis Lampsaceni, Xanthi Lydii, Fragmenta* continentur: alterum, quod inscribitur *Dionysus, sive Commentationes Academicæ de Rerum Bacchicarum Orphicarumque Originibus*, judice etiam Censore Goettingensi, Hey-

„ poris deinceps labentis decursum, in multis
 „ rebus sui quodammodo dissimiles apparent.
 „ Hoc tamen haud quaquam eo pertinet, quo
 „ trahere volunt ii, qui hodieque nihil prius
 „ habent, quam ut, si hoc fieri possit, ex ip-
 „ sa religione religionem tollant. Quod stu-
 „ dium si quem hominem transversum egerit,
 „ ei nihil magis ridiculum videtur, quam eo-
 „ rum ratio, qui divinarum rerum sensa vivo
 „ pectore fideliter condunt. A tam improbis
 „ consiliis nos quidem segregatum volumus,
 „ quodcumque operae in quacumque re collo-
 „ cabimus. Itaque nil fugiemus studiosius, quam
 „ ut ne ad aetatis nostrae, hoc est, frivolae,
 „ modulum exigamus quidquid in terris, alio
 „ sole calentibus, ex illa perenni rerum om-
 „ nium effectrice Naturâ ad sanctioris aevi ho-
 „ mines prolixè transmissum, traditumque ami-
 „ quitus, fabularum commendatione etiamnum
 „ fervatur. Neque enim hoc ipsum, quod Dei
 „ beneficio debemus, deleri potuit prava inter-
 „ pretatione eorum, qui nescire videntur quid
 „ sit illud, quod apud philosophum est *alte*
 „ *spektare*. Nos vero recordemur, quidquid in
 „ veterum religionibus primarium est, ab iis esse
 „ profectum, quorum animus, abjecta terrenarum
 „ rerum egestate & miseriis, sublime tendere
 „ mature didicisset.” Index singularum partium
 „ duo.

duodeviginti paginis in fine Partis II, accedit. Nos satis habere debemus argumenta breviter & summatim ex ipso libro retulisse. Sunt vero haec: Commentatio I: de *Vasis Bacchicis Orphicisque*, in his de *Persarum Aegyptiorumque Vase Mundano Mystico apud Athenaeum*. Excursus I, quo tractantur insigniora quaedam, in his *Orphica de Fato*, rerumque quibus *Mundus continetur vicissitudinibus*, per *Heracliti reliquias librosque Stoicorum*. Excursus II, de *Cratere Liberi Patris sidereo*. Commentatio II, in qua *Vasorum Niliacorum in Nummo*, itemque *Canobi, Pataecorum, Caborum, Dioscurorumque*, prisca species ratioque demonstratur. Commentatio III, in qua universe monetur, quam vim habuerit antiquissima *Magnorum Deorum Dearumque species*. Commentatio IV, de *Serapide & Baccho Petasgio*. Excursus III, de *Canobo sidereo, Amphoraque siderea: Platonis Platoniorumque sententiis de animarum humanarum vicissitudinibus: de Dionysio infero, Antro- rumque Bacchicorum notione ethica: Bacchi vatis potestate ex ejusdem natura humida terrenaque*. Haec est materia Voluminis Primi quod adhuc unum prodiit, hoc & proxime superiore anno. Novissimum è scriptis est *Programma Academicum* mense Aprili editum, in quo proditur *Specimen Observationum ex priscis*
Sci ip-

Scriptoribus ad novissimam Operum Joannis Winkelmanni editionem. Alia etiam nobis munera parat, multum illa incrementi allatura cognitioni veteris Philosophiae: editionem *Ciceronis De Natura Deorum*, & Operum *Plotini*. Et hujus jam specimen prodidit in Sylloge semestri Heidelbergensi germanice scripta, *Studiorum* nomine insignita, interpretationem Enneadis III, Libri VIII, *De Natura, Contemplatione & Uno*. Habebit autem haec editio & scripturam emendatam ex codicibus scriptis, & commentarios explicandis rebus ac sententiis accommodatos, qui viam patefaciant ad caeteros Novae Platonicae scholae doctores, Porphyrium, Jamblichum, Proclum, & omnino abditam illam Metaphysicam adhuc neglectam; unde novissimi hujus doctrinae correctores ei novam lucem accendere possint. Sed de his alias. Nunc de duobus etiam dicamus libris, Creuzero, & suafore scriptis, & commendatore editis.

IV. *NONNI Dionysiacorum Libri Sex, ab octavo ad decimum tertium, res Bacchicas ante expeditionem Indicam, complectentes: emendavit, omnium Nonni librorum argumenta, & notas mythologicas, adjecit Georgius Henricus Moser, Ulma-Bavarus, Seminarii Philologici Heidelbergensis sodalis. Praefatus est Fridericus Creuzer. Heidelbergae, ex libraria Mohrii & Zim-*

Zimmeri Academica. MDCCCIX. 8. *pagg.* 281.

Quod eruditissimus juvenis G. H. Moserus consilium cepit edendi Nonni, eo magis est laudandum, quo plus ipse facultatis ad hoc opus adfert lectione antiquorum optimorumque poetarum & Scriptorum comparatae. Et poetarum quidem Graecorum aetatis postremae carmina, exceptis Dionysiis Nonni, & editionibus frequentata, & doctis hominibus satis cognita sunt. Nam ex heroico genere Musaeus, Coluthus, Tryphiodorus, Quintus Smyrnaeus, nostra aetate, singulares quisque editores habuerunt: & ex epigrammatico, Palladas, Julianus, Paulus Silentarius, Agathias, alii, Graecae Anthologiae beneficio, ut servati, ita celebrati sunt. Nonni quum essent duo carmina, alterum parvum, *Metaphrasis Evangelii S. Joannis*; alterum magnum, *Dionysiaca*, de rebus Bacchi, libris quadraginta octo; illud saepe editum est: hoc bis separatim, semel conjunctim cum caeteris poetis Graecis in *Lectii Corpore P. Gr.* Quae fors carmini à legentium paucitate venit. Atqui argumentum certe debebat studiosos antiquitatis ad legendum invitare, amplum illud & in vetustissima historia celebratum: & sic à Nonno tractatum, ut illud non modo fusa & copiose persequeretur, sed maximam rerum partem è

per.

perditis nunc poetis & scriptoribus affumeret. Quibus materiae dotibus qui non contenti, à versificatore etiam poeticas laudes, inventionis, orationis, ornatùs postulant, profecto iniquius agunt. Sed redeamus ad propòsitum librum. Hujus tres sunt Partes: prima, *De Nonni vita, ingenio, & scriptis, Commentatio*, pag. 1 — 12: altera continet *Dionysiacorum illos octo libros, cum emendationibus & notulis contextui subjectis, & omnium librorum brevibus argumentis*, pag. 13 — 168: tertia est, *Commentarius Mythologicus in octo illos libros*. In omnibus his partibus exstat haud vulgaris cum doctrinae copia, tum judicandi facultas. Et prima quidem, praeter ea, quae titulus ejus proficitur, habet alias duas notationes cognitu jucundas & utiles: alteram, recentiorum hominum eruditorum diversa in utramque partem de Nonno judicantium, vel laudantium vel contemnentium: alteram, antiquorum poetarum & aliorum Scriptorum, qui carminibus hoc argumentum vel attigerunt, vel tractatur, quale hodieque superest Euripidis drama Bacchae. Secunda porro pars è grammatica ratione ad locos corruptos & obscuros expediendos adfert brevis & opportuna animadversionis quasi adspersionem. Tertia denique plane thesaurum totius Mythologiae continet; quippe nullum in illis octo libris memoratur nomen

men minus quidem vulgare, Dei, herois, semidei, numinis, loci, rei, quin ejus historia & auctorum de illa mentiones docte copioseque annotentur. Quo magis optamus, ut tantae industriae & eruditionis juveni is locus obtingat, ubi has dotes, ad iisdem imbuenda instituendaque juniorum ingenia, expromat.

V. M. ANTONII MURETI *Scripta Selecta*, curavit Carolus Philippus Kayser, Philosophiae Doctor, Gymnasii Heidelbergensis Professor, Bibliothecae Acad. Praefectus. Accedit Friderici Creuzeri Epistola ad Editorem. Heidelbergae, sumtibus Mohrii & Zimmerii. MDCCCIX. 8. pagg. 616.

Ad M. Antonii Mureti non modo lectionem, sed mentionem adeo & cogitationem, semper animum meum, nescio quomodo, quaedam & suavitas demulcet, & lux humanitatis quasi serenat; neque id solum praesentis sensu temporis, sed etiam praeteriti recordatione. Is mihi enim fuit Muretus, qui me Ciceroni offensum reconciliaret. Adolescens vix dum viginti annos natus, editâ Epistolâ ad Ruhnkenium, non nisi Graecos legeram Scriptores, ab iisque tum recens ad Latinos & principem Ciceronem accedebam. Qui me continuo insolita quadam difficultate, ut putabam, & austeritate, certe à se ad alios avertebat. Forte accidit eodem tempo-

pore, ut ex auctione nanciscerer exemplum Mureti, sordidum quidem charta & typis, prius etiam dominorum usu detritum ac paene lacerum; quod ego ut accipio, ita inspicio; & primae statim orationis, in quam casu incidebam, exordio sic & moveor & teneor, ut eam nisi perlectam de manibus non deponerem. Qua in lectione memini mihi plane idem accidisse, quod antea in Demosthenis mihi lectione acciderat, quod scripsi in praefatione ad Selecta Historicorum Graecorum p. 33, ut incallescere & impetu orationis auferre ad eam inter legendum alta voce recitandam. Deinceps, omnia hujus scripta legens, paulatim cum Cicerone in gratiam redeo: qui mihi jam nil nisi suavitatem & lucem offerebat, ad eam quasi magna mysteria percipiendam, parvis Mureti mysteriis praeparato. Quod negotium quam rationem habuerit, declaravi Bibliothecae Criticae Parte X, p. 115: quae nostra verba Creuzerus V. Cl. reposuit in hujus editionis praefatione. Quam quidem & editionem & praefationem dignam esse Mureti laude, vere nobis affirmare videmur. Nam & Creuzerus V. Cl. is est, qui in paucis eorum, qui nunc sunt, Latine scribendi facultate & elegantia excellat: & editio cum externam habet dotem, quam Ruhnkeniana caret, chartae candorem & typorum for-

mam: tum internam, delectum partium & annotationis opportunitatem. Ac delectus quidem cum iudicio ex omnibus Muretinis operibus factus est, Epistolis, Orationibus, Variis Lectionibus, Commentariis, Poematibus: annotatio autem, retentis Ruhnkenii notulis, refertur ad alios etiam Veterum locos à Mureto vel memoratos, vel significatos, auctorum nominibus, librorum paginarumque aut versuum numeris notandos. Sic Editor gratum & utile fecit adolescentibus Latini stili & antiquae elegantiae studiosis, opere Muretino ad pretii mediocritatem, & eam voluminis brevitatem redigendo, quae tamen exemplo & imitationis consilio satisfaceret. Caeterum idem Editor jam antea doctis hominibus facultatem suam probaverat, colligendis Philetæ fragmentis, edendisquæ libello sic inscripto: *Philetæ Coi Fragmenta, quae reperiuntur, collegit & notis illustravit Carol. Phil. Kayser, Enzhemio-Palatinus, Seminarii Philologici R. Georgiae Augustae sodalis: praefixa est Epistola Chr. G. Heynii ad Jo. Georg. Schlofferum. Gottingae typis Barmzierianis 8. pagg. 90.*

VI. Jacobo Morellio. viro eidem & optimo, & omnium, qui nunc sunt, rei literariae intelligentissimo, quantum ego debeam saepe & alias dixi, & nuperrime in Annotatione ad Platonis Phae-

Phaedonem propediem edenda; nunc nos iuvat viri beneficia recollere memorandis breviter novissimis, quae quidem in manibus habemus, ejus scriptis: quaedam fufius descripturi in fequente libro Philomathiae. Sunt autem haec: *Dionis Caffii Hiftoriarum Romanarum Fragmenta cum novis earundem lectionibus*, à Jacobo Morellio Bibliothecae Venetae Praefecto, primum Bassani apud Remondinos anno MDCCXCVIII, forma minori vulgata: nunc castigatus, formaque majori, ad Reimarianam editionem accommodata, denuo excusa Parisiis, typis J. I. Delance a. MDCCC. fol. pagg. 18. Alterum est: *Bibliotheca Manuscripta Graeca & Latina Divi Marci Venetiarum: Tomus Primus. Bassani ex Typographia Remondiniana.* a. MDCCCII. 8. pagg. 499. Tertium inscribitur: *Aldi Pii Manutii Scripta tria longe rarissima*, à Jacobo Morellio denuo edita & illustrata. Bassani typis Romondinianis. MDCCCVI. 8. pagg. 61. Sunt autem haec tria: Musarum Panegyris ad Albertum Pium: Epigramma de Venere & Cupidine: Lex Graece scripta Academiae Aldinae, de collocutionibus in ea non nisi Graece habendis. Est etiam chartula octonaria quatuor paginarum de *Jacobi Morellii operibus editis ab a.* MDCCLXXI—MDCCCIV. Ejusdem viri liberalitati debeo exemplum *Vi-*

tae Hieronymi Lagomarsini ab Josepho Mariano Parthenio scriptae, editae Venetiis MDCCC, 8, dignae prorsus, de qua uberius alias referamus.

VII. Quae antea rogavi tria, eadem rursus mihi roganda sunt; ne tacendo committam, ut non amplius rogare videar. Primum est, de Ruhnkenii Epistolis: alterum, de ejusdem exemplari Plutarcheorum Moraliū: tertium, de hominibus doctis absentibus & exteris, librorum hujus Bibliothecae Lugduno - Batavae copiam sibi fieri cupientibus. Haec autem cujusmodi sint, diximus Bibliothecae Criticae Parte XI. p. 156, 175: & XII, p. 94 & deinceps.

PHILOMATHIAE LIBER PRIMVS
EXPLICIT FELICITER.



MAG 220567L





